

ዩሱሲ ኪቴዳዋንቱ ኦሱዋ ጌሉዋ

ዩሱሲ ኪቴዳዋንቱ ኦሱዋ ጌቴቲያ ማፃፋይ፣ ሉቃሳ ሚሺራቸዋ ካሊዳ ፃፊቴዳ ማፃፋ። እው ዳዒያ ሁጹ ቆፋይ ኮይሮ ዩሱሳ ካሌዳ አሳቱ ጌሻ አያናን ካሌሴቲዳ፣ አባ ኦዲያ ሚሺራቸዋ ቃላ «ዩሩሳላሚን፣ ዩሁዳ ጋዲያ ኡባን፣ ሳማርያን፣ ሳዓ ጋፃ ጋካናው» ሚሺራቸዋ ቃላ ዋቲ ጋዲያ ኡባ ጋሌዳንቶ ኦዳናሳ (ኪት 1:8)። ማፃፋይ ኪሪሰቲና አማኑ አዩሁዳ አሳቱዋ ጊደን ደሜቲዳ፣ ኩሚንሳ አሳሚያን ዳዒያ አሳ ኡባ አማኑዋ ጊደና ጋካናው ዋኒ አኬዳንቶ ኦዲያ ታሪኪያ። ፃፊ፣ አማኒያ አሳቱ ሮማ ካወቱላ አላናው ጋርሳና ማቄቲያ አሳ ጊደናዋኔ ኪሪሰቲና አማኑ አዩሁዳቱዋ አማኑዋ ኩሚንሳ ኡዲያዋ ጊዲያዋ ኤሪሳናው ዳሪሲ ዳቡሪዳ ኦሌዳ።

ዩሱሲ ኪቴዳዋንቱ ኦሱ ዩሱሳባ ኦዲያ ሚሺራቸዋ ቃላይ ጋኪያ ሳዓይ ዋዲያን ዋዲያን አኪ አኪ ቢያዋኔ ዋሳ ጎሊ ኤቄዳዋ ቆንጨሲያዋ ሄዙ ሁጹ ሳን ሻካናው ዳንዳዬቱ።

1. ኪሪሰቲና አማኑ ዩሱሲ ሳሉዋ ፑዳ ቢ ሲሚና ደሜቲዳባ፤
2. ኢሰራዔሊያ ጋዲያ ኡባ ጋኬዳባ፤
3. ሮማ ጉጂዳ ሚዲቴራኒያ አባ ዩሹዋን ዳዒያ ጋዲያን አኬዳዋ ኦዳ።

ዩሱሲ ኪቴዳዋንቱ ኦሱዋ ማፃፋን ዳሮፔ ኤሬቶዌ ጌሻ አያና ኦሱዋ ጊዲሺን፣ ጳንፃቆስቲ ጋላሲ ዩሩሳላሚን ዳዒያ አማኒያዋንቱ ቦላ ዋልቃፔ ኢ ዋዲዳዋ፣ ሃዋዳንካ ማፃፋ ጊደን ኦዳቴዳ ኦሳቱዋ ኡባን ቤቴዳዋዳን፣ ጌሻ አያናይ ዋሳ ጎሊያኔ ዋሳ ጎሊያ ካሌሌያዋንታ ካሌሌዳዋኔ ሚኒሴዳዋ ጉጂዳ ኦዳ። ቤኒ ዋዳ ኦሴቲያ ኪሪሰቲና ኪታይ ዲማ ዲማ ኦዳዳ ቃላ ጊደፔ ማፃ ኬሲና፣ ቃንሳን ሸቄዳ። ዩሱሲ ኪቴዳዋንቱ ኦሱዋ ጊደን ፖሌቴዳ ኪታቲካ ሄ ኦሱ አማኒያ አሳ ዳዑዋኒኔ አማኒያዋንቱ ኢቲፔቴላን ዳዒያ ዋልቃይ ኣይ ከና ዳሬንቶ ኦዳ።

ሸዎፓቲዋ ኡባቲዋሲ አሜቴዳ ቃንሳ ቆፋቲዋ

- ማርካቴላው ገጉዋ (1:1-26)
- ወርሴላን ዩሱሲ አሜዳ ኣዛዙዋኔ ሂደታ (1:1-14)
- ዩሁዳ ከታ ጌሌዳዋ (1:15-26)
- ዩሩሳላሚን ኦሴቴዳ ማርካቴላ (2:1-8:3)

- ዩሁዳኒኔ ሳማሪያን ኦሴቴዳ ማርካቴፋ (8:4-12:25)
- ጳውሎሲ ኪቴቴዳ ኦሎዋባ (13:1-28:31)
- ጳውሎሲ ኪቴቴዳ ኦሎዋሲ ኮይሮ ሃሜታ (13:1-14:28)
- ዩሩሳላሜ ሺቁዋ (15:1-35)
- ጳውሎሲ ኪቴቴዳ ኦሎዋሲ ላዔል ሃሜታ (15:36-18:22)
- ጳውሎሲ ኪቴቴዳ ኦሎዋሲ ሄዜንፉ ሃሜታ (18:23-21:16)
- ዩሩሳላሜን፣ ቁሳሪያኒኔ ሮሜን ሃኔዳ ጳውሎሳ ቃሹዋ (21:17-28:31)

1-2 ቶፊሎሳ፣ ዩሱሲ ሳሉዋ ቤዳ ጋላሳይ ጋካናው፣ ኦሳናውኔ ታማሪሳናው ደሜዳዋ ኡባባ ታኒ ታ ኮይሮ ማፃፋን * ፃፋዲ። ሳሉዋ ባናፔ ካሴ ኢ ባሬ ደሪዴ ኪቴዳዋንታ ጌሻ ኣያናን ኣዛዜዳ። 3 ኢ ባሬ ኪቴዳዋንቶ ኦይታሙ ጋላሳ ቤተዲኔ ቃሲ ያሳ ካዉቱላባ ኡንቱንቶ ኦዲዴ፣ ባሬ ዋዪያፔ ጉዪያን፣ ሃይቁዋፔ ዴንዴዳዋ ሲዴ ባይናን ሎይሊ ኣማንሊዴ፣ ባሬና ኡንቱንታ ቤሴዳ። 4 ኡንቱንቱና ኢቲፔ ዴዲዴ፣ ኡንቱንታ ሃዋዳን ያጊዴ ኣዛዜዳ፤ «ዩሩሳላሜፔ ኬሶፐቲ፤ ሺን ሂንቱንቱ ታፔ ሲሴዳ ታ ኣቡ ሂንቱንቶ ኢማና ጊዴ ሂደቲዳዋ ናጊፔ። 5 ኣዪሲ ሳፔ፣ ዮሃኒሲ ሃፋን ፃማቁዳ፤ ሺን ጉላ ዋዲያፔ ጉዪያን፣ ጌሻ ኣያናን ሂንቱንቱ ፃማቁታኒታ» ያጌዳ።

ዩሱሲ ሳሉዋ ቤዳ
(ማር 16:19-20፤ ሉቅ 24:50-53)

6 ዩሱሲ ኪቴዳዋንቱ ዩሱሳና ጋኬቴዳ ዋዴ ኣ፣ «ሳዳው፣ ሃ ዋዲያን ኢሰራዔልቱዋሲ ካዉቱላ ዛራኒ?» ያጊዴ ኦቹዲና።

7 ዩሱሲ ኡንቱንታ፣ «ታ ኣቡ ባሬ ሳዳቱላን ኬሬዳ ኣጌናኔ ዋዲያ ሂንቱንቱ ኤራናሳ ጊዴና። 8 ሺን ጌሻ ኣያናይ ሂንቱንቱ ቦላ ዋዲያ ዋዴ፣ ዋልቃ ሂንቱንቱ ኣካኒታ፤ ያቲዴ ዩሩሳላሜኒኔ ዩሁዳ ጋዲያ ኡባን፣ ሳማሪያኒኔ ጋዲያ ጋፃ ኡባ ጋካናው ታው ማርካቴያዋንታ ጊዳኒታ» ያጌዳ።

9 ሃዋ ጌዳዋፔ ጉዪያን፣ ኡንቱንቱ ያሊሺን፣ ቶቁ ቶቁ ጊዴ፣ ሳሉዋ ቢና፣ ኡንቱንቱ ኣይፊያፔ ሻሪ ኣ ጌንሌዳ።

10 ዩሱሲ ቦላው ዴንዲያ ዋዴ፣ ኡንቱንቱ ሳሉዋ ጫዲ ያሊሺን፣ ቦላ ማዮዋ ማዬዳ ላዑ ኣሳቱ ኤሌካ ኡንቱንቱ ማታን ኤቁዴ፣ 11 «ጋሊላ ኣሳቶ፣ ሳሉዋ ያሊዴ፣ ሂንቱንቱ ኣዪሲ

1:1-2 ሉቅ 1:1-4 * 1:1-2 ታ ኮይሮ ማፃፋን፣ ሉቃሳ ሚሺራቹዋ ማፃፋ።
1:4 ሉቅ 24:49

ኤቄዲቲ? ሃ ሂንቴንቱፔ ሳሉዋ ቤዳ ዩሱሲ ሳሉዋ ቢያዎ ሂንቴንቱ ቤዔዳዎዳንካ፥ ሲሚዳ ያናዎ» ያጌዲኖ።

ዩሁዳ ኮታ ማቲያሲ ዶሬቴዳ
(ማት 27:3-10)

12 ሄዋፔ ጉዩያን፥ ዩሱሲ ኪቴዳዎንቱ ዳብሬ ዛይቲ ጌቴቲያ ዋጋራ ሚላ ዳሪያፔ ዩሩሳላሚ ሲሚዲኖ። ዋጋራ ሚላ ዳሪ ዩሩሳላሚፔ ኢቲ ኪሎ ሚቲሪያ ኬና። 13 ዩሱሲ ኪቴዳዎንቱ ዩሩሳላሚ ጌሊዳ፥ ባሬንቱ ዳዒያ ሳዓ ጶቃ ፑዳ ኬሴዲኖ፤ ያ ኬሴዳዎንቱ ሱንላይ ጳዒሮሳ፥ ዮሃኒሳ፥ ያዩቆባ፥ አንዲራሳ፥ ፒሊጶሳ፥ ቶማሳ፥ ባርታላሞሳ፥ ማቶሳ፥ ኢልፒዮሳ ናዓ ያዩቆባ፥ ባሬ ጋዲያሲ ሴሌቲያ ተ ሲሞናኔ ያዩቆባ ናዓ ዩሁዳ። 14 ሃዋንቱ ኡባቱ ማጫዎንቱና፥ ዩሱሳ ዳዩ ማይራሚናኔ ዩሱሳ አሻቱዋና ኡባይ ኢቲ ዋዛና ጊዲዳ፥ ኡባ ዎዳ ኢቲፔቴላን ዎሳው ሸቂኖ።

15 ሄ ዎዳ፥ ጳዒሮሲ ጭታኔ ላታማ ጊዲያ አማኒያ አሳ ሸቂዋን ኢቲፔ ዳዒያ ባሬ አሻቱዋ ጊደን ዳንዲ ኤቄዳ፥ ሃዋዳን ያጌዳ፤ 16 «ታናዳን አማኒያዎንቶ፥ ዩሱሳ ኦይቄዳዎንታ ካሌሌዳ ዩሁዳባ ጌሻ ኣያናይ ካሴ ዳዋቲ ዶናን ኦዳዳ ያሳ ማፃፋ ቃላይ ፖሌታናው ቤሴ። 17 እዩሲ ጎፔ፥ ዩሁዳ አሰቆሮቱ ኑናና ዳዒ፤ ቃሲ ኑናና ኢቲዋ ጊዲ ፓይይቲዳ ኦሱዋ ባጋይ ዳዒና ማላ ዶሬቴዳ» ያጌዳ።

18 ዩሁዳ አሰቆሮቱ ባሬ ኢታ ኦሱዋን ዳሚዳ ሚሻን ጋዲያ ሻሚዳ፤ ሲንላው ጉፋኒዳ ኩንዲና፥ ኣ ኡሉ ጊዲዋፔ ዳኬቴዳ፤ ኣ ማራጩ ኡባይካ ካሬው ጳልጭቲ ኬሲ አጌዳ። 19 ዩሁዳ ቦላ ሃኔዳዋ ዩሩሳላሚን ዳዒያ አሳይ ኡባይ ሲሴዳ፤ ሄዋ ዲራው፥ ሄ ጋዲያ ባሬንቱ ቃላን አኬልዳማ ጊዳ ሱንሌዲኖ፤ ሄዋ ቢሌላይ ሱሳ ጋዲያ ጊያዎ።

20 ጳዒሮሲ ኦዲዳ፥ «አዩሲ ጎፔ፥ ማዚሙሪያ ማፃፋን፥
<አ ጎሊ ሚላ አቶ፤
ኦኒኔ ሄዋን ዳዎ?>

ቃሲ
<አ ሱንላቴላካ ሃራይ አኮ>
ጌቴቲዳ ፃፊቴዳ። 21-22 ሄዋ ዲራው፥ ኢቲ አሳይ ጎዳ ዩሱሳ ዳንዲዋ ማርካታናው፥ ኑናና ጋኬታናው ቤሴ፤ ዮሃኒሲ ፃማቄዳ ዎዲያፔ ዶሚዳ፥ ዩሱሲ ኑፔ ሳሉዋ ቤዳ ዎዲ ጋካናሲ፥ ጎዳ

† 1:13 ባሬ ጋዲያሲ ሴሌቲያ፥ ሃ ሱንላይ ካላፔ ሮሜ ኣሳና ኤቄቲዳ ኦሌቴዳ አዩሁዳ ኣሳሲ አሚቴዳዎ። 1:20 ማዝ 69:25፤ 109:8

ዬሱሲ ኑናና ሃማቲዳ ዋዲያ ኡባን ኢ ኑናና ዳዒያዋንቱፔ ኢቱዋ ጊዲ ሱንጭታናው ቤሴ።»

23 ሃዋፔ ጉዬ አማኒያ አሳይ ደረዋሲ ዮሰፆሳ ጊያ ባርሳባ ጌቲቲያ ዮሴፋኔ ማቲያሳ ላዑዋ ኤሴዲኖ። 24-25 ሃዋፔ ጉዬያን፣ ፆሳ ዋሲዳ፣ «ኡባ ዋዛና ኤሪያ ጎዳው፣ ዩሁዳ አሰቆርቱ ባሪሳ ባናው ዩጊዳ ቤዳ ኦሎብኔ ዬሱሲ ከቴዳ ኦሎብ ሃዳራ አካናዳን፣ ሃ ላዑ አሳቱዋፔ ኢቱዋ ኔኒ ደራዳዋ ኑና ቤሳ» ያጌዲኖ። 26 ኡንቱንቱን ሳማ ዩጌዲኖ፤ ሳማይ ማቲያሳ ቦላን ዋዲና፣ ማቲያሲ ዬሱሲ ከቴዳ ታማኔ ኢቲ ከቴታዋንቱና ፓይዳቴዳ።

2

ዬሱሳ ካሊያዋንቱ ቦላ ጌሻ አያና ዋዴላ

1 ጰንጻቆስቲ * ጊያ ጋላሳይ ጋኬዳ ዋዴ፣ አማኒያዋንቱ ኡባቲ ኢቲፔ ጊዲዳ፣ ኢቲሳ ሸቂ ዳዒሺን፣ 2 ዋልቃማ ጎቱዋዳን ጉሚያ ጉንሳይ ዋዛና አጭን ሳሉዋፔ ዩዳ፣ ኡንቱንቱ ኡቴዳ ጎሊያ ኡባ ኩሚዳ። 3 ቃሲ ታማ ላጩዋዳን ፖዲጊያዌ ኡንቱንቱ ቤቲዳ፣ ሻኬቲ ሻኬቲ፣ ኡንቱንቱ ኡባ ቦላ ዋዴዳ። 4 ኡንቱንቱ ኡባን ጌሻ አያናይ ኩሚዳ፣ ዲማ ዲማ ቃላን ሃሳያና ማላ፣ ኡንቱንታ ዲንዳዩሲና፣ ሃሳያ ደሚዲኖ።

5 ሳባን ዳዒያ አሳ ዜሬላ ኡባፔ ዩዳ፣ ፆሳው ያዩያ ኢቲፔ ዳዒያ አዩሁዳቲ ዩሩሳላሚን ዳዒኖ። 6 ሃ ጉንሳ ሲሴዳ ዋዴ፣ አሳይ ኡባይ ሸቂዳ፤ ኡንቱንቱ ባሪንቱ ቃላን ቃላን ሃሳዩሺን ሲሴዳ ዲራው፣ ጊያዋ ዳዩዲኖ።

7 አሳይ ኡባይ ማላሌቲዳኔ ሃዌ ኦራላባ ጊዳ፣ «ቤዒቲ፤ ሃ ሃሳዩያዋንቱ ኡባቲ ጋሊላ አሳቱዋ ጊዲኪኖ? 8 ያቲና፣ ኑኒ ኑ ዩሌቲዳ ጋዴ ቃላን ኡንቱንቱ ሃሳዩሺን ዋኒዳ ሲሴቶ? 9 ኑኒ ጳርቲ አሳቲ፣ ሚዶኔ አሳቲ፣ ኤላሚጻ አሳቲ፣ ላዑ ሻፋቱዋፔ ጊዲዋን ዳዒያዋንቱ፣ ዩሁዳን፣ ቃጳደቂያን፣ ጳንፆሳን፣ ኢሲያን፣ 10-11 ፐርጊያን፣ ጳኒፊሊያን፣ ጊብጻን፣ ቄሬና ባጋን ዳዒያ ሊቢያ ዋራዳቲዋን ዳዒያዋንቱ፣ ሮሜፔ ዩዳ አማላቲ፣ አዩሁዳቲ፣ አዩሁዳቲላው ላሚቲዳ ኑፔ አማራዳዋንቱ፣ ቃሪጻሴ አሳቲ፣ አራቢያ አሳቲ፣ ፆሳይ ኡሌዳ ዋልቃማ ኦሎብ ኑ ቃላን ኡንቱንቱ ሃሳዩሺን ሲሴዳ» ያጌዲኖ። 12 ኡባይካ ማላሌቲዳ፣ ዩዌ ባሪንቶ ጌሌናን ኢጻና ባሪንቱ ጊዳን፣ «ላ ሃዌ ዋጊያዌ?» ያጌዲኖ።

* 2:1 ጰንጻቆስቲ፣ አዩሁዳዎ አሳይ ፓሲጋ ባላ ቦንቾዴፔ አሻታሙ ጋላሳይ አጲ ሲሚና ቦንቾቲያ ዛርጋ ቆይቻ ባላ ጌቲቲያዋ። 2:1 ዋግ 23:15-21፤ ዛር 16:9-11

13 ሺን ሃራ አሳቱ አማኒያዋንቱ ቦላን ቂሊጨዳ፡ «ሃዋንቱ ኡሺዳ ማላቲዲኖ» ያጌዲኖ።

ጳጳርሳ ሃሳያ

14 ሺን ጳጳርሳ፡ ዩሱሲ ኪቴዳ ሃራ ታማኔ ኢቲ ኪቴቶዋንቱና ዴንዲ ኤቂዳ፡ ባሬ ኮሻ ቶቁ ኦሊዳ፡ ኡንቱንቶ ሃዋዳን ያጌ ኦዳዳ፤ «አዪሁዳቶ፡ ቃሲ ዩሩሳላሚን ዴዲያ ኡባቶ፡ ታኒ ኦዲያዋ ሲሲቱ። ሃዌ ሂንቱንቶ ኤሬቶ፤ ሂንቱንቱ ቆፒያዋዳን፡ ሃዋንቱ ማላቲቤይኪኖ። 15 አዪሲ ጎፔ፡ ዋንታፔ ቢሮ ሄዙ ሳቱ ጌዳ።

16 ሺን ሃዌ ናቢያ ኢዩዔል ሃሳዬዳዋ።

17 «ኢ ሃሳዪዳ፡ ረሳይ ሃዋዳን ያጌዳ፤ ዋዲያ ወርሴላን ሃዋዳን ሃናናዋ።

ታኒ አሳ ኡባ ቦላን ታ አያና ጉሳና።

ሂንቱንቱ አቱማ ናናይኔ ሂንቱንቱ ማጫ ናናይ ቲምቢቲያ ኦዳናዋንታ።

ሂንቱንቱ ዋዳላ ናናይካ ሳፃ ቤዓናዋንታ፤

ሂንቱንቱ ጨማቱካ አኩሙዋ አኩሜታናዋንታ።

18 ሄ ጋላሳቱን ታ አቱማ ቆማቱዋ ቦላኒኔ

ታ ማጫ አሺካራቱዋ ቦላን

ታኒ ታ አያና ጉሳና።

ሄዋፔ ጉዬ ኡንቱንቱ ቲምቢቲያ ኦዳናዋንታ።

19 ቃሲ ታኒ ቦላ ሳሉዋን ኦራላባ፤

ጋርሳ ሳዓንካ ማላታ ቤሳና።

ሱላይ፡ ታማይኔ ሻሪያዳን

ካሜዳ ጨዋይ ዴዓና።

20 ዋልቃማኔ ቦንቾ ጌዳዳ ጎዳ ጋላሳይ

ጋካናፔ ካሴ አዋይ ቋማና፤

አጌናይካ ሱላ ማላታና።

21 ሄ ዋዳ ሃዋዳን ሃናናዋ፤

ጎዳ ሱንላ ያሲያ ኦኒኔ አታና

ያጌዳ።

22 «ኢሲራዔሊያ አሳቶ፡ ሃ ቃላ ሲሲቱ፤ ናዚሬቲያ ዩሱሲ ሂንቱንቱ ጌደን ያሳይ ባሬናን ኦሴዳ ዋልቃማ ኦሱዋን፡ ኦራላባኒኔ ማላታን ሂንቱንቶ ቋሺሴዳ አሳ፤ ሄዋ ሂንቱንቱካ ኤሪታ። 23 ዩሱሲ ሂንቱንቶ ኢሜታና ማላ፡ ያሳይ ካሴ ባሬ ሺኒያኒኔ ባሬ ኤራን ባሬ ቆፋ ቃቺ ዋሌዳ፤ ያቲና፡ አ ሂንቱንቱ ናጋራንቻቱዋ ኩሺያን ማሰቃሊያ ቦላ ሚሲማሪያን ቋሺሲዳ።

ካቂሲ ዎጲሴዲታ። 24 ሺን ሃይቁ ዬሱሳ ኦይቃናው ዳንዳዪቤና ዲራው። ያሳይ ሃይቁዎ ሴላ ኣፔ ቋዪሲዳ። ኣ ዳንጤዳ። 25 ኣዪሲ ጎፔ፣ ዳዊቲ ዬሱሳባ ሃዋዲን ያጌዳ፤

ታኒ ማቶቲናዳን።

ጎዳይ ታ ኡሼቻን ዳዒያ ዲራው።

ታኒ ኡባ ዎዳ ጎዳ ታ ማታን ቤዓይ።

26 ሄዎ ዲራው፣ ታ ዎዛናይ ናሼቲዳ፤

ታ ኢንፃርሳንካ ናሼቻይ ኩሜዳ።

ቃሲ ታ ቦላይካ ሎዎ ዳዓና ጊዳ።

ናሼቻን ናጌ።

27 ኣዪሲ ጎፔ፣ ታ ሸምፑዎ

ሲዎሊያን ኣጋካ።

ቃሲ ኔ ጌሻ ናዓ ኣጋካ ዎቄላካ።

28 ኔኒ ታና ዳዑዎ ኦጊያ ኤርሳዳ።

ኔኒ ታናና ዳዒያዎን

ታኒ ዳሪ ናሼታይ)

ያጌዳ።

29 «ኢሻቶ፣ ኑ ኣዎቱዎ ካፑዎ ዳዊቲባ ታኒ ሂንቲንቶ ጌሻዳ ኦዳናው ቤሴ፤ ዳዊቲ ሃይቁዳ ሞጌቲዳ፤ ኣ ዲፋ ሃቼ ጋካናዉካ ኑ ማታን ዳዔ። 30 ዳዊቲ ናቢያ ጊዳዳ ዲራዉኔ ያሳይ ኣ ናና ዜሬላፔ ኢቱዎ ኣ ካዉቲላ ኦይዲያን ኡቲሳናው ኣው ጫቄዳዎ ኤሬዳ ዲራው። 31 ኪሪሰቶሳ ዳንዳዎ ሲንላው ጃሊዳ፣ ኣ ሸምፑ ሲዎሊያን ኣቲቤና፤ ኣ ቦላይካ ዎቄቤና) ጊዳ ኦዳዳ።

32 «ያሳይ ዬሱሳ ሃይቁዎፔ ዳንጤዳዎሲ ኑኒ ኡባይ ማርካ።

33 ሄዎ ዲራው፣ ያሳይ ባሬፔ ኡሼቻ ባጋን ተ ኣ ቶቄ ቶቄ ኡዲዳ፣

ኣው ጌሻ ኣያና ኢማና ጌዳዎዳን፣ ጌሻ ኣያና ኣኪዳ፣ ሃዎ ሂንቲንቲ ሃዒ ቤዒያዎኔ ሲሲያዎ ኑ ቦላ ጉሴዳ። 34-35 ኣዪሲ ጎፔ፣ ዳዊቲ ባሬ ሁጹው ሳሉዎ ኬሲቤና፤ ሺን ያጌዳ፤

ሳዳይ ታ ጎዳ፤ «ታኒ ኔ ሞርኬቱዎ

ኔኒ ጌዲያን ዬቋ ኤቂያዎ ኦላና ጋካናው

ሃዎን ታፔ ኡሼቻ ባጋና ኡታ» ጌዳ)

ያጌዳ።

2:25 ማዘ 16:8-11 2:30 ማዘ 132:11፤ 2ሳዎ 7:12-13 † 2:33
ኡሼቻ ባጋ፡ ጉሳይ ቦንቹዎኔ ዎልቃ ቤሲያ ሳዓ። 2:34-35 ማዘ 110:1

36 «ሄዋ ዲራው፡ ያሳይ ማስቃሊያ ቦላ ሚሲማሪያን ሃ ሂንቴንቱ ዲሺዳ ካቁዳ ዬሱሳ ጎዳኔ ኪሪስቶሳ ኦሌዳዋ ኢስራዔሊያ አሳ ዜሪላይ ኡባይ ቱሙፕ ኤሮ» ያጌዳ።

37 አሳይ ጳዊርሲ ጌዳዋ ሲሴዳ ዋዴ፡ አሳው ዋዛናይ ዳሮፕ ቦሼቲና፡ ጳዊርሳኔ ዬሱሲ ኪቴዳ ሃራቱዋ፡ «ኑ አሻቶ፡ ያቲና ኑኒ አያ ኡዳኔ?» ያጌዲኖ።

38 ጳዊርሲ ኡንቱንታ፡ «ሂንቴንቱ ናጋራይ አቶ ጌቲታና ማላ፡ ናጋራፕ ሲሚዴ፡ ሂንቴንቱ ሁጲያን ሁጲያን ዬሱሲ ኪሪስቶሳ ሱንላን ፃማቁቲቱ። ያሳይ ኢሚያ ጌሻ አያና ሂንቴንቱ አካና።

39 አዪሲ ጎፕ፡ ያሳይ ኢማና ጌዳ ቃላይ ሂንቴንቱሳ፡ ሂንቴንቱ ናናቱዋሳኔ ጎዳይ ኑ ያሳይ ባሬኮ ጴሲያ ሃኩዋን ዴዒያዋንቱ ኡባሳ» ያጌዳ።

40 ጳዊርሲ ኡንቱንቶ ቃላ ሃራካ ጉጂ ማርካቲዴ፡ «ሃ ዋዲያ ጌላ አሳፕ ሂንቴንቱ ሁጲያ አሺቱ» ያጌዴ ዞራዳ። 41 ጳዊርሲ አዴዳዋ አኬዳዋንቱ ፃማቁቲዲኖ፤ ሄ ጋላሲ ሄዙ ሻዋ ጌዲያ አሳይ አማኔዲኖ። 42 ኡንቱንቱ ዬሱሲ ኪቴዳዋንቱ ቲሚርቲያን፡ ኢቲፕቲላን ኡኪላ ማንሲ ሚያዋኒኔ ያሳ ዋሳን ጌንጪኖ።

አማኒያ አሳይ ኢሻቲላኒኔ ኢቲፕቲላን ዴዒያ ዴዑዋ

43 ዬሱሲ ኪቴዳዋንቱ ኩሺያን ዳሮ ኦራላባይኔ ማላታቱ ኦሴቲና፡ አሳ ኡባ ያሻይ አይቁዳ። 44 አማኔዳ ኡባቱ ኢቲፕ ዴዒኖ፤ ቃሲ ባሬንቶ ዴዒያባ ኡባካ ኢቲፕ ሻኪ አኬዲኖ። 45 ኡንቱንቱ ባሬንቱ ጋዲያኔ ባሬንቶ ዴዒያባ ዛለዒ ዛለዒዴ፡ ኦናኔ ኮሺዳ ኬና ሚሻ ኡባው ሻኬዲኖ። 46 ቃሲ ኡባ ጋላሲ፡ ኢቲ ዋዛና ጌዲዴ፡ ጌሻ ጎሊያን ፓጩናን ጋኬቲዴ፡ ባሬንቱ ጎሌ ጎሌ ጴሴቲዴ ናሽቻኒኔ ፓሺካ ዋዛናን ቁማ ሚኖ። 47 ያሳ ጋላቲዴ፡ አሳ ኡባን ሳቤቲዲኖ። ቃሲ ጎዳይ አማኒ ኢቲያዋንታ ጋላሲ ጋላሲካ ኡንቱንቱ ቦላ ጉጂ።

3

ኢቲ ዋባ ቢታኒ ፓጴዳ

1 ኢቲ ጋላሲ፡ ጳዊርሲኔ ዮሃኒሲ ያሳ ዋሳናው ኡዲፑ ሳቲያን ጌሻ ጎሊያ ቤዲኖ። 2 ዬሌቶይፕ ደሚዴ፡ ጉንዳ ጌዲዴ ዴዒያ ኢቲ ቢታኒ ጌሻ ጎሊያ ጌሊያ አሳፕ ሚሻ ዋሳናው፡ ኡባ ጋላሲ ዳሪ ሎዓ ጌያ ጌሻ ጎሊያ ፔንጌያን አሳይ አፊዴ ዋሊያዌ ዴዔ። 3 ሄ ዋባ ቢታኒ፡ ጳዊርሲኔ ዮሃኒሲ ጌሻ ጎሊያ ጌላና ሃኒሺን ቤዒዴ፡ ሚሻ ኡንቱንታ ዋሴዳ።

4 ጳጳሮች ስላሉና አ ጫዲ ያሉዳ፡ «ኩህ ሃ ያላ» ያጌዳ።
 5 ዋባ ቢታኒ ኡንቱንቱ፤ ኢቲባ አካናው ኮዪዳ፡ ኡንቱንቱኮ ያሉዳ። 6 ሺን ጳጳሮች አ፡ «ታው ሚሻይ ባዋ፤ ሺን ታው ዳዲያባ ታኒ ኔው ኢማና፤ ናዚሬቲያ ዩሱሲ ኪሪሰቶሳ ሱንላን ዳንዳዳ ሃሜታ» ያጌዳ።

7 ያቲዳ፡ ዋባ ቢታኒያ ባሬ ኡሽቻ ኩሺያን ኦይቂዳ፡ ፑዳ ዳንሌዳ፤ ኤሌካ አ ጌዲኔ ሚሽ ሜቄላይ ሚኒ አጌዳ። 8 ቢታኒ ፑዳ ፑቲዳ፡ ዳንዲ ኤቄዳ፤ ያኔ ሃኔ ሃሜታ ደሜዳ። ሄዋፕ ፑዳያን ሃሜቲዳ፡ ፑቲዲኔ ያሳ ጋላቲዳ፡ ኡንቱንቱና ኢቲፕ ጌሻ ጎሊያ ጌሌዳ።

9 ኢ ሃሜቲሸናኔ ያሳ ጋላቲሸን፡ አሳይ ኡባይ አ ቤዔዳ።
 10 ያቲዳ፡ ሚሻ ዋሳናው ዳሪ ሎዓ ጌያ ጌሻ ጎሊያ ፔንጌያን ኡቲዳዋ አ ጌዳዳዋ አኬኬዲና፤ ኢ ሃኔዳዋ ቤዔዳ ማላሌቲዲና።

ጳጳሮች ጌሻ ጎሊያን ሃሳዬዳ ሃሳያ

11 ቢታኒ ጳጳሮሳኔ ዮሃኒሳ ኦይቂ ኡቲዳ ዋዳ፡ አሳይ ኡባይ ማላሌቲዳ፡ ሶሎሞኔ ባራንዳ * ጌያሳን ኢቲፕ ኡንቱንቱኮ ዋዳዲና። 12 ጳጳሮች አሳ ቤዔዳ ዋዳ ኡንቱንቶ ያጌዳ፤ «ኢሰራዔሊያ አሳቶ፡ አዪሲ ሃዋ ማላሌቲቱ? ዋይ አዪሲ ኑና ጫዲ ያሉቱ? ኑኒ ኑ ዋልቃን ዋይ ያሳ ማላቲያዋን ሃ ቢታኒያ ሃሜቆዳዋ ሂንቲንቶ ማላቲ? 13 አብራሃዋ ያሳይ፡ ዪሳቃ ያሳይ፡ ያዪቆባ ያሳይ፡ ኑ አዋቱዋ ያሳይ፡ ሂንቲንቱ አሊ ኢሜዳዋ ጲላዳሲ ቢላናው ቆፒ ኡቲዳ ዋዳ፡ ሂንቲንቱ አ ሲንላን፡ ሐኒ አ ኤርኮ) ጌዳ ባሬ ናዓ ዩሱሳ ቦንቼዳ። 14 ሺን ሂንቲንቱ ጌሻኔ ያሉዋ፡ ሐኒ አ ኤርኮ) ጌዳ፡ ሸሞፑዋ ዋዳዳዋ አ ዲራ ሂንቲንቶ ቢላናው ጲላዳሳ ዋሴዲታ። 15 ዳዑዋ አሚያዋ ሂንቲንቱ ዋዳዲታ፤ ሺን ያሳይ ሃይቁዋፕ አ ዳንሌዳዋሲ ኑኒ ማርካ። 16 ሃ ዋባ ቢታኒያ ዩሱሳ ሱንላ ዋልቃይ ሚኒሴዳ፤ ሂንቲንቱ ቤዔያዌኔ ኤሪያዌካ ኢ አ ሱንላን አሚኒያዋን ኦሴቲዳ፤ ሃ ሂንቲንቱ ኡባ ሲንላን አ ሃዋዳን ሎይሌዳዌ፡ ዩሱሳ ኢ አሚኒያዋ።

17 «ሃራካ ታናዳን አሚኒያዋንቶ፡ ሂንቲንቱካ ሂንቲንታ ካሊያዋንቱዳን፡ ኤሪናን ኡሌዳዋ ታኒ ኤራይ። 18 ሺን ያሳይ ቤኒ፡ ናባቱዋ ኡባቱዋ ደናን፡ ሐኒሪሰቶሲ ዋዬታና ቤሴ) ያጌዳ ኦዳዳ፤ ባሬ ኦዳዳዋካ ሄዋዳን ፖሌዳ። 19-20 ሲሚ ያሳይ ሂንቲንቱ ናጋራ ማራናዳን፡ ጎዳ ማታፕ አያና ሚናቲላ ዋዲ ሂንቲንቶ ያናዳኒኔ

* 3:11 ሶሎሞኔ ባራንዳ፡ ጌሻ ጎሊያ አዋይ ዶሊያ ሲንላ ባጋና ጮራ አሳይ ሸቄያ አዲሳኔ አኮ ሳዳ።

ጾጳይ ዩሱሲ ኪሪሰቶሳ ካሴ ሂንቴንቶ ኦዳቶዋዳን ዩዳናዳን፣
 ሂንቴንቱ ናጋራ ፓጺዳ ጾጳኮ ሲሚቱ። 21 ጾጳይ ጌሻ ጊዳዳ ባሪ
 ናባቱዋ ደናን ቤኒፔ ደሚዳ ሃሳዬዳዋዳን፣ ኡባባይ ኦሪዲያ ዋዲ
 ጋካናው፣ ዩሱሲ ሳሉዋን ጋሚዳናው ቤሴ። 22 ሙሴ፣ ሳዳይ
 ጾጳይ፣ ሂንቴንቱ ዛሪያ ጊደፔ ሂንቴንቶ ታናዳን ናቢያ ዴንፋና፤
 ሂንቴንቱ ኢ ጊያዋ ኡባ ሲሲቱ። 23 ሄ ናቢ ኦዲያዋ ሲሴና
 አሳይ ኦኒኒ አሳ ጊደፔ ሻኬቲ ጳዮ» ያጌዳ።
 24 «ቃሲ ሳሚላፔ ደሚዳ፣ አፔ ካላ ዴንዳዳ ናባቱ ኡባቱ፣
 ሃ ዋዲያባ ኦዳዲኖ። 25 ሂንቴንቱ ናባቱዋ ናና፤ ቃሲ ጾጳይ
 አብራሃዋሲ፣ ሳባን ዴዲያ አሳ ኡባ ታኒ ኔ ዜራላ ባጋና አንጃና፣
 ያጊዳ ኑ አዋቱዋና ጫቁዳ ጫቁዋ ላቲያ ናና። 26 ጾጳይ ሂንቴንታ
 ኡባቱዋ ሂንቴንቱ ኢታ ኦሱዋፔ ዛሪዳ አንጃና ማላ፣ ባሪ ቆማ ተ
 ዴንፋዴ፣ ሂንቴንቶ ኮይሮ ዩዳዳ» ያጌዳ።

4

ጳጳርሲኔ ዮሃንሲ አዪሁዳቱዋ ሻንጋቱዋ ሲንላ ሸቆዲኖ

1 ጳጳርሲኔ ዮሃንሲ አሳሲ ኦዲሺን፣ ቄሳቱዋ ካፓቱ፣ ጌሻ
 ጎሊያ ዋታዳራቱዋ አዛዚያዌኔ ሳዲቃዋናቱ፣ 2 ኡንቴንቱ አሳ
 ታማሪሲያ ዲራውኔ ሃራ አሳቱ ሃይቁዋፔ ዴንዳናዋ ማርካ
 ጊዳና ማላ፣ ዩሱሲ ሃይቁዋፔ ዴንዳዳዋ ኦዳዳ ዲራው፣ ዳሪ
 ዪሎቲዳ፣ ኡንቴንቱኮ ዩዲኖ። 3 ኡንቴንታ ኦይቁዳ፣ ሳባይ
 ኦማርሲዲሳ ዲራው ዋንታናሲ ቃሾ ጎሊ ጌሊሴዲኖ። 4 ሺን
 ቃላ ሲሴዳዋንቱፔ ጮራቱ አማኔዲኖ፤ አቱማ አሳ ፓይዱ ኢቼሹ
 ሻዓ ኬና ጊዳዳ።
 5-6 ዋንቱላ ጋላሲ፣ ኡንቴንታ ዋዲያዋንቱ፣ አዪሁዳ አሳ
 ጨማቱ፣ ሙሴ ሂጊያ ታማርሲያዋንቱ፣ ቄሳቱዋ ኡባቱዋ ካፓቱ
 ሃኒ፣ ቃያፊ፣ ዮሃንሲ ኢሰኪንዲሪኔ ቄሳቱዋ ኡባቱዋ ካፓቱዋ
 ዳባቱ ኡባይ ዩሩሳላሜን ሸቆዲኖ። 7 ዩሱሲ ኪቴዳዋንታ ባሬንቱ
 ጊደዋን ኤሲዳ፣ «አያ ዋልቃን ዋይ ኦ ሱንላን ሃዋ ሂንቴንቱ
 ኦሴዲቱ?» ያጊዳ ኦቼዲኖ።
 8 ሄ ዋዳ ጳጳርሲ ባሪናን ጌሻ አያናይ ኩሚና፣ ኡንቴንታ
 ሃዋዳን ያጌዳ፤ «አሳ ካሌሌያዋንቶ፣ አዪሁዳ አሳ ጨማቶ፣
 9 ሃቼ ሃ ሃርጋንቻ ቢታኒያሲ ኦሴቲዳ ሎዮ ኦሱዋባኔ ኢ ዋኒ
 ፓጺዳንቶ፣ ሂንቴንቱ ኑና ኦቻፔ፣ 10 ማሰቃሊያ ቦላ ሚሲማሪያን

3:22 ዛር 18:15፣ 18 3:23 ዛር 18:19 3:25 ደሞ 22:18 † 3:26
 ቆማ፣ ጾጳ አወዋን ደራቲዳ ናና።

ሂንቴንቱ ዲሺዴ ካቁና፡ ያሳይ ሃይቁዋፕ ዴንጮዳ ናዚሬቲያ ዩሱሲ ኪሪሰቶሳ ሱንሳን ሃ ቢታኒ ፓዲዴ፡ ሂንቴንቱ ሲንሳን ኤቁዳዌ ሂንቴንቱ ኡባሲኔ ኢሰራዔሊያ እሳ ኡባው ኤሬቶ። 11 ጎሊያ ከይያዋንቱ ሂንቴንቱ ካዲዴ ኢዳዳ ቱሳይ ጎሊያ ኡባ ቶኪያ ኮሺያ ቱሳ ጊዳዳ። 12 እሳይ አቶቴላ ዩሱሳ ባጋና ዴማናፕ አቲን፡ ሃራ ኦ ባጋናኔ ዴሚና፤ ኑኒ አ ሱንሳን ኦላናው ቤሴ፤ አዩሲ ጎፔ፡ ያሳይ ሳሉዋፕ ጋርሳን እሳሲ ኢሜዳ ሃራ ሱንሳይ ባዋ» ያጌዳ።

13 ሺቁዋ እሳይ ዳዲሮሲኔ ዮሃኒሲ ፃሌዳ ፃላ ቤዔዳ ዎዴ፡ ኡንቴንቱ ታማሪቤና ጮ እሳ ጊዳዳዋ አኬኪዴ ማላሌቲዲና፤ ኡንቴንቱ ዩሱሳና ዴዲያዋካ ኤሬዲና። 14 ቃሲ ፓዲዳ ቢታኒ ዳዲሮሳናኔ ዮሃኒሳና ኤቁዳዋ እሳይ ቤዔዳ፡ ጊያዋ ዳዩዲና። 15 ሺን ዳዲሮሲኔ ዮሃኒሲ ሺቁዋፕ ካሬ ከሳና ማላ እሳይ አዛዚዴ፡ ባሬ ጊዳን ዘሬቲዴ። 16 «ሃ እሳቱዋ አያ ኡዳኔ? አዩሲ ጎፔ፡ ኡንቴንቱ ኩሺያን ኦሴቲዳ ዎልቃማ ማላታቱ ዩሩሳላሜን ዴዲያ ኡባው ቤቲዴ። ኑኒ ሄዎ ኤርኮ ጋናው ዳንዳዮኮ። 17 ሺን ዩዉ እሳው ላሌቲና ማላ፡ ሃዋፕ ሲንሳው ሃ እሳቱ ዩሱሳ ሱንሳ ኦሲኔ ኦዴናዳን፡ ማኒሲዴ ኡንቴንታ፡ «ሂንቴና ኤሪቲ» ጎይቲ» ያጌዲና።

18 ኡንቴንቱ ፃሲዴ፡ ዩሱሳ ሱንሳ ሙሌካ ዴንጮናዲኔ አባ ታማሪቤናዳን አዛዜዲና። 19 ሺን ዳዲሮሲኔ ዮሃኒሲ ዛሪዴ፡ «ያሳው ኤኖ ጊያዋ አጊዴ፡ ሂንቴንቶ ኤኖ ጊያዌ ያሳ ሲንሳን ሎዔንቶኔ እኔ ሂንቴ ፐርዲቲ። 20 አዩሲ ጎፔ፡ ኑኒ ቤዔዳባኔ ሲሴዳባ ኦዴናን አጋናው ዳንዳዮኮ» ያጊዴ ሺቁዳ እሳው ኦዴዲና።

21 ሺቁዳ እሳይ ኡንቴንታ ሙራናው ጋሶቲያባይ ዳዩና፡ ላዔሉዋ ዳሪሲ ፓሉሜቲዴ፡ ሃኔዳባው እሳይ ኡባይ ያሳ ጋላቲያ ዲራው፡ ኡንቴንታ ቢሊዴ ዩዴዲና። 22 ሄ ሃርጊያፕ ፓሊያ ማላታቱ አው ኦሴቲዳ ቢታኒ ዩሌቶዴፕ ላይላይ አው ኦይታሙዋፕ አዴዳ።

ዩሱሲ ኪቴዎዋንቱ ሃራ አማኒያ እሳቱ ዲማ ዎዴ ዎሴዳ ዎሳ

23 ዳዲሮሲኔ ዮሃኒሲ ቢሌቲዴ፡ ባሬንቱ ዳባቱዋኮ ቢዴ፡ ቁሳቱዋ ካፓቲኔ አዩሁዳ ጨማቱ ባሬንታ ጌዳባ ኡባ ኡንቴንቶ ኦዴዲና። 24 ኡንቴንቱ ሄዎ ሲሴዳ ዎዴ፡ ኢቲ ዎዛና ጊዲዴ፡ ያሳ ሃዋዳን ያጊዴ ዎሴዲና፤ «ኡባ ዋዲያ ጎዳው፡ ሳሉዋ፡ ሳዳ፡

አባኔ ኡንቱንቱ ገደን ዳዒያ ኡባባ ሜዶዳዎ፣ 25 ኔኒ ኔው ኦሌያ ኑ አወዋ ዳዊቱ ደናን ገሻ ኣያናን ሃሳያዴ፡

አዩሁዳ ገዴና አሳይ አዩሲ ዩሎቴዴ?
ቃሲ አሳይ አዩሲ ዳንቤናባው ማቄቴዴ?

26 ሳዓ ካታቱ ገጌቴዲኖ፤

ጋዲያ ሞዲያዋንቱ ጎዳ ቦላኒኔ
ኢ ኦኬዳ ኪሪሰቶሳ ቦላ ኢቲፔ ዴንዴዲኖ
ያጋዴ ሃሳያዳ።

27 «አዩሲ ጎፔ፣ ሄርዲሲኔ ጸንፀናዊያ ጲላዖሲ አዩሁዳ ገዴና አሳናኔ ኢሰራዴሊያ አሳና፣ ኔኒ ኦኬዳ ኪሪሰቶሳ ኔ ገሻ ናዓ ዬሱሳ ቦላ ዴንዳናው፣ ሃ ካታማን ሺቄዳዌ ቱማ። 28 ቃሲ ኔኒ ኔ ዋልቃኒኔ ኔ ሸኒያን ሃናና ጋዴ ቆፓ ኡቴዳባ ኡባ ኦላናው ሺቄዲኖ። 29 ሃዒካ ጎዳው፣ ኡንቱንቱ ናሲያ ፀላ፤ ኑኒ ኔና ካሊያዋንቱ፣ ኔ ቃላ ኩሚንላ ቆንጨቴላን ኦደናዳን፣ ኑና ዳንዳዩሳ። 30 ፓላናው ኔ ዋልቃ ቤሳ፤ ቃሲ ኔ ገሻ ናዓ ዬሱሳ ሱንላን ኦራላባኔ ማላታ ኦሲሳ» ገዴ ዋሴዲኖ።

31 ኡንቱንቱ ያሳ ዋሴዳዋፔ ጉዩያን፣ ሄ ኡንቱንቱ ሺቄዳሳይ ቃፀዳ። ኡንቱንቱ ኡባን ገሻ ኣያናይ ኩሚና፣ ያሳ ቃላ ቆንጨቴላን ኦዴዲኖ።

ኮይር አማኔዳ አሳቱዋ ኢቲፔቱላ ዴዑዋ

32 አማኒያዋንቱ ኡባቱ ቆፋኒኔ ዋዛናን ኢቱዋ ገዴዲኖ። ኡንቱንቱ ሚሂ ኡባይ ኢቲፔ ዳዒያዋፔ አቲን፣ ባሬው ዳዒዳባ ኦኒኔ ባሬንቱባ ገቤና። 33 ዬሱሲ ኪቴዳዋንቱ ጎዳ ዬሱሲ ሃይቁዋፔ ዴንዴዳዋ ዋልቃማ ዋልቃን ማርካቲኖ፤ ቃሲ ያሳይ ኡንቱንቶ ኡባው ኣጶ ኬካቴላ ዳሪሲዴ ኢሚዳ። 34 አማኒያዋንቱ ገደን ሜቶታንቻይ ኢቱኔ ባዋ፤ አዩሲ ጎፔ፣ ቢታይ ዋይ ጎሊ ዳዒያዋንቱ ኡባቱ ዛሊዒዴ፣ ኣኬዳ ሚሻ ኣሂዴ። 35 ዬሱሲ ኪቴዳዋንቱሲ ኢሚኖ፤ ሄ ሚሻይ ኣሳው ኮሺያዋዳን ሻኬቲ፣ ሁጲያን ሁጲያን ኢሜቱ።

36 ቆጲርሳ ጌቲቲያ ሳን ዬሌቴዳ ዮሴፋ ገያ ለዊያ ዛሪ ኢቱ ዴዒ፤ ኣ ሱንላ ዬሱሲ ኪቴዳዋንቱ ባርናባሳ ጌዲኖ። ሄዋ ቢሌላይ «ሜንሌሊያ ናዓ» ገያዋ። 37 ባርናባሲ ባሬው ዳዒያ ጋዲያ ዛሊዒዳ ሚሻ ኣሂዴ፣ ዬሱሲ ኪቴዳዋንቱሲ ኢሚዳ።

5

ሃናኒያኔ አ ማቻቲ ሳጺር

1 ኢቲ ሃናኒያ ጌቲቲያ ቢታኒ ባሬ ማቻቲ ሳጺርና ጋዲያ ዘለዔዳ። 2 ሄ ዘለዔዳ ሚሻፕ ባሬ ማቻታ ኤሪሺን አሺዳ፤ አቶዋ ዩሱሲ ኪቴዳዋንቱሲ ኢሜዳ።

3 ሺን ጳጳርሲ ሃናኒያ፡ «ኔኒ ጌሻ ኣያና ጨማዳ ኔ ጋዲያ ዘለዔዳ ሚሻፕ ሻካ ኣሻና ማላ፡ ፃላሂ ኔ ዋዘናን ኣዩሲ ጌሌዳ? 4 ኔኒ ዘለዓናፕ ካሴ ጋዲ ኔዋ ጊዳኔ? ቃሲ ኔኒ ዘለዓ ሲሚናካ ሚሻይ ኔሳ ጊዳኔ? ያቲና፡ ሃዋ ማላባ ኦላናው ኣዩሲ ኔ ዋዘናን ቆፓዲ? ኔኒ ያሳው ዋርዶቶዋፕ ኣቲን፡ ኣሳው ዋርዶታቤይካ» ያጌዳ።

5 ሃናኒ ሄ ቃላ ሲሴዳ ማንዒያንካ ኩንዲዳ ሃይቂ ኣጌዳ፤ ሄዋ ሲሴዳ ኡባይ ዳር ያዩዳ። 6 ዋዳላ ኣሳቱ ሶይ ጌሊዳ፤ አ ኣኃ ያፂዳ፡ ካሬው ኬሲ አ ሞጌዲኖ።

7 ሄዙ ሳቲ ጊደዋፕ ጉዩያን፡ ሃናኒያ ማቻታ ሄዋ ኤሬናን ዳዓዳ ጌላዳ። 8 ጳጳርሲ ኢዞ፡ «ሂንቲንቱ ጋዲያ ሃኒ ኬና ሚሻን ዘለዔዲቲ? ኣኔ ታው ኦዳ» ያጌዳ።

ኢዞ፡ «ኤ ሃኒ ኬና ሚሻን ዘለዔደ» ያጋዲ።

9 ጳጳርሲ ሚሺራቶ፡ «ኔኒኔ ኔ ኣሲናይ ጎዳ ኣያና ፓጫናው ኣዩሲ ዞሬቲዲቲ? ቤዓ፤ ኔ ኣሲና ሞጌዳ ኣሳቱ ካሬን ዳዒና፤ ኔ ኣኃካ ኡንቲንቱ ካሬ ኬሳና» ያጌዳ።

10 ሚሺራታ ሄ ማንዒያንካ ጳጳርሳ ጌዲያ ማታን ኩንዲዳ ሃይቃ አጋዲ፤ ዋዳላ ኣሳቱ ጌሊያ ዋዳ ሃይቂዳውና ዳሚዳ፤ ካሬ ኬሴዳዋፕ ጉዩ፡ ኢዚ ኣሲና ዲፋዋ ማታን ሞጌዲኖ። 11 ኣማኒያ ኣሳ ኡባይኔ ሄዋ ሲሴዳ ሃራ ኣሳይ ኡባይ ዳሪ ያዩዳ።

ዩሱሲ ኪቴዳዋንቱ ኩሺያን ኦሴቲዳ ኦራላባቲዋኔ ማላሊሲያዋንታ

12 ዩሱሲ ኪቴዳዋንቱ ዳር ማላታኔ ኦራላባ ኣሳ ጊደን ኦሴኖ፤ ኣማኒያ ኡባቲ ሶሎሞኔ ባራንዳን ኢቲፕ ሺቂና። 13 ሃራ ኣሳፕ ኡንቲንቱና ጋኬታናው ሃራይ ኣቶ ኢቲኔ ፃሊቤና፤ ሺን ኣሳይ ኡንቲንታ ቦንቲ። 14 ኣማኒያ ኣቲማ ኣሳይኔ ማጫ ኣሳይ ካሴዋፕ ጮራይ ጎዳሲ ጉጃቲ። 15 ሄዋ ዲራው፡ ኣሳይ ሃርጋንቻቲዋ ሻንቻማኒኔ ሳሌናን ቄሪ ቶኪዳ፤ ጳጳርሲ ሄዋና ኣጂያ ዋዳ ሃራይ ኣቶ፡ ኣው ኩዌንቶኔ ኡንቲንቲፕ ኢቲዋ ኢቲዋ ቦላና ኣጃና ማላ፡ ካታማ ኦጊያ ደና ኬሲዳ ዋሌ። 16 ቃሲ ጮራ ኣሳይ ዩራሳላሜ

ማታን ዴዲያ ካታማቱዋፕ ሃርጋንቻቱዋኔ ኢታ ኣያናን ኦይቄቲዳ ኣሳቱዋ ኣኪ ዩዲኖ፤ ኡባቱካ ፓዲዲኖ።

ዩሱሲ ኪቴዳዋንቱ ቦላ ዩዴሳይ ዴንዴዳ

17 ሄዋፕ ሰሚና ቄሳቱዋ ካፑኔ ኣናና ዴዲያ ሳዱቃዋናቱ ኡባቱ ዩሱሲ ኪቴዳዋንታ ዳር ቃናቲዳ፥ ኡንቱንቱ ቦላ ዴንዴዲኖ።

18 ቃሲ ዩሱሲ ኪቴዳዋንታ ኦይቄዳ፥ ኡባ ኣሳ ቃቺያ ጎሊያን ዩጌዲኖ። 19 ሺን ጎዳ ኪታንቻይ ቃማ ቃሾ ጎሌ ፔንጊያ ዶዩዳ፥

ዩሱሲ ኪቴዳዋንታ ካሬ ኬሲዳ፥ 20 «ሂንቱንቱ ቢዳ፥ ጌሻ ጎሊያን ኤቂዳ፥ ሃ ኦራፋ ዴዐቀ ቃላ ኡባ ኣሳው ኦዲቱ» ያጌዲኖ።

21 ዩሱሲ ኪቴዳዋንቱ ሄዋ ሲሴዳ ዎዳ፥ ዎንቱማላን ጌሻ ጎሊያ ጌሊዳ፥ ታማርሳናው ዶማዲኖ።

ቃሲ ቄሳቱዋ ካፑኔ ኣናና ዴዲያዎንቱ ዩዳ፥ ሺቄዳ ኣሳና ኢሰራዔሊያ ጨማቱዋ ኡባቱዋ ኢቲፔ ያሲዳ፥ ዩሱሲ ኪቴዳዋንታ

ባሬንቱ ሲንፋ ኣሃና ማላ፥ ዎታዳራቱዋ ቃሾ ጎሌ ኪቴዲኖ። 22-23 ሺን ዎታዳራቱ ቃሾ ጎሌ ቢዳ፥ ዩሱሲ ኪቴዳዋንታ

ዴሚቤይኪኖ፤ ጉዬ ሲሚዳ ሺቄዳ ኣሳው፥ «ኦኒ ቢያ ዎዳ ቃሾ ጎሌ ካሪያ ዳር ሚኒሲ ቃቺና፥ ናጊያዎንቱካ ፔንጊያን ኤቄዳዎንታ

ዴማዳ፤ ሺን ኦኒ ቃሾ ጎሊያ ዶዩያ ዎዳ፥ ጎሌ ጋርሳን ሃራይ ኣቶ ኢቲ ኣሳይኔ ባዋ» ያጌዲኖ። 24 ጌሻ ጎሊያ ዎታዳራቱዋ ኪቴያዌኔ

ቄሳቱዋ ካፓቱ ሄዋ ሲሴዳ ዎዳ፥ «ሃዌ ዎኑዋሻ? ቃሲ ጊዲኒ ኣዬ ሃናንዴሻ?» ያጊዳ ሂርጌዲኖ።

25 ሄዋፕ ጉዩያን፥ ኢቲ ቢታኒ ኡንቱንቱኮ ዩዳ፥ «ቤዒቲ፤ ቃሾ ጎሊያን ሂንቱ ቃቺዳ ኣሳቱ ጌሻ ጎሊያን ኤቄዳ፥ ኣሳ ታማሪሲኖ»

ያጊዳ ኡንቱንቶ ኦዴዳ። 26 ጌሻ ጎሊያ ዎታዳራቱዋ ኣዛዚያዌ ዎታዳራቱዋና ቢዳ፥ ዩሱሲ ኪቴዳዋንታ ኣሄዳ፤ ሺን ኡንቱንቱ

ባሬንታ ኣሳይ ሹቻን ጫዳናዎንታ ጊዳ ያዩዳ ዲራው፥ ኡንቱንታ ሎዳን ኣሄዲኖ።

27 ኡንቱንቱ ዩሱሲ ኪቴዳዋንታ ኣሄዳ፥ ሄዋ ሺቄዳ ሻንጉዋ ሲንፋን ኤሲና፥ ቄሳቱዋ ካፑ ኡንቱንታ፥ 28 «ሂንቱንታ ኦኒ ሄ

ቢታኒያ ሱንፋን ታማሪሴና ማላ ሚኒሲዳ ኣዛዚቤይኮ? ቤዒቲ፤ ሂንቱ ቲሚርቲያ ዩሩሳላማ ካታማ ኡባ ጋሌዲታ፤ ቃሲ ሄ ቢታኒያ

ሹምፑዋን ኦና ኦይፋናው ቆፒታ!» ያጊዳ ኦቺዳ።

29 ጳዒርሲኔ ዩሱሲ ኪቴዳ ሃራንቱ ዛሪዳ ያጌዲኖ፤ «ኦኒ ኣሳው ኣዛዜታናፕ ያሳው ኣዛዜታናው ቤሴ። 30 ማሰቃሊያ ቦላ ሚሲማሪያን ጲሺ ካቂዳ፥ ሂንቱ ዎዴዳ ዩሱሳ ኦ ኣዋቱዋ ያሳይ

ሃይቄዋፕ ዴንጼዳ፤ 31 ኢሰራዔላቱዋሲ ናጋራፕ ሲማኔ ናጋራ ኣቶ

ጉሳ ዬሱሲ እማና ማላ፣ ያሳይ ሞዲያዎን ኣሺያዎ ኣ ኦሌዳ፣ ባሬፔ ኡሼቻ ባገን ጶቁ ጶቁ ኦሌዳ።³² ሄዋሲ ኮነ ማርካ፤ ቃሲ ያሳይ ባሬው ኣዛዘቲያዎንቱሲ ኢሜዳ ጌሻ ኣያናይካ ማርካ» ያጌዲኖ።

³³ ሺቄዳ ኣሳይ ሄዋ ሲሴዳ ዎዳ፣ ዳሮ ዩሎቲዳ፣ ዬሱሲ ኪቴዳዎንታ ዎጳናው ቆፔዲኖ።³⁴ ሺን ኣሳ ኡባን ዳሮ ቦንቹቲዳ ጋማሊያላ ጌቲቲያ፣ ሂጊያ ታማሪሲያ ኢቲ ፓሪሳዊ፣ ሺቄዎን ዴንዲ ኤቄዳ፣ ዬሱሲ ኪቴዳዎንቱ ጉሳ ዎዲያ ካሬ ኬሳና ማላ³⁵ ኣዛዘዴ ሄዋን ሺቄዳ ኣሳ ሃዎዳን ያጌዳ፤ «ኢሰራዔሊያ ኣሳቶ፣ ሂንቲ ሃ ኣሳቲዎ ኦሳና ቆፒያዎን ሂንቲንታ ናጊቲ።³⁶ ኣዩሲ ጎፔ፣ ሃዋፔ ካሴ ዎዲያን ቲዎዳሳ ጌቲቲያዌ ባሬና ዎልቃማ ጊዴ ዴንዴዳ፤ ዴንዲና ኦይዲ ጭቱ ጊዲያ ኣሳቲ ኣናና ጋኬቲዲኖ፤ ሺን ኣ ዎጳና፣ ኣ ካሌዳ ኡባቲካ ላሌቲዳ፣ ማዴና ኣሳ ጊዲዴ ኣቲዲኖ።³⁷ ሃዋፔ ጉዩያን፣ ኣሳይ ፓይዴቲያ ዎዳ፣ ጋለላ ዩሁዳይ ዴንዲዳ፣ ዳሮ ኣሳ ፓኑዋ ኡዲዴ ካሌሌዳ፤ ሺን ኣካ ዎጳና፣ ኣ ካሌዳ ኣሳይ ኡባይ ላሌቲዳ።

³⁸ «ሃዒካ ታኒ ሂንቲንቶ ኦዲይ፤ ሃ ኣሳቲዎፔ ሻኬቲቲ፤ ኡንቲንታ ቦቾፒቲ። ኣዩሲ ጎፔ፣ ሃ ቆፋይነ ሃ ኦሱ ኣሳይ ኦሌዳዎ ጊዶፔ ጳያና።³⁹ ሺን ሃ ቆፋይነ ሃ ኦሱ ያሳፔ ዬዳዎ ጊዶፔ፣ ሂንቲ ኡንቲንታ ጳዩሳናው ዳንዲይኪታ፤ ኦኒ ኤሬ ሃዋ ሃኒዴ ያሳና ሂንቲ ኢቲቲናዳን» ያጌዳ።

⁴⁰ ሃዋፔ ጉዩ ሺቄዳ ኣሳይ ጋማሊያላ ዞሪያ ኣኪዳ፣ ዬሱሲ ኪቴዳዎንታ ጭሲዳ፣ ሊሱዎን ሸጪሴዲኖ፤ ሃዋፔ ጉዩያን ኡንቲንታ፣ «ዬሱሳ ሱንሳ ላዒሉዎ ኡባካ ዴንፎፒቲ» ጊ ቢሊዴ ዬዴዲኖ።⁴¹ ዬሱሳ ሱንሳ ዲራው፣ ኡንቲንቲ ኡጋቲዴ ዬላታናው ቤሲያባ ቆፔዳ ዲራው፣ ሻንጉዋ ሲንሳፔ ናሽቲዴ ኬሴዲኖ።⁴² ኡንቲንቲ ኡባ ጋላሲ ጌሻ ጎሊያኒኔ ኣሳ ሶዩን ዬሱሲ፣ ኪሪሰቶሳ ጊዴዳዎ ታማሪሲያዎኔ ኦዲያዎ ያ ጉጁዲኖ።

6

ዎሳ ጎሊያ ማዲያ ላፑ ኣሳቲ ደሬቲዲኖ

¹ ሄ ዎዳ፣ ካሊያዎንቱ ፓይዲ ዳሪ ዳሪ ቢሺን፣ ጊሪኬ ቃላ ሃሳዩያ ኣዩሁዳቲኔ ዩሁዳን ዴዒያ ኣዩሁዳቲኔ ዋላቄቲዲኖ፤ ኣዩሲ ጎፔ፣ ጊሪኬ ቃላ ሃሳዩያ ኣዩሁዳቲኔ፣ «ኡባ ጋላሲ ጊሺቲያ ቁማን ኑ ኣሲናይ ሃይቆ ማጫዎንቱ ናቄቲኖ» ያጌዲኖ።² ዬሱሲ ኪቴዳ ታማኔ ላዒቲ ዎሳ ጎሊ ኣሳ ኡባ ጭሲዳ፣ ሃዋዳን ያጌዲኖ፤ «ኮኒ ያሳ ቃላ ኦዲያዎ ኣጊዴ፣ ቁማ ጊሻናው ኮሲ ቤሴና።³ ኢሻቶ፣

ሎዓ ጌቴቲያዎንታ ጌሻ አያናይኔ አቶ ኤራቴላይ ኩሜዳ ላፑ አሳቱዋ ሂንቱ ጊደፔ ደሪቲ፤ ኮኒ ቃሲ ኡንቱንታ ሃ ኦሱዋሲ ሱንላና። 4 ሺን ኮኒ ያሳ ዋሳኒኔ ቃላ ኦዲዋን ሚናና» ያጌዲና።

5 ዩሱሲ ኪቴዳዎንቱ ሃሳዬዳ ሃሳያይ አሳ ኡባ ናሽቼዳ፤ ሄዋፔ ጉዬ፣ አማኑኔ ጌሻ አያናይ ኩሜዳ ኢሰዒፋኖሳ፣ ፒሊጶሳ፣ ጲሮኮሮሳ፣ ኒቃሮና፣ ዒሞና፣ ጳሪሜናኔ አዪሁዳቱዋ አማኑዋን ጌሌዳ አንጾኪያ ኒቆላዎሳ ደሬዲና። 6 ያቲዳ ዩሱሲ ኪቴዳዎንቱ ሲንላን ኡንቱንታ ኤሲና፣ ዩሱሲ ኪቴዳዎንቱ ያሳ ዋሴዳዋፔ ጉዪያን፣ ባሬንቱ ኩሺያ ኡንቱንቱ ቦላ ዋሌዲና።

7 ያሳ ቃላይ አኪ አኪ ቤዳ፤ ካሊያዎንቱ ፓይዲዋን ዩሩሳላሜን ዳሪሲ ዳሪ ዳሪ ቤዳ፤ ቃሲ ጮራ ቁሳቱካ አማኔዲና።

ዋሳ ጎሊያ ካሌሌያ ኢሰዒፋኖሲ ኦይቄቲዳ

8 አቶ ኬካቴላይኔ ዋልቃይ ኩሜዳ ኢሰዒፋኖሲ፣ አሳ ጊደን ኦራላባኔ ዋልቃማ ማላታ ኦሌ። 9 አይሌቴላፔ ኬሴዳ አሳ ጊያ አዪሁዳ አማኒያዎንቱ፣ ቄሪናፔ፣ ኢሰኪንዲሪያ አሳቱዋፔ፣ ከልቋያፔኔ ኢሲያፔ ዬዳ አቲ አቲ አሳቱ ዴንዲዴ፣ ኢሰዒፋኖሳና ፓሉሜቲዲና። 10 ሺን ኢሰዒፋኖሲ አቶ ኤራቴላኒኔ አያናን ሃሳዪያዋ ዲፓናው ዳንዳይቤይኪና።

11 ሄ ዋዴ ኡንቱንቱ፣ «ሙሴ ቦላኔ ያሳ ቦላ ኢ ቦሪያ ቃላ ሃሳዪሺን ሲሴዶ» ጊያ ዋርዶ አሳቱዋ ሻሚዲና። 12 አሳ ኡባ፣ ጨማቱዋኔ ሙሴ ሂጊያ ታማሪሲያዎንታ ሃንቁሌዲና፤ ኢሰዒፋኖሳኮ ዪዶ አ ኦይቄዴ፣ ሽቄዳ አሳኮ አሂና፣ 13 አ ቦላ ዪሴዳ ዋርዶ ማርካቱ፣ «ሃ ቢታኒ ሃ ጌሻ ጎሊያኔ ሙሴ ሂጊያ ቦሪያዋ አጩዴኔ አጌና። 14 አዪሲ ጎፔ ኢ፣ «ሃዋ ናዚሬቲያ ዩሱሲ ሃ ጌሻ ጎሊያ ኮላና፤ ሙሴ ኮሲ አሜዳ ሂጊያካ ላማና» ያጌሺን፣ ኮኒ ሲሴዶ» ያጌዲና።

15 ሺቁዋን ኡቴዳ አሳይ ኡባይ ኢሰዒፋኖሳ አኬኪዴ ዪሊያ ዋዴ፣ አ ሶምዒ ኪታንቻ ሶምዒያ ማላቲ።

7

ኢሰዒፋኖሳ ሃሳያ

1 ቁሳቱዋ ኡባቱዋ ካፑ ኢሰዒፋኖሳ፣ «ሃዌ ቱሜ?» ያጌዴ ኦቹዲ።

2 ኢሰዒፋኖሲ «ታናዳን አማኒያዎንቶ፣ ታ አዋቶ፣ ሲሲቲ! ኮ አወዋ አብራሃሞ ቢሮ ካራኔ ባናፔ ካሴ ማሲጶያሚያን ዴዒሺን፣ ቦንቾ ያሳይ አው ቤቲዴ፣ 3 ኔ ቢታፔኔ ኔ ዳባቱዋፔ ሻኬታዴ፣

7:2 ደሞ 12:1

ታሪ ኔና ቤሲያ ጋዲያ ባጎ ያጌዳ። 4 ሄ ዎዳ ኣብራሃሞ ካላዳዋቱ ጋዲያፕ ኬሲዳ፣ ካራኔን ዳዓናው ቤዳ። ኣ ኣቡ ሃይቁዳዋፕ ጉዩያን፣ ያሳይ ኣ ሃ ጋዴ ሂንቱ ሃዒ ዳዒያሳ ኣሄዳ። 5 ኢ ሃ ጋዲያፕ ሃራይ ኣቶ፣ ጌዲያን ዩዲያ ሳዓካ ኣብራሃሞሲ ኢሚቤና፤ ሺን ኣው ናዓይ ቆዮፕካ፣ ያሳይ ኣ፣ ታሪ ኔወኔ ኔፕ ጉዩያን፣ ኔ ዜሬላው ሃ ጋዲያ ላታ ኦላዴ ኢሚና፣ ያጌዳ። 6 ያሳይ ኣብራሃሞሲ፣ ኔ ዛራቱ ሃራ ጋዲያን ዳዓና፤ ያሪ ኣይዱ ያቱ ላይላው ኡንቱንቱ ኣይሌታና ናቁታና። 7 ሺን ታሪ ኔ ዜሬላ ሞዲያ ኣሳ ቦላ ፒርዳና፤ ሄዋፕ ጉዩያን፣ ኡንቱንቱ ሄ ጋዲያፕ ኬሲዳ፣ ሃዋን ታው ጎዩናና፣ ያጌዳ። 8 ያሳይ ኣብራሃሜ ዜሬላይ ቃፃሬታና ማላ ኣናና ጫቂና፣ ዩሳቃ ኢ ዩሊዳ፣ ሆሰፕንላ ጋላሲ ቃፃሬዳ፤ ዩሳቂ ያዩቆባ ቃፃሬና፣ ቃሲ ያዩቆቢ ታማኔ ላዑ ኣዋቱዋ ካፓቱዋ ቃፃሬዳ።

9 «ኣዋቱዋ ካፓቱ ዮሴፋ ቃናቲዳ፣ ገብፄ ጋዲያሲ ኣይሌታናዳን፣ ኣ ዛላዒዲና፤ ሺን ያሳይ ኣናና ኢፕፕ ዳዒ።

10 ያሳይ ዋዩያ ኡባፕካ ኣ ኬሴዳ፤ ቃሲ ገብፄ ካቲያ ሲንላንካ ናሹዋኔ ኣቶ ኤራቲላ ኣው ኢሜዳ፤ ገብፄ ካቲ ዮሴፎሲ ገብፄ ጋዲያኔ ባሬ ጎሊያ ኡባ ሞዳናዳን፣ ሱንላቲላ ኢሜዳ።

11 «ገብፄ ጋዲያኔ ካናኔ ጋዲያን ኡባን ኮሻይ ጌሊዳ፣ ጮራ ኣሳ ሜቶሌዳ፤ ሄ ጋሱዋን ኑ ኣዋቱ ቁማ ዳሚቤይኪና።

12 ያዩቆቢ ገብፄ ጋዲያን ካላይ ዳዒያዋ ሲሲዳ፣ ኑ ኣዋቱዋ ኮይሮ ያ ዩዳዳ። 13 ላዕሉዋ ቡሳን ዮሴፎ ባሬ ኢሻቱዋሲ ኤራቲዳ፤ ቃሲ ገብፄ ካቲካ ዮሴፎ ዛሪያ ኤራዳ። 14 ዮሴፎ ባሬ ኣዉዋ ያዩቆቢኔ ባሬ ዳቡ ኡባይ ሙሊካ ላፑን ታማኔ ኢቼሹ ኣሳይ ባሬኮ ያና ማላ፣ ኪቲዳ ያገሲዳ። 15 ያዩቆቢ ገብፄ ጋዲያ ዎዲዳ ሃይቁዳ፤ ኑ ኣዋቱካ ያሪ ሃይቁዳና። 16 ኡንቱንቱ ኣጎይ ሄዋፕ ሴኬማ ጌቲቲያ ጋዲያ ቶኬቲዳ፣ ያሪ ኣብራሃሞ ሃዋራ ናናፕ ዳሮ ቢራን ሻሚዳ ዲፋዋን ሞጌቲዳ።

17-18 «ሺን ያሳይ ኣብራሃሞሲ ኢሚና ጌዳዌ ፖሌቲያ ዎዲ ጋካና ማቲና፣ ዮሴፋ ኤሬና ሃራ ካቲ ገብፄ ጋዲያን ዳንዳና ጋካናሲ፣ ኣሳይ ዳሪ ዳሪ ቤዳ። 19 ሄ ካቲ ኑ ዛሪያ ጨሚዳ።

7:4 ደሞ 11:31፤ 12:4 7:5 ደሞ 12:7፤ 13:15፤ 15:18፤ 17:8 7:6 ደሞ 15:13-14 7:7 ኬስ 3:12 7:8 ደሞ 17:10-14፤ 21:2-4፤ 25:26፤ 29:31-35:18 7:9 ደሞ 37:11፤ 28፤ 39:2፤ 21 7:10 ደሞ 41:39-41
 7:11 ደሞ 42:1-2 7:13 ደሞ 45:1፤ 16 7:14 ደሞ 45:9-10፤ 17-18፤ 46:27 7:15 ደሞ 46:1-7፤ 49:33 7:16 ደሞ 23:3-16፤ 33:19፤ 50:7-13፤ ኢያ 24:32 7:17-18 ኬስ 1:7-8

ጉላ ናናይ ሃይቃና ማላ፣ ካሬ ኡንቱንታ ኬሲ ኦላናዳን፣ ኑ አዋቱዋ ኡንዔሌዳ።

20 «ሙሴ ዩሌቲዳዌ ሄ ዎዳ፤ ያሳ ሲንላን ኢ ዳር ሎዎ ናዓ ገዴዳ፤ ባሬ አዉዋ ጎሊያን ሄዙ አንና ጋካናሲ ዲጩዳ።

21 ሙሴ ዎራ ኦሌቲዳ ዎዳ፣ ገብፃ ካቲያ ናታ ዳማዳ ባሬ ናዓዳን አ ዲቻዳ። 22 ሙሴ ገብፃቱዋ አቶ ኤራቴላ ኡባ ታማሪዳ፣ ቃላኒኔ ኦሱዋን ዎልቃማ አሳ ገዴዳ።

23 «ሺን ሙሴው ዩሌቶዳ፤ ላይላይ ኦይታሙዋ ኩሜዳ ዎዳ፣ ባሬ አሻቱዋ፣ ኢሰራዔሊያ አሳቱዋ ቤዓናው ባሬ ዎዛናን ቆፔዳ።

24 ኢሰራዔሊቱዋ፤ አቱዋ ገብፃ፤ አቱ ናቂሺን ቤዒዳ፣ ሄ ኢሰራዔሊያ ማዳዳ፤ ሄ ናቂዳ ገብፃ ቢታኒያ ዎጂዳ፣ አ ሃሉዋ ኬሴዳ። 25 ሙሴ ባሬ አሻቱዋ ባሬ ባጋና ያሳይ አሻና ሃኒያዋ ኡንቱንቱ አኬኬዲና ገዴ ቆፔዳ፤ ሺን ኡንቱንቱ አኬኪቤይኪና።

26 «ዎንቱላ ጋላሲ ላዑ ኢሰራዔሊያ አሳቱ አቱ አቱዋና ዎጂቲያዋንታ ዳሚዳ፣ ኡንቱንታ ሲገላናው ኮዪዳ፣ «አሳቶ፣ አሻቱ ሂንቱንቱ አዪሲ አቱ አቱዋ ናቂቱ?» ያገዳ።

27 «ሺን ሄ ባሬ ሸሩዋ ናቂያዌ ሙሳ፣ «ኔና ኑ ቦላ ሞዲያዎኔ ዳና ኡዲዳ፣ ሰንጡዳዌ ኦኔ?» 28 ኔኒ ዚና ገብፃ ቢታኒያ ዎጂዳዎዳን፣ ታናካ ዎጃናው ኮያይ?» ያገዳ፣ ሙሳ ካሬው ሱገ ዩጌዳ። 29 ሙሴ ሄዎ ሲሴዳ ዎዳ ገብፃ፤ ኬሲዳ፣ ሚዲያማ ጋዲያን ቤቱ ገዲ ዳዒዳ፣ ላዑ አቱማ ናና ያኒ ዩሌዳ።

30 «ጎዳ ኪታንቻይ ኦይታሙ ላይላ፤ ጉዪያን፣ ሲና ዳሪያ ማታን ዳዒያ ባዙዋ ቡራን ኤዲያ ታማ ላጩዋ ገደን ሙሴው ቤቱዳ። 31-32 ሙሴ ባሬ ቤዒዳዎ ማላሌቲዳ፣ አኬኪ ፃላናው ቡራ ማታን ኢ ሸቂዳዒሺን፣ ጎዳ ቃላይ፣ «ታኒ ኔ አዋቱዋ ያሳ፣ አብራሃሜ ያሳ፣ ዪሳቃ ያሳ፣ ያዪቆባ ያሳ» ያገዳ ሙሴኮ ዩዳ። ሙሴ ያሻ ኮኮሪዳ፣ ፃላናው ፃሊቤና።

33 «ጎዳይ ሙሳ፣ «ኔኒ ኤቁዳ ቢታይ ጌሻ ገዲያ ዲራው፣ ኔ ገዲያን ደዒያ ጫማካ ኬሳ። 34 ታኒ ገብፃን ደዒያ ታ አሳ ዋዪያ ጌሻ ቤዒዳ፣ ቃሲ ኡንቱንቱ ኦሊያካ ሲሳዳ፣ ኡንቱንታ አሻናው ዎጃዳ። ሃዒ ሃ ያ። ታኒ ኔና ገብፃ ኪታና» ያገዳ።

35 «ሄ ሙሳ ኢሰራዔሊቱ፤ «ኔና ኑና ሞዲያዎኔ ዳና ኡዲዳ ሰንጡዳዌ ኦኔ?» ያገዳ ኢፃዲና፤ ቡራ ገደን አው ቤቱዳ ኪታንቻን ሞዲያዎኔ አሺያዋ ገደና ማላ፣ ያሳይ አ ኪቴዳ።

36 ሄ ሙሴ ኢስራዔላቱዋ ጊብጻ ጋዲያን ዘዖ አባኒኔ ሜላ ቢታን፣ ኦይታሙ ላይላው ኦራላባኔ ማላታ ኦሊዳ፣ ጊብጻ፣ ካሌሌዳ።

37 «ኢስራዔሊያ አሳሲ፣ <የሳይ ታና ዴንጮዳዋዳን፣ ሂንቲ ዛሪያ ጊደ፣ ታ ማላ ናቢያ ሂንቲንቶ ዴንላናዋ> ያጌዳዌ ሄ ሙሳ።

38 ኢ ኢስራዔሊያ አሳ ማባራና ኢቲ፣ ሜላ ቢታን ዴዔዳዋ፤ ኢ ኦ አዋቱዋና ሲና ዴሪያ ቦላን ባሬው ሃሳዬዳ ኪታንቻና ኢቲ፣ ዴዔዳ። ያቲዴ የሳ፣ ዴዐ-ዋ ቃላ ኦሲ ኢማናው አኩዳ።

39 «ሙሴው ኦ አዋቱ አዛዚታናው ደሲቤይኪኖ፤ ሺን ጌዴ አ ቡጊ ኦሊዳ፣ ጉዬ ጊብጻ ሰማናው አሞቲዲኖ። 40 ቃሲ አርና፣ ሉና ካሌሊያ የሳቱዋ ኦሲ ሜዳ፤ አዪሲ ጎ፣ ሃ ኦና ጊብጻ፣ አሄዳ ሙሴ ዋኔዴንቶ ኦኒ ኤርኮ» ያጌዲኖ። 41 ሚዛ ማራ ማላቲሲዳ፣ ሄ ዋዴ ኤቃ ኦሌዲኖ፤ ሄ ኤቃሲ ያርሹዋ ያርሺዳ፣ ባሬንቱ ኩሺ ኦሌዳ ኦሱዋን ናሹቴዲኖ። 42 ሺን የሳይ ኡንቲንቶ ዘኪያ ዛሬዳ፤ ኡንቲንቱ ሳሉዋ የሊንቲያሲ ጎዪናናዳን፣ ኡንቲንታ አጌዳ፤ ናባቱዋ ማፃፋን፣

ኢስራዔሊያ አሳቶ፣ ኦይታሙ ላይላ
አሳይ ባይና ሳን ሹኩዳ ሜሂያኔ ያርሹዋ
ታው ያርሺዲቲ፣

43 ሂንቲንቲ ሂንቲንቶ ጎዪናናው
ኦሌዳ ኤቃቱዋ፣ ሞሎካ ዲንካኒያኔ
ሬፋና ጊያ ሂንቲ የሳ የሊንቲያ ቶኩዲታ።
ታኒ ሂንቲንታ ባቢሎኔ፣
ሂኒ ባጋ ዬዳና
ጌቲቲዴ ፃፊቲዳ።

44 «ሙሴ ባሬ ቤዔዳዋ ማላቲሲዳ፣ ጎዲይ ኣው ኦዴዳዋዳን ማዴዳ ማርካ ዲንካኒ ኦ አዋቱዋሲ ሜላ ቢታን ዴዔ። 45 ቃሲ ኦ አዋቱ ዲንካኒያ ባሬንቲ አዋቱዋ፣ ካላን አኪዳ፣ የሳይ ካሴ ዬዴርሴዳ አዪሁዳ ጊዴና አሳ ቢታ ኦይቄዳ ዋዴ፣ ኢያሱና ጌሊሴዲኖ፤ ሄ ዲንካኒ ዳዊቲ ዴዒያ ዋዴ ጋካናዉካ ሄዋን ዴዔዳ። 46 ዳዊቲ የሳን ሳቤቲዳ፤ ቃሲ ያዪቆባ፣ ጎዲይ ዴባና ጎሊያ ኬፃናው የሳ ዋሴዳ። 47 ሺን ኣው ጎሊያ ኬፃዳዌ ሶሎሞና።

48-50 «ሺን ናቢ፣

7:36 ኬስ 7:5፤ 14:21፤ ፓይ 14:33 7:37 ዛር 18:15፣ 18 7:38 ኬስ 19:1-20:17፤ ዛር 5:1-33 7:40 ኬስ 32:1 7:41 ኬስ 32:2-6 7:43 አዋ 5:25-27 7:44 ኬስ 25:9፣ 40 7:45 ኢያ 3:14-17 7:46 2ሳዋ 7:1-16፤ 1ኦድ 17:1-14 7:47 1ካት 6:1-38፤ 2ኦድ 3:1-17

ሳዳይ፡ «ሳሉ ታ ካወቴላ ኦይዲያ፤
 ሳዳይካ ታ ጌዲ ዩዲያሳ።
 ያቲና፡ ታው ኣያ ማላ ጎሊያ ከፃኒቲ?
 ዋይ ታኒ ሽምፓናሳይ ሃቃኔ?

ሃ ኡባባ ታ ኩሺያን ሜቆቤይኪታ?» ያጌ።
 ጌዳዋዳን፡ ኡባፔ ቦላ ያሳይ ኣሳይ ከፃዳ ጎሊያን ዳዔና።
 51 «ሂንቲንቱ ኣይቤ ሞርጊ ሚኖ ኣሴ? ሂንቲንቱ ዋዛናይ ያሳ
 ቃላ ኣካናው ኣይቤ ዳሜዳዊ? ሂንቲንቱ ሃይላይካ ዋኒ ቱሌዳ?
 ኡባ ዋይ ጌሻ ኣያናሲ ኣዛዜቲናን ኢዲታ። 52-53 ናባቱዋን
 ሂንቲንቱ ኣዋቱ ዩዳርሲቤናዊ ኦኔ? ያሳ ናዓይ ዒሉ ያናዋ ካሴቲዳ
 ኦዳዳዋንታካ ዋዲዲና። ሃዒ ሂንቲንቱካ ኪታንቻቱዋ ኩሺያፔ
 ያሳ ሂጊያ ኣኪዳ ኣዛዜቲቤናዋንቱ፡ ዒሉዋ ኣሌ ኢሚዳ ዋዲዲታ»
 ያጌዲ።

ኢስዒፋኖሳ ሹቻን ዳቺዳ ዋዲዲኖ

54 ኡንቲንቱ ሄዋ ሲቤዳ ዋዳ፡ ባሬንቱ ዋዛናን ኢስዒፋኖሳሲ
 ዳሮ ዩሎቲዳ፡ ባሬንቱ ሚንቲርሻ ሳዒዳ ናሴዲና። 55 ሸን
 ኢስዒፋኖሲ ባሬናን ጌሻ ኣያናይ ኩሚና፡ ሳሉዋ ፑዳ ጫዲ
 ፃሊዳ፡ ያሳ ቦንቹዋኔ ዩሱሲ ያሳፔ ኡሹቻ ባጋን ኤቁዳዋ ቤዔዳ።
 56 ያቲዳ፡ «ፃሊቲ፡ ታኒ ሳሉ ዳዩቲና፡ ኣሳ ናዓይ ያሳፔ ኡሹቻ
 ባጋን ኤቁዳዋ ቤዓይ» ያጌዲ።

57 ኮሻ ቶቁ ኦሲ ዋሲዳ፡ ባሬንቱ ሃይላ ቱጨዳ፡ ኢቲፔ ጊዲ
 ኣኮ ዋዳዲኖ። 58 ካታማፔ ጋፃ ኣ ከሲዳ፡ ሹቻን ጫዳዲኖ።
 ማርካቲካ ባሬንቱ ማዩዋ ከሲዳ፡ ኢቲ ሳዖላ ጌቲቲያ ዋዳላ
 ማታን ዋሌዲኖ።

59 ኢስዒፋኖሲ፡ «ታ ጎዳ ዩሱሳ፡ ታ ሽምፑዋ ኣካ» ያጊዳ
 ፃጊሺን፡ ኡንቲንቱ ሹቻን ኣ ዳቺኖ። 60 ሄ ዋዳ ኢ ጉልባቲዳ፡
 ባሬ ኮሻ ቶቁ ኦሲዳ፡ «ታ ጎዳው፡ ሃ ናጋራ ኡንቲንቶ ኣቶ ጋ»
 ያጌዲ። ሄዋ ጊኔ ሃይቂ ኣጌዲ።

8

ሳዖሊ ኣማኒያ ኣሳ ዩዳርሲዳ

1 ሳዖሊ ኢስዒፋኖሲ ሃይቁ ሎዓ ጊ ኣኬዳ። ሄ ጋላሲ
 ዩሩሳላሜን ዳዒያ ኣማኒያዋንቱ ቦላ ዋልቃማ ዩዳርሱ ዳንዳዳ፤
 ዩሱሲ ኪቴዳዋንቱፔ ኣቲን፡ ኣማኒያዋንቱ ኡባቱ ዩሁዳ ጋዲያኒኔ
 ሳማሪያ ጋዲያን ላሌቲዲኖ። 2 ያሳ ኣሳቱ ኢስዒፋኖሳ ሞጌዲኖ፤

ቃሲ አው ዳር ዩኬዲኖ። 3 ሺን ሳያሊ አማኒያ አሳ ቆዩሳናው ባጭቱ፤ ኡባ ጎሊያ ጌሊ ጌሊዳ፤ አቱማ አሳኔ ማጫ አሳ ጎቺ ጎቺዳ፤ ቃሾ ጎሌ ዩዳ።

ዋንጋላ ሚሺራቹ ሳማሪያን ኦዴቲዳ

4 ላሌቲዳ አማኒያዋንቱ ቃላ ኦዲዳ፤ ኡባሳ ቤዲኖ።
5 ፒሊጶሲ ሳማሪያ ካታማ ዋዲዳ፤ ኪሪሰቶሳባ አሳሲ ኦዴዳ።
6 ጮራ አሳይ ፒሊጶሲ ጌዳዋ ዳሪሲ አኩኪዳ ሲሴዳ፤ ኢ ኦሊያ ማላታካ ቤዴዳ። 7 አዩሲ ጎፔ፤ ኢታ አያናቱ ኮሻ ጶቁ ኦሊ ሃሳዩዳ፤ ጮራ አሳፔ ኬሴዲኖ፤ ቃሲ ጮራ ሲሊዳዋንቱኔ ዋባቱ ፓዌዲኖ። 8 ሄ ካታማን አሳይ ዳር ናሼቲዳ።

9 ሺን ሲሞና ጌቲቲያ ኢቲ ቢታኒ ካሴ፤ ባሬና ዋልቃማ ጊ ካዩዲ፤ ሳማሪያ አሳ፤ «ላ ሃዌ አይሴ ኦራሳቤ» ጊሲዳ ሄ ካታማን ዴዴዳ። 10 ጉላቲላፔ ዶሚዳ፤ ዋጋቲላ ጋካናው፤ አሳይ ኡባይ፤ «ያሳ ዋልቃይ ዳር ዋልቃማይ ሃዋ» ጊዳ አባ ሲሴ። 11 ዳር ዋዲያፔ ዶሚዳ፤ ካዩዋን ሳማሪያ አሳ «ላ ሃዌ አይባ ኦራሳቤ» ጊሴዳ ዲራው፤ አሳይ አባ ሲሴ። 12 ሺን ፒሊጶሲ ያሳ ካጫቲላባኔ ዩሱሲ ኪሪሰቶሳ ሱንላባ አቱማዋንቱሲኔ ማጫዋንቱሲ ሚሺራቹዋ ኦዲዳ፤ ኡንቲንቱ አባ አማኒዳ ፃማቄቲዲኖ። 13 ቃሲ ሲሞኒካ ባሬ ሁጶው አማኒዳ ፃማቄቲዳዋፔ ጉዩያን፤ ፒሊጶሳና ኢቲፔ ዴዲዳ፤ ኦሴቲያ ማላታኔ ያሳይ ኦሊዳ ዋልቃማ ማላታ ቤዲዳ ማላሌቲዳ።

14 ዩሱሲ ኪቴዳ ዩሩሳላሜን ዴዲያዋንቱ፤ ሳማሪያ አሳይ ያሳ ቃላ አኩዳዋ ሲሴዳ ዋዳ፤ ጳዊርሳኔ ዮሃንሳ ኡንቲንቲኮ ዩዴዲኖ። 15 ጳዊርሳኔ ዮሃንሲ ዋዲዳ፤ አማኒያዋንቱ ጌሻ አያና አካና ማላ፤ ኡንቲንቶ ያሳ ዋሴዲኖ፤ 16 አዩሲ ጎፔ፤ ሳማሪያ አሳቱ ጎዳ ዩሱሳ ሱንላን ዪንቃታ ያላላ ፃማቄቲዳዋፔ አቲን፤ ኡንቲንቲፔ ኢቲዋ ቦላኒኔ ጌሻ አያናይ ዋዲቤና። 17 ሄ ዋዳ ጳዊርሳኔ ዮሃንሲ ባሬንቱ ኩሺያ ኡንቲንቱ ቦላ ዋላዋፔ ጉዩያን ኡንቲንቱ ጌሻ አያና አኩዲኖ።

18 ዩሱሲ ኪቴዳዋንቱ ባሬንቱ ኩሺያ ኡንቲንቱ ቦላ ዋላና፤ ኡንቲንቶ ጌሻ አያናይ ኢሜቲዳዋ ሲሞኒ ቤዴዳ ዋዳ፤ ጳዊርሳሲኔ ዮሃንሳሲ ሚሻ አሂዳ፤ 19 «ታኒካ ታ ኩሺያ ዋሊያ ኡባይ ጌሻ አያና አካና ማላ፤ ሃ ማታ ታጫካ ኢሜሪከቲ» ያኔዳ።

20 ሺን ጳዊርሳኔ አው ሃዋዳን ያኔዳ፤ «ኔኒ ያሳ አሞታ ሚሻን ሻማናው ቆፔዳ ዲራው፤ ኔ ሚሻይ ኔና ጮ ቆዮ። 21 ኔ ዋዛናይ ያሳ ሲንላን ሱሬ ጊደና ዲራው፤ ኔው ሃዋን ጊሹ ባዋ። 22 ያቶዋፔ ጉዩያን ሃ ኔ ዋዛና ኢታ ቆፋ ዲራው፤ ናጋራፔ ሲማ፤ ኦኒ ኤሪ ኔ

ዋዛናን ዴዒያ ኢታ ቆፋ ያሳይ አቶ ጋኔንቶኔ ያሳ ዋሳ። 23 አዲሲ ጎፔ፣ ኔኒ ዳር ቃናቲያ ኦይቃዴ ናጋራ ቃሹዋን ዴዒያዋ ታኒ ቤዓይ» ያጌዳ።

24 ሄዋፔ ጉዬ ሲሞኒ ጴዳርሳሲኔ ዮሃንሳሲ ዛሪዴ፣ «ሂንቴንቱ ጌዳዋፔ አቲባይኔ ታና ጋኬና ማላ፣ ሂንቴ ታው ያሳ ዋሲቴ» ያጌዳ።

25 ጴዳርሲኔ ዮሃንሳሲ ማርካቴዳዋፔኔ ጎዳ ቃላ ኦዴዳዋፔ ጉዬያን፣ ጉዬ ዬሩሳላሜ ሲሜዲኖ፤ ያቲዴ ሳማሪያን ዴዒያ ዳር ቄሪ ካታማቱዋን ሚሺራቹዋ ቃላ ኦዴዲኖ።

ፒሊጶሲ ቶጲያ አሳ ጌዴዳ ሹፋ ፃማቄዳ

26 ጎዳ ኪታንቻይ ፒሊጶሳ፣ «ዴንዳዴ ዬሩሳላሜፔ ጋዛ አፊያ አሲ ባይና ማላ ሳዓ ኦጊያኮ ባ፤ ሄ ኦጊ አዋይ ኬሲያሳ ጴሊያ ዋዴ ኡሹቻ ዱጌሃ ባጋና ዴዔ» ያጌዳ። 27 ፒሊጶሲ ዴንዲዴ ቤዳ። ሂንዴኮ ጌቴቲያ ቶጲያ ካታቲሲ ቢታ ሞዲያ ኢ ሚሻ ኡባካ ናጊያ ቶጲያ አሳ ጌዴዳ አቲ ሹፋይ ዴዒያዋ ጎዩናናው ዬሩሳላሜ ቤዳ። 28 ፓራይ ጎቹያ ጋሪያን ኡቲዴ፣ ዬሩሳላሜፔ ጉዬ ሲሚዴ፣ ናቢያ ኢሲያሳ ማፃፋ ናባቤ።

29 ጌሻ አያናይ ፒሊጶሳ፣ «ሄ ጋሪያኮ ሺቃዴ አቲፔ ጌዳ» ያጌዳ።

30 ፒሊጶሲ ዋዲ ዩዴ፣ ናቢያ ኢሲያሳ ማፃፋ ሹፋይ ናባቢሺን ሲሲዴ አ፣ «ኔኒ ናባቢያዋ አኬካይ?» ያጌዳ።

31 ሹፋይ፣ «ታው ኦዲዴ አኬኪሲያ አሳይ ባይናን ዋኒዴ አኬኬቲ?» ያጌዳ፤ ቃሲ ባሬናና ጋሪያን ኬሲዴ ኡታና ማላ፣ ፒሊጶሳ ዋሴዳ። 32 ሹፋይ ናባቢያ ማፃፋይ

«ዶርሳዲን ኢ ሹኬታናው ላጌቴ።

ዶርሳ ማራይ ባሬ ኢሲኪያ

ቃንዲያዋ ሲንሳን ጮው ጊያዋዳን፣

ኢካ ባሬ ዶና ፖኪቤና።

33 ኢ ካዉሹዳዋዳን አው ጲሎ ፒርዳይ ቆዩዳ።

ዬሱሳ ዴው ሃ ሳዓፔ ፑዴ አኬቲዲጌዳ ዲራው፣

አ ዛሪያባ ኦኔ ኦዳናዋ?»

ያጌዳ።

34 ሹፋይ ዛሪዴ ፒሊጶሳው፣ «ናቢ ሃዋ ኦዋ ኦዲ? ባሬባ ኦዲዬ ዋይ ሃራ አሳባ ኦዲ? ታው ኡዳሪኪ» ያጌዳ። 35 ፒሊጶሲ ዛሪዴ፣ ያሳ ማፃፋ ኢ ናባቢያሳፔ ዶሚዴ፣ ዬሱሳባ ሚሺራቹዋ ቃላ አው ኦዴዳ።

36 እንቱንቱ ኦጊያ ኦይቂ ቢዳ፣ ሃላይ ዳዒያሳ ጋኬዲኖ፤ ሹፋይ፣ «ሃላ ሃዋ ቤዓ፤ ፃማቂቲያዋ ታና ዲጊያዌ ኣዩ?» ያጌዳ።

37 ፒሊጶሲ ኣ፣ «ኔኒ ኔ ኩሚንላ ዋዛናፔ ኣማናፔ፣ ዳንዲያ» ያጌዳ።

ኢ ዛሪዳ፣ «ዬሱሲ ኪሪሰቶሲ ፆሳ ናዓ ጊዲያዋ ታኒ ኣማናይ» ያጌዳ።

38 ጋሪ ኤቃና ማላ ሹፋይ ኣዛዚና፣ ኢኔ ፒሊጶሲ ላዓቱ ዱጌ ዋጲዳ፣ ሃላን ጌሊና ፒሊጶሲ ኣ ፃማቂዳ። 39 እንቱንቱ ሃላፔ ጋፃ ኬሴዳ ዋዳ፣ ጎዳ ኣያናይ ፒሊጶሳ ሊጲ ኡዲዳ፣ ኣፊ ኣጌዳ፤ ላዒሉዋ ሹፋይ ፒሊጶሳ ቤዒቤና፤ ሺን ባሪ ኦጊያ ናሹቲዳ ቤዳ። 40 ፒሊጶሲ ባሪ ሁጳው ኣዘፆሳን ዳዒያዋ ኤሬዳ፤ ቃሲ ቂሳሪያ ያና ጋካናዉካ፣ ካታማ ኡባን ዩዩዳ ሚሺራቹዋ ቃላ ኦዳ።

9

ሳዖሊ ኪሪሰቶሳን ኣማኔዳ (ኪት 22:6-16፤ 26:12-18)

1 ሺን ሳዖሊ ጎዳ ካሊያዋንታ ዋጲናው ማንዲዳ፣ ቂሳቱዋ ኡባቱዋ ካፑዋኮ ቤዳ። 2 ያቲዳ ጎዳ ኦጊያ ካሊያ ኣሳቱዋ ማጫዋንታኔ ኣቱማዋንታ ዳሞፔ፣ ቃቹዳ ዩሩሳላሜ ኣሃናው፣ ዳማሰቆን ዳዒያ ኣዩሁዳ ዋሳ ጎሌቶ ዳቢዳቢያ ፃፋናው ኣ ዋሴዳ።

3 ኢ ቢዳ፣ ዳማሰቆ ካታማ ጋካና ማቶዳ፣ ቆፔናን ሳሉዋፔ ዋልቃማ ፖዑ ኣ ዩሹዋ ኡባኒ ፖዒዳ። 4 ሳዖሊ ሳዓን ኩንዲ ኡቲና፣ «ሳዖላ ሳዖላ፣ ኣዩሲ ታና ዋዩሳይ?» ጊያ ቃላ ሲሴዳ።

5 ሳዖሊ፣ «ታ ጎዳው፣ ኔኒ ኦኔ?» ያጌዳ ኦቹዳ።

ዬሱሲካ፣ «ታኒ ኔኒ ዩዳርሳዳ ዳዒያ ዩሱሳ።» ያጌዳ።

6 ሺን ሳዖሊ ኮኮሪዲኔ ማላሌቲዳ፣ «ታ ጎዳው፣ ታኒ ኣያ ኦላናዳን ኮያይ?» ያጌዳ።

ጎዳይ ኣ፣ «ዳንዲዳ ካታማ ጌላ፤ ኔኒ ኦላናው ቤሲያባይ ኔው ያኒ ኦዳታናዋ» ያጌዳ።

7 ሳዖላና ኦጊያን ቢያ ኣሳቱ ኣይኔ ሃሳዬናን ኤቂ ኣጊዳ፣ ኮሻ ሲሲኖ፤ ሺን ኦናኔ ቤዒቤይኪና። 8 ሳዖሊ ሳዓፔ ዳንዲና፣ ኣ ኣይፊ ዳዩቲዳ ዋዳ፣ ኣይኔ ፃላናው ዳንዳዩቤና፤ ሄዋ ዲራው፣ እንቱንቱ ኣ ኩሺያ ኦይቂ ጎቹዳ፣ ዳማሰቆ ጌሊሴዲኖ። 9 ሄዙ ጋላሳ ጋካናዉካ ኢ ፃሊቤና፤ ኣይኔ ሚቤና፤ ኣያኔካ ኡሺቤና።

10 ዳማሰቆን ኢቲ ሃናኒያ ጊያ ካሊያዌ ዳዒ፤ ጎዳይ ሳፃን ኣ፣ «ሃናኔው» ያጌዳ።

ሃናኒ፡ «ታ ጎዳው፡ ሃዋን ዳዓይ» ያጌዳ።

11 ጎዳይ አ፡ «ዳንዳዳ ሱሬ ጌቴቲያ ኦጊያ ባዳ፡ ዩሁዳ ሶዪን ኢቲ ሳዖላ ጊያ ያርሴሴፔ ዩዳ ቢታኒያ ኮያ፤ አዪሲ ጎፔ፡ ኢ ዎሴ።
12 ቃሲ ሃናኒያ ጊያ ቢታኒ ጌሊዳ፡ ሳዖላ ላዔንሱዋ ያላናዳን፡ ባሬ ኩሺያ አ ቦላ ዎሊያዋ ሳዎን ቤዔዳ» ያጌዳ።

13 ሃናኒ ዛሪዳ፡ «ታ ጎዳው፡ ዩሩሳላሜን ኔ ጌሻ አሳ ቦላ ሄ ቢታኒ አይ ከና ኢታባ ኦሴዳንቶ፡ ታኒ ዳሮ አሳፔ ሲሳዲ።
14 ቃሲ ዳማሰቆን ኔ ሱንሳ ያሲያዋንታ ኡባ ቃቻናው፡ ቄሳቱዋ ካፓቱ አው ማታ አሜዲኖ» ያጌዳ።

15 ሺን ጎዳይ አ፡ «ሳዖላ አዩሁዳ ጊዳና አሳ ሲንሳን፡ ካታቱዋ ሲንሳኒኔ ኢሰራዔሊያ አሳ ሲንሳን፡ ታ ሱንሳ ኤሪሳናውኔ ታው ኦላናዳን ደሬቴዳ ሚሻ ጊዲያ ዲራው፡ ኔኒ ባ። 16 አዪሲ ጎፔ፡ ታ ሱንሳ ዲራው፡ ኢ አዪከና ዋዬታናው ቤሲንቶ፡ ታኒ አ ቤሳና» ያጌዳ።

17 ሃናኒ ቢዳ፡ ሶይ ጌሊዳ፡ ባሬ ኩሺያ ሳዖላ ቦላ ዎሊዳ፡ «ታ ኢሻው ሳዖላ፡ ኔኒ ዩያ ኦጊያን ኔው ቤቴዳ ዩሱሲ፡ ኔኒ ያላና ማላኔ ጌሻ አያናይ ኔናን ኩማና ማላ፡ ታና ኪቴዳ» ያጌዳ።
18 ኤሌካ፡ አዩንቶ ፖቁዋ ማላይ ሳዖላ አይፊያፔ ዎዲና፡ ሳዖላ ላዔንሱዋ ያሌዳ፤ ቃሲ ዳንዲዳ ፃማቁቱዳ። 19 ቁማ ሚዳ ሚኔቲ፡ ዳማሰቆን ዳዒያ ካሊያዋንቱና አማሬዳ ጋላሳ ጋሚዔዳ።

ሳዖላ ዳማሰቆን ታማሪሴዳ

20 ኤሌካ፡ «ዩሱሲ ኪሪሰቶሲ ዖሳ ናዓ» ያጌዳ፡ አዩሁዳ ዎሳ ጎሌቱዋን ቃላ ኦዳዳ።

21 ሄዋ ሲሴዳ ኡባይ ማላሌቲዳ፡ «ሃዋ ዩሩሳላሜን ዩሱሳ ሱንሳ ያሲያዋንታ ዳዩሲያዋ ጊዳኔ? ቃሲ ኡንቱንታ ቃቲዳ፡ ቄሳቱዋ ካፓቱዋ ሲንሳ አፋናው ዩቤኔዬ?» ያጌዲኖ።

22 ሺን ሳዖላ ቃላ ኦዲያ ኦዲ ሚኒ ሚኒ ቤዳ፤ ዩሱሲ ቃሲ ኪሪሰቶሳ ጊዲያዋካ ኢ አኬኪሲዳ ኦዳዳ ዲራው፡ ዳማሰቆን ዳዒያ አዩሁዳቱ አው ዛሪያዋ ዳዩዲኖ።

23 ጮራ ጋላሳፔ ጉዩያን፡ አዩሁዳቱ ሺቂዳ፡ ሳዖላ ዎዳናው ዘሬቴዲኖ። 24 ሺን አዩሁዳቱ ባሬና ዎዳናው ቆፖዋ ሳዖላ ሲሴዳ፤ ኡንቱንቱ አ ዎዳናው ቃማኔ ጋላሲ ካታማ ፔንጊያ ናጊኖ።
25 ሺን ካሊያዋንታ አ ቃማ አፊዳ፡ ዲርሳ ሁጲያና ታዩያን ዲጌ ዎሌዲኖ።

ሳዖላ ዩሩሳላሜን ታማሪሴዳ

26 ሳዖላ ዩሩሳላሜ ጋኬዳ ዎዳ፡ ካሊያዋንቱና ኢቲፔ ጋኬታናው ሺቂ ቤዔዳ፤ ሺን ካሊያዋ ኢ ጊዳዳዋ ኡባይ

አማኔናን ኢዲዳ፡ አው ያዬዲኖ። 27 ሺን ባርናባሲ ሳዖላ ዬሱሲ ከቴዳዋንቱኮ አፊዳ፤ ኦጊያን ጎዳ ኢ ዋኒዳ በዔዳዳንቶ፡ አው ጎዳይ ዋቲ ሃሳዬዳንቶኔ ቃሲ ሳዖላ ዳማሰቆን ዬሱሳ ሱንላን ያዬናን ዋቲ ቃላ ኦዳዳንቶ፡ ኡንቱንቶ ጌሺዳ ኦዳዳ። 28 ሳዖላ ዬሩሳላሜን ዩዩዳኔ ጎዳ ዬሱሳ ሱንላን ያዬናን ቃላ ኦዲዳ፡ ዬሱሲ ከቴዳዋንቱና ኢቲፔ ዳዔዳ። 29 ቃሲ ሳዖላ ገሪኬ ቃላ ሃሳዬያ አዩሁዳቱዋና ሃሳዬኔ ፓሉሜቲ፤ ሺን ኡንቱንቱ አ ዋቆናው ኮዬዲኖ። 30 እሻቱ ሄዋ ሲሲዳ፡ ሳዖላ ዱጌ ቁሳሪያ አፊዳ፡ ዪርሴሴ ዬዳዲኖ።

31 ዩሁዳን፡ ጋለላኒኔ ሳማሪያን ኡባን ዳዒያ አማኒያ አሳቱ ሳርቱላን ዳዔዲኖ፤ ቃሲ ሚኔዲኖ፤ ጎዳሲ ያዩያዋኒኔ ጌሻ አያና ማዲዋን ጌሜቲዳ፡ ፓይዲዋንካ ዳሪ ዳሪ ቤዲኖ።

ጳዊርሲ ሊዲያኒኔ ዮጳን ታማሪሴዳ

32 ጳዊርሲ ኡባሳን ዩዩዳ፡ ሊዳን ዳዒያ ጌሻ አሳቱዋኮ ቃሲ ዋቆዳ። 33 ያቲዳ ሄዋን ሆሰፑን ላይላ ሲሊዳ፡ አርሳን ገሲዳ ዳዒያ ኢቲ ኤኒያ ገያ ቢታኒያ ዳሜዳ። 34 ጳዊርሲ ኤኒያ፡ «ኤናው፡ ዬሱሲ ከሪሰቶሲ ኔና ፓሌ፤ ዳንዲዳ ኔ ሃፃ ዩጋ» * ያጌዳ። ሄዋፔ ጉዬ ኤሌካ ዳንዲ ኤቁዳ። 35 ሊዳኒኔ ሳርናን ዳዒያ አሳይ ኡባይ ኤኒያ በዒዳ፡ ጎዳኮ ሲሜዲኖ።

36 ዮጳ ካታማን ኢቲ ፃቢቶ ጌቲቲያ አማኔውና ዳዒው፤ ፃቢቶ ጉሳይ ገሪኬ ቃላን ዶርቆ ገያዋ። ኢዛ ባሪ ዳዔዳ ዋዲያ ኡባን ሎዖባ ኦላዳኔ ሂዬሳ ማዲዳ ዳዒው። 37 ሄ ዋዳ ኢዛ ሃርጋዳ ሃይቁና፡ አሳይ ኢዚ አጋ ሜጪዳ፡ ፖቁያ ፑዳ ኬሲዳ ገሲሴዳ።

38 ሊዳይ ዮጳሲ ማታ፤ ካሊያዋንቱ ጳዊርሲ ሊዲያን ዳዒያዋ ዮጳን ሲሲዳ፡ «ሃና ኦኮ ኤሌካ ያሪኪ» ያገያ ከታ ላዑ አሳቱዋ ቦላ አኮ ከቴዲኖ።

39 ሄዋፔ ጉዬ ጳዊርሲ ዳንዲዳ፡ ኡንቱንቱና ቢ ጋኪና፡ ፖቁያ ፑዳ አ ኬሲዳ፡ ኪፊሊያ ጌሊሴዲኖ። አሲኒ ባይና አምዔ ማጫዋንቱ ኡባይ ዬኪዳኔ ዶርቃ ኡንቱንቱና ዳዒያ ዋዳ ኦሌዳ ቃሚሻቱዋኔ ማያቱዋ ኡባ ጳዊርሳ ቤሲዳ፡ አ ዩሹዋን ዩዩ አቋዳ ኤቁዳኖ። 40 ጳዊርሲ ኡንቱንታ ኡባ ካሪ ኬሲዳ፡ ጉልባቲ ያሳ ዋሴዳ፤ ቃሲ አጋኮ ሲሜዳ፡ «ፃቢቲ፡ ዳንዲ» ያጌዳ፤ ፃቢታካ ባሪ አይፊያ ደያ ጳዊርሳ በዓዳ፡ ቆቃ ኡታዲ። 41 ጳዊርሲ ኢዛ ባሪ ኩሺያን ማዲዳ፡ ዳንላ ኤሴዳ፤ ሄዋፔ ጉዩያን፡ አማኒያዋንታኔ

* 9:34 ሃፃ ዩጋ፡ ሃዋ ጉሳይ ሜቲቲያባ ገሊሳ ጉሳ።

አሲኒ ባይና አምዔ ማጫዋንታ ያሲዳ፣ ፓዌዳዉኖ ኡንቱንቶ ኢሜዳ።

42 ሃ ዬዉ ዮጴ ካታማ ኡባን ላሌተና ጮራ አሳይ ጎዳ አማኔዲኖ። 43 ጴዳርሲ ዮጴን ኢቲ ሲሞና ጊያ ጋልባ ቃጨያዋና ዳር ዋዲያ ጋሚዳዳ።

10

ጴዳርሳኔ ቆርኔሊዮሳ

1 ቁሳሪያን «ፃላቱዋ ኦላ አሳቱዋ» ጌቲቲያ ኦላንቻቶ ኢቲ ይታቱዋ ካፑ ቆርኔሊዮሳ ጊያዌ ዳዔ። 2 ቆርኔሊዮሲ ያሳ ሎይሊዳ አማኒያ አሳኔ፣ ባሬ ሶይ አሳ ኡባና ኢቲፔ ያሳሲ ጎዩኒያ አሳ፤ አዪሁዳ ሂዬሳካ ኢ ዳር ማዳ፤ ቃሲ ያሳ ኡባ ዋዳ ዋሴ። 3 ኢቲ ጋላሲ ኡዲፑ ሳቲያ ሄራን፣ «ቆርኔሊዮሳ» ጊዳ ያሲያ ያሳ ኪታንቻይ ባሬኮ ጌሊሺን፣ ቆርኔሊዮሲ ሳፃን ጌሺዳ ቤዔዳ።

4 ቆርኔሊዮሲ ያዩዳ፣ ኪታንቻ ጫዲ ያሊዳ፣ «ታ ጎዳው፣ ኢ አዬ?» ያጌዳ።

ኪታንቻይ ዛሬዳ፣ ሃዋዳን ያጌዳ፤ «ኔ ዋሳይኔ ኔኒ ሂዬሳ ማዲያዌ ያሳ ሲንሳን ሃሳዬታናው ሳሉዋ ቤዳ። 5 ሃዒ ዮጴ አሳ ኪታዳ፣ ጴዳርሳ ጌቲቲያ ሲሞና አሂሳ። 6 ጴዳርሲ አባ ዶናን ዳዒያ ጋልባ ቃጨያ ሲሞና ጎሌን ኢማላቴላኒ ኡቴዳ፤ ኔኒ ኦላናው ቤሲያዋ ኢ ኔው ኦዳናዋ» ያጌዳ።

7 ቆርኔሊዮሲ ባሬው ኦዳዳ ኪታንቻይ ቢና፣ ባሬ ቆማቱዋፔ ላዓቱዋኔ ያሳሲ ጎዩኒያ ባሬፔ ሻኬቴና ዋታዳራቱዋፔ ኢቱዋ ያሲዳ፣ 8 ኡንቱንቶ ኡባባ ኦዲዳ፣ ኡንቱንታ ዮጴ ኪቲዳ።

9 ዋንቴላ ጋላሲ ኡንቱንቱ ቢዳ፣ ዮጴ ካታማኮ ማቲሺን፣ ጴዳርሲ ኡሱፑን ሳቲያ ሄራን ጎሊያ ቦላን ዳምባዩዳ ኦሌዳሳ ያሳ ዋሳናው ኬሴዳ። 10 ቃሲ ኮሻቲዳ፣ ቁማ ማናው ኮዬዳ፤ ሺን ቁማይ ካዒሺን፣ ሳፃ ቤዔዳ። 11 ሳሉ ዶዬቲና፣ ዋልቃማ ማዩዋ ማላቲያባይ ኦይዲ ባጋና ኦይቄቲዳ፣ ሳዓን ዋዲሺን፣ ጴዳርሲ ቤዔዳ። 12 ሄዋን ኦይዲ ጌዲያና ዳዒያ ሜሂ፣ ዶዳይ፣ ሾሻይ፣ ዛሬኔ ካፋ ኡባይ ዳዔ። 13 «ጴዳርሳ፣ ዳንዳ ኤቃዳ ሹካ ማ» ጊያ ቃላይ አኮ ዬዳ።

14 ሺን ጴዳርሲ፣ «ታ ጎዳው፣ ሃኔና! ታኒ ቱናባኔ ሸኔዩያባ ኡባካ ማ ኤሪኬ» ያጌዳ።

15 ቃሲ ላዒንሱዋ፣ «የሳይ ጌሹዳዋ ኔኒ ቱኒሶፓ» ጊያ ቃላይ አኮ ዬዳ። 16 ሄዙ ጌዳ ሄዋዳን ጌዳ፤ ሄዋፔ ጉዩያን፣ ኤሌካ ሄ ዋልቃማ ማዩዋ ማላቲያዌ ፑዳ ሳሉዋ አኬቲ አጌዳ።

17 ጳጳሮሲ ባሬ ቤዔዳ ሳፃ ቢሌላይ ኣያ ጊዳንዳሻ? ያጊዳ፡ ባሬ ዋዛና ጊዳን፡ «ላ ሃዌ ኣዬ?» ጊሺን፡ ቆርኔሊዮሲ ኪቴዳ ኣሳቱ ሲሞና ጎሊ ዳዒያሳ ኮዪዳ፡ ኣ ፔንጊያን ኤቁዲኖ። 18 ባሬንቱ ኮሻ ጶቁ ኦሲዳ፡ «ጳጳሮሳ ጌቴቲያ ሲሞና ጊያ ኢማላይ ሄዋን ዳዒ?» ያጊዳ ኦቹዲኖ።

19 ጳጳሮሲ ሳፃን ቤዔዳባ ኣኬካናው ቆፋን ሸኪዳዒሺን፡ ጌሻ ኣያናይ ኣ፡ «ቤዓ፡ ሄዙ * ኣሳቱ ኔና ኮዪኖ፤ 20 ዳንዳዳ ዋጳ፤ ታኒ ኡንቱንታ ኪቴዳ ዲራው፡ ሲጴናን ኡንቱንቱና ባ» ያጊዳ።

21 ጳጳሮሲ ኣሳቱዋኮ ዋጲዳ፡ «ሂንቱንቱ ኮዪያዌ ታና። ኣያ ኣካና ዬዲቱ?» ያጊዳ።

22 ኡንቱንቱ፡ «ፆሳሲ ያዪያ ሂሉ ኣዪሁዳ ኣሳ ኡባን ዳር ቦንቹቲዳ ዳታቱዋ ካቸዋ ቆርኔሊዮሲ፡ ኔና ባሬ ሶይ ኣፊሲዳ፡ ቃላ ኔፔ ሲሳና ማላ፡ ፆሳ ጌሻ ኪታንቻይ ኣው ኦዳዳ» ያጊዳኖ።

23 ጳጳሮሲ ኣሳቱዋ ኢማላ ኡዲ ሸባናው ሶይ ሞኬዳ።

ዋንቱላ ጋላሲ፡ ዳንዲዳ ኡንቱንቱና ቤዳ፤ ዮጶ ካታማን ዳዒያ ኢሻቱዋፔ ኢቱ ኢቱ ኣናና ኢቲፔ ቤዲኖ። 24 ዋንቱላ ጋላሲ፡ ቁሳሪያ ጋኬዲኖ፤ ቆርኔሊዮሲ ባሬ ዳባቱዋኔ ባሬ ላጌላቱዋ ኢቲፔ ፆሲ ሸሺዳ፡ ጳጳሮሳ ናጌ። 25 ጳጳሮሲ ጌላና ሃኒሺን፡ ቆርኔሊዮሲ ኣናና ጋኬቲዳ፡ ኣ ሲንላን ኩንዲዳ፡ ኣው ጎዪኔዳ። 26 ሺን ጳጳሮሲ፡ «ዳንዳ! ታኒካ ታ ሁጶው ኣሳ» ያጊዳ ኣ ዳንጤዳ።

27 ጳጳሮሲ ቆርኔሊዮሳና ሃሳዪዳ፡ ሶይ ጌሌዳ፤ ኢ ጌሊያ ዋዴ ጮራ ኣሳይ ሸቁዳዋ ዳሚዳ። 28 ኣሳ፡ «ኣዪሁዳ ኣሳይ ሃራ ዛሪያና ኢቲፔቱላን ዳዓናው፡ ዋይ ጋኬታናው ዋጋ ጊዳናዋ ሂንቱ ሁጶው ኡሪታ፤ ሺን ታኒ ኣናኔ ቱና ዋይ ሸኔዪያባ ጌና ማላ፡ ፆሳይ ታና ቤሴዳ። 29 ሄዋ ዲራው፡ ሂንቱ ታው ኪቲና፡ ፓሉማይ ባይናን ያዲ። ሃዒ፡ <ታና ኣዪሲ ኣሂሴዲቱ?> ያጋዴ ሂንቱንታ ኣቻይ» ያጊዳ።

30 ቆርኔሊዮሲ ሃዋዳን ያጊዳ፤ «ታኒ ሃቹ ኣይዲ ጋላሳፔ ካሴ ሃ ሳቲያን ኡዲፑ ሳቲያ ዋሳ ታ ሶዪን ፆሳ ዋሲሺን፡ ጶልቁያ ማዩዋ ማዬዳ ኣሳይ ታ ሲንላን ኤቁዳ። 31 ታና፡ <ቆርኔሊዮሳ፡ ፆሳይ ኔ ዋሳ ሲሴዳ፤ ኔኒ ሂዬሳ ማዲያዋካ ሃሳዬዳ። 32 ስሞኒ ኣሳ ዮጶ ኪታዳ፡ ሲሞኒ ጳጳሮሳ ጊያዋ ፆሲሳ፤ ሲሞኒ ጳጳሮሲ ሲሞና ጊያ ጋልባ ቃጪያዋ ጎሊን ኣባ ደናን ኢማላቱላ ኡቲዳ» ያጊዳ። 33 ሄዋ ዲራው፡ ታኒ ኔኮ ኤሌካ ኪታዲ፤ ኔኒኔ ያዴ ሎይላዳ፤

* 10:19 ሄዙ፡ ኢቲ ኢቲ ማፃፋቱ ጮራ ጊኖ፤ ኢቲ ማፃፋይ ላዑ ያጌ።

ሲሚ ኔኒ ኑሲ ኦዳናው ያሳይ ኔና ኣዛዜዳዎ ኡባ ሲሳናው ሃዒ ኑኒ ኡባይ ሃዋን ያሳ ሲንሳን ዳዔቶ» ያጌዳ።

ጳጳርሳ ሃሳያ

34-35 ጳጳርሲ ሃሳያ ሃዋዳን ያጊ ዶሜዳ፤ «ያሳይ ኣሳ ሶምዒያ ያለና፤ ሺን ጋዴ ኡባን ባሬው ያዩያዎኔ ዓሎ ኦሱዎ ኦሊያዎ ጋላቲያዎ ታኒ ቱሙ ኣከካዲ። 36 ያሳይ ኣሳ ኡባ ጎዳ፤ ዬሱሲ ኪሪሰቶሳ ባጋና፤ ሳሮቱላ ኦዲዳ፤ ሃ ዎንጋላ ሚሺራቹዎ ኢሰራዔሊያ ኣሳሲ ኪቴዳዎ ሂንቱንቱ ኤሪታ። 37 ዮሃኒሲ ቃላ ኦዲዳ ዊንቃታፔ ጉዩያን፤ ጋሊላፔ ዶሚዳ፤ ዪሁዳ ጋዲያ ኡባን ሃኔዳዎ ሂንቱ ኤሪታ። 38 ያሳይ ናዚራቲያ ዬሱሳ ጌሻ ኣያናኒኔ ዎልቃን ኩንሌዳ፤ ያሳይ ኣናና ዳዒያ ዲራው፤ ሎዎባ ኢ ኦሊዲኔ ያላሂያ ካቸዎሲ ዎዳቲዳ ኡባ ጋሊዳ ዩዩዳ።

39 «ኣዪሁዳ ጋዲያኒኔ ዬሩሳላሜን ኢ ኦሌዳ ኡባባሲ ኑኒ ማርካ። ኡንቱንቱ ማሰቃሊያ ቦላ ሚሲማሪያን ጲሺ ካቂዳ፤ ኣ ዎዴዲኖ። 40 ሺን ያሳይ ሄዜንሌያ ጋላሳን ሃይቁዎፔ ኣ ዴንሌዳ ቤሴዳ። 41 ያሳይ ኮይሮ ዶሬዳ ማርካቹዎ ኑና፤ ኣ ቤሴዳፔ ኣቲን፤ ኣሳ ኡባ ጊዳና፤ ሃይቁዎፔ ኢ ዴንዴዳዎፔ ጉዩያን፤ ኑኒ ኣናና ማዶኔ ኡሺዶ። 42 ያሳይ ዎንጋላ ሚሺራቹዎ ኣሳሲ ኑኒ ኦዳናውኒ፤ ጋዳ ዳዒያዎንቱ ቦላኒኔ ሃይቁዳዎንቱ ቦላን ፐርዳናው ኢ ሱንሌዳዊ ዬሱሳ ጊዳዳዎ ኑኒ ማርካታናው ኑና ኣዛዜዳ። 43 ያሳይ ኣኒ ኣማኒያ ኡባ ናጋራ ኣ ሱንሳን ኣቶ ጋናዎ ናባቱ ኡባቱ ማርካቲኖ» ያጌዳ።

ኣዪሁዳ ጊዳና ኣሳቱ ኣማኒዳ ጌሻ ኣያና ኣኩዲኖ

44 ጳጳርሲ ቢሮ ሄ ዩወዎ ኦዲሺን፤ ቃላ ሲሲያ ኡባ ቦላ ጌሻ ኣያናይ ዎዴ ኣጌዳ። 45 ጳጳርሳና ዮዳፔ ዩዳ፤ ኣማኒያ ቃፃሬቲዳ ኣዪሁዳ ኡባቱ ኣዪሁዳ ጊዳናዎንቱ ቦላንካ ጌሻ ኣያና ኣዎታይ ጉኩዳ ዲራው ማላሌቲዲኖ። 46 ኣዪሲ ጎፔ፤ ኡንቱንቱ ዲማ ዲማ ቃላን ሃሳዪሺኒኔ ያሳ ዳሮቱላ ሳቢሺን ሲሴዲኖ።

ሄ ዎዳ ጳጳርሲ ዛሬዳ፤ 47 «ሃዎንቱ ቃሲ ኑናዳን ጌሻ ኣያና ኣኩዳዎንቱ ፃማቁቲናዳን፤ ሃላ ኡንቱንታ ዲጋናው ዳንዳዪያዊ ኦኔ?» ያጌዳ። 48 ኡንቱንቱ ዬሱሲ ኪሪሰቶሳ ሱንሳን ፃማቁታና ማላ፤ ኡንቱንታ ኣዛዜዳ፤ ሄዎፔ ጉዩያን፤ ኡንቱንቱ ባሬንቱና ኣማሬዳ ጋላሳ ኡታና ማላ፤ ኣ ዎሴዲኖ።

11

ጳጳሮሲ እዩሁዳ ጊዳና አሳፔ አማኔዎንቱ ሶይ አያው ጌሌዳንቶ ኦዳዳ

1 ዮሴፊ ከቴዎዎንቱን ዩሁዳ ኡባን ዳዒያ አሻቱ፣ እዩሁዳ ጊዳናዎንቱካ ያሳ ቃላ እኩዳዎ ሲሴዲኖ። 2 ጳጳሮሲ ዩሩሳላሜ ቤዳ ዎዳ፣ ቃፃሪቴዳ አሳቱ አናና ፓሉሜቲዳ፣ 3 አ፣ «ኔኒ ቃፃሪቲቤናዎንቱኮ ጌላዳ፣ ኡንቱንቱና ቁማ ማዳ» ያጌዲኖ።

4 ሺን ጳጳሮሲ ሃኔዳዎ ኮይሩዎፔ ዶሚዳ፣ ማራን ማራን ሃዎዳን ያጌዳ ኦዳዳ፤ 5 «ታኒ ዮጳ ካታማን ያሳ ዎሲሺን፣ ታኒ አያናኒ ጊዳዳ ሳፃ ቤዳዲ፤ ዎልቃማ ማዩዎ ማላቲያዎ ኦይዲ ባጋና ኦይቁቲዳ፣ ሳሉዎፔ ዎዲዳ፣ ታኮ ዬዳ። 6 ሃዎ ጊዳዎ ታኒ ጫዳ ያሊያ ዎዳ፣ ኦይዲ ጌዲ ዳዒያ ማሃያ፣ ዲዳ፣ ሾሻ፣ ዛሪያኔ ካፋዎ ቤዳዲ። 7 ቃሲ፣ ሳጳሮሳ፣ ዳንዳ፤ ሹካ ማ) ጊያ ቃላ ታኒ ሲሳዲ።

8 «ሺን ታኒ፣ ታ ጎዳው፣ ሃኔና! ቱናባይ ዎይ ሸኔዩያባይ ኡባካ ታ ዶናኮ ሸቂ ኤሪና) ጋዲ።

9 «ቃላይ ሳሉዎፔ ላዔሉዎካ፣ ሳሳይ ጌሼዳዎ ኔኒ ቱና ጎፓ) ያጌዳ ታው ዛሪዳ።

10 «ሃዎ ሄዙ ጌዳ ሃኒና፣ ወርሴላን ኡባባይ ሳሉዎ ፑዳ ጎሹቲዳ። 11 ሄ ማንዒያንካ ሄዙ አሳቱ ቁሳሪያፔ ታኮ ከቲቲዳ፣ ታኒ ዳዒያ ጎሊያ ጋኪ አጌዲኖ። 12 ታኒካ ሲዴናኒ ኡንቱንቱና ባና ማላ፣ ጌሻ አያናይ ታው ኦዳዳ። ቃሲ ሃ ኡሱፑን አሻቱ ዮጳፔ ታናና ቁሳሪያ ቤና፣ ኑኒ ቆርኔሊዮሳ ሶይ ጌሌዳ። 13-14 ኪታንቻይ ባሬ ሶዩን ኤቁዳ ባሬና፣ ሳጳሮሳ ጌቲቲያ ሲሞና ያሳናው አሳ ዮጳ ኪታ፤ ኔኒኔ ኔ ጎሊ አሳይ ኡባይ አቲያ ቃላ ኢ ኔው ኦዳናዎ) ጌዳዎ ቆርኔሊዮሲ ዎቲ ሲሴዳንቶ፣ ኑሲ ኦዳዳ።

15 «ታኒ ሃሳያናው ዶሚያዎን ጌሻ አያናይ ኮይሮ ኑ ቦላ ዎዲዳዎዳን፣ ኡንቱንቱ ቦላካ ዎዲ አጌዳ። 16 ጎዳይ፣ ሳሃኒሲ ሃላን ፃማቁዳ፤ ሺን ሃንቲንቱ ጌሻ አያናን ፃማቁታኒታ) ያጌዳ ቃላ ታኒ ሃሳያዲ። 17 ያሳይ ኑሲ ጎዳ ዮሴፊ ከሪሰቶሳ አማኔዎንቱሲ ኢሜዳ ኢሞታ ማላ እዩሁዳ ጊዳናዎንቱካ ቃሲ ኢሞፔ፣ ሲሚ ያሳ ዲጋናው ታኒ ኦኔ?» ያጌዳ።

አማኒያዎንቱ ከሪሰታኔ ጌቲቲዲኖ

18 ኡንቱንቱ ሃዎ ሲሴዳ ዎዳ ባሬንቱ ፓሉማ አጌዳ፣ «ያቲና፣ ያሳይ እዩሁዳ ጊዳናዎንቱካ ቃሲ ናጋራፔ ሲሚዳ ዳናዳን፣ ኡንቱንታ ቃዳዳ» ያጌዳ ያሳ ጋላቲዲኖ።

19 ኢስጻፋኖሳ ቦላ ጋኬዳ ዋዪያ ጌዲዋን ላሌቲዳ አማኒያዋንቱ ቃላ አዪሁዳቱዋ ፃላላፔ ኣቲን፡ ሃራሲ ኢቱዋሲኔ ኦዳና፡ ፒንቄ፡ ቆጲሮሳኔ ኣንፃኪያ ጋካናው ዩዩዲኖ። 20 ሺን ቆጲሮሳፔኔ ቁሬናፔ ዩዳ ኢቲ ኢቲ አማኒያ ኣሳቱ ኣንፃኪያ ቢዳ፡ ጎዳ ዩሱሳ ዋንጋላ ሚሺራቹዋ ኦዲዳ፡ ገሪኬ ኣሳሲካ * ኦዳዲኖ። 21 ጎዳ ዋልቃይ ኡንቱንቱና ዳዔ፤ ቃሲ ጮራ ኣሳይ አማኒዳ፡ ጎዳኮ ሲሜዲኖ።

22 ሃ ዩዳ ዩሩሳላሚን ዳዒያ አማኒያ ኣሳሲ ሲሴቲና፡ አማኒያ ኣሳይ ባርናባሳ ኣንፃኪያ ኪቲዳ። 23 ባርናባሲ ኣንፃኪያ ቤዳ ዋዳ፡ ያሳ ኣጵ ኬካቲላ ኦሱዋ ቤዒዳ ናሹቲዳ፤ ኡንቱንቱ ኡባይ ጎዳን ባሬንቱ ኩሚንላ ዋዛናፔ ሚኒ ዳዒናዳን፡ ኡንቱንታ ዞሬዳ። 24 ኣዪሲ ጎፔ፡ ባርናባሲ ጌሻ ኣያናይኔ አማኑ ኩሚዳ ሎፃ ኣሳ፤ ሄ ጋሱዋን ጮራ ኣሳይ ጎዳኮ ዩዲኖ።

25 ሄዋፔ ጉዪያን፡ ባርናባሲ ሳዖላ ኮያናው ፃርሴሴ ቤዳ። 26 ያቲዳ ሳዖላ ዳሜዳ ዋዳ፡ ኣንፃኪያ ኣሄዳ። ባርናባሲኔ ሳዖሊ አማኒያ ኣሳና ኢቲ ላይላ ኩሚንላ ኡቲዳ፡ ጮራ ኣሳ ታማሪሴዲኖ፤ ካሊያዋንቱ ኣንፃኪያን አማኒያ ኣሳ ጌቲቲዳ፡ ኮይሮ ፃሴቲዲኖ።

27 ናባቱ ዩሩሳላሚፔ ኣንፃኪያ ሄ ዋዳ ዋዳዲኖ። 28 ኡንቱንቱ ጊደፔ ኣጋቦሳ ጊያዌ ዳንዲዳ፡ ሳዓ ኡባን ዋልቃማ ኮሻይ ዳንዳናዋ ኣያና ዋልቃን ቲምቢቲያ ኦዳዳ፤ ሄዌ ሃኔዳዌ ቃላዉዳኖሳ ካዉቲላ ዋዲያና። 29 ካሊያዋንቱ ሁጲያን ሁጲያን ባሬንቱ ዋልቃ ኬና ሚሻ ኬሲዳ፡ ዩሁዳን ዳዒያ ባሬንቱ ኢሻቱዋሲ ማዲዋ ዩዳናው ቆፋ ቃቹዲኖ። 30 ኡንቱንቱ ሄዋዳን ኦሊዳ፡ ሚሻ ባርናባሳ ቦላኒኔ ሳዖላ ቦላ ዋሳ ጎሌ ጨማቶ ዩዳዲኖ።

12

ዋሳ ጎሌን ዋልቃማ ኢታ ዩዳሳይ ደሚዳ

1 ካቲያ ሄርዲሴ * ሄ ዋዳ ዋሳ ጎሌ ኣሳፔ አማራዳዋንታ ዋዪሱዋ ደሚዳ። 2 ዮሃኒሳ ኢሻ ያዪቆባ ማሻን ዋዲሴዳ። 3 ሄዌ ኣዪሁዳቱዋ ናሹቹዳዋ ቤዒዳ፡ ጉጂ ጳዳሮሳካ ኦይቄዳ፤ ሄዌ ማጋጌ ኡኪላ ባላ ቦንቹያ ጋላሳቱዋና። 4 ጳዳሮሳ ኦይቄዳ ቃቹዳ። ፓሲጋ ባላ ቦንቹያ ጋላሳቱዋፔ ጉዪያን፡ ጋዳ ኣሳ ሲንላ ኣላናው

* 11:20 ግሪኬ ኣሳ፡ ሃዋ ጉሳይ ግሪኬ ቃላ ሃሳዪያ ኣዪሁዳ ዋይ ሃራ ኣሳ።
 * 12:1 ሄርዲሳ፡ ሃዋ ጉሳይ ሄርዲሴ ኣግሪጳ ኮይራዋ ጊዲዳ፡ ፓሊስቲኔ ጊያ ጋዲያ ኡባ ዋዲያዋ። ሄዌካ ዋጋ ሄርዲሴ ሄዘላ ዩሊታ።

ቆጥሮ፡ ኦይዲ ኦይዲ ዋታዳራቱ ኣ ናጋናዳን፡ ታማኔ ኡሱፑን ዋታዳራቱዋሲ ኣሊዳ ኢሜዳ። 5 ሄዋ ዲራው፡ ጳዊርሲ ቃሾ ጎሊያን ናገቱ፤ ሺን ዋሳ ጎሌ ኣሳይ ኣው ሚኒሲዳ ያሳ ዋሴ።

ኪታንቻይ ጳዊርሳ ቃሾ ጎሊፕ ኬሴዳ

6 ሄሮዲሴ ጳዊርሳ ኣሳ ሲንፋ ኣፋናው ቆጥናፕ ካሴ ቃማ፡ ጳዊርሲ ላዑ ሳንፋላታን ቃሹቲዳ፡ ላዑ ዋታዳራቱዋፕ ጊዲዋን ጊሚዲሹዳ፤ ናጊያዋንቱካ ቃሾ ጎሊ ፔንጊያን ኤቂዳ ናጊኖ።

7 ኣኬኬናን ዳዒሺን፡ ጎዳ ኪታንቻይ ሄዋን ኤቂ ኣጌዳ፤ ቃሾ ጎሊንካ ፖዑ ፖዒ ኣጌዳ። ኪታንቻይ ጳዊርሳ ሚዪያ ዳቺ ቤጎሊዳ ኣ፡ «ኤሌ ዳንዳ» ያጌዳ፤ ሄ ማንዒያንካ ሳንፋላታይ ኣ ኩሺያፕ ዋቂ ኣጌዳ። 8 ኪታንቻይ ኣ፡ «ኔ ሱሪያ ዳንጫ፤ ኔ ጫማካ ዋፋ» ያጊና፡ ጳዊርሲ ሄዋዳን ኦሌዳ፤ ኪታንቻይ፡ «ኔ ማዩዋ ማያዳ ታና ካላ» ያጌዳ።

9 ጳዊርሲ ቃሾ ጎሊያፕ ኬሴዳ፡ ኪታንቻ ካሌዳ፤ ኣው ሳፃ ቤዒያዋ ማላቲዳፕ ኣቲን፡ ኪታንቻይ ኦሊያባይ ቱማ ጊዳዳዋ ኤሪቤና። 10 ኪታንቻይኔ ጳዊርሲ ኮይሮ ዋታዳራፕኔ ላዒንሶ ዋታዳራፕ ኣቂዳ፡ ካታማ ኣፊያ ቢራታ ፔንጊያኮ ጋኬዲኖ፤ ፔንጊካ ኢንቱንቶ ባሬካ ደይቲ ኣጌዳ፤ ኢንቱንቱ ኬሴዳ ኢቲ ኢጊናና ቢሺን፡ ኪታንቻይ ኤሌካ ጳዊርሳፕ ሻኬቲ ኣጌዳ።

11 ጳዊርሲ ባሬና ጋኬዳባ ኣኬኪዳ፡ «ታና ጎዳይ ባሬ ኪታንቻ ከቲዳ፡ ሄሮዲሳ ኩሺያፕኔ ኣዩሁዳ ኣሳይ ናጊ ኡቲዳ ኡባባፕ ኣሺዳዋ ሃዒ ቱሙ ኤራዲ» ያጌዳ።

12 ኢ ሄዋ ኣኬኬዳ ዋዳ፡ ጮራ ኣሳይ ኢቲፕ ሺቂዳ ያሳ ዋሲያሳ፡ ማርቆሳ ጊያ ዮሃኒሳ ዳዩ ማይራሚ ሶይ 13 ቢዳ ፔንጊያን ፃሲና፡ ኢቲ ርዶ ጊያ ኣሺካራታ ደያናው ያዲ። 14 ርዳ ጳዊርሳ ቃላ ጊዳዳዋ ኤሬዳ ዋዳ፡ ባሬና ናሹቸና፡ ፔንጊያ ደዬናን ጉዬ ዋፃዳ፡ ጳዊርሲ ካሬን ኤቂዳዋ ኣሳሲ ኦዳዲ።

15 ኣሳይ ኢዞ፡ «ሃኔ፡ ኔኒ ጎያ» ያጌዳ። ርዳ ጳዊርሳ ጊዳዳዋ ጌሻዳ ኦዳዲ። ኢንቱንቱ፡ «ሄዌ ኣ ኪታንቻ» † ያጌዲኖ።

16 ሺን ጳዊርሲ ካሬን ፃሲዳ ኣጌናን ኢዲና፡ ኣሳይ ካሪያ ደዩ፡ ኣ ቤዒዳ ማላሌቲዲኖ። 17 ሺን ኢንቱንቱ ጮዑ ጋና ማላ፡ ጳዊርሲ ባሬ ኩሺያን ያርሲዳ፡ ጎዳይ ቃሾ ጎሊያፕ ኣ

12:4 ኬሰ 12:1-27 † 12:15 ኣ ኪታንቻ፡ ኣ ናጊያ ኪታንቻ ጊዳናን ኣጌና ጉሳ።

ዎቲ ኬሴዴንቶ፣ ኡንቱንቶ ቆንጨሲ ኦዲዴ፣ «ሃዎ ያዩቆባሲኔ ተ ኢሻቱዋሲ § ኦዲቱ» ጊዴ፣ ኬሲ ሃራሳ ቤዳ።

ሄሮዲሳ ሃይቁዋ

18 ሳዓይ ዎንቱዳ ዎዴ፣ ጳዒሮሲ ሃቃ ቢዲጌዴንቶ ጊና ዎታዳራቱዋ ጊደን ዳሮ ዋላሳይ ኬሴዳ። 19 ሄሮዲሴ ጳዒሮሳ ኮዩሺን፣ ኢ ጳዩዳ ዎዴ፣ ናጊያዋንታ ቆሪዴ፣ ኡንቱንታ ዎታና ማላ ኣዛዜዳ፤ ሄዋፔ ጉዩያን፣ ዩሁዳፔ ቁሳሪያ ዎታዲዴ፣ ሄዋን ኣማራዳ ዎዲያ ኡቲዳ።

20 ሄሮዲሴ ሂሮሳ ኣሳሲኔ ሲዶና ኣሳሲ ሎይሊ ሃንቁቲዳ፤ ኡንቱንቱ ጋዴ ኣሳይ ካላ ሄሮዲሳ ጋዴ ኣሳፔ ዴራው፣ ኡንቱንቱ ኢቲፔ ጊዲዴ፣ ኣ ጎሊያ ካፑዋ ቢላስፆሳ ባሬንቱ ባጋ ኦሊዴ፣ ሲጌታና ማላ ዎሳናው ሄሮዲሳኮ ቤዲኖ።

21 ሄሮዲሴ ሱንጹቲዳ ጋላሲ፣ ባሬ ካውቲላ ማዩዋ ማዩዴ፣ ካውቲላ ኦይዲያን ኡቲዴ፣ ኣሳሲ ሃሳዬዳ። 22 ኣሳይ፣ «ሃዌ ያሳ ቃላ፤ ኣሳ ቃላ ጊዴና» ያጊዴ ኮሻ ቶቁሲዴ ሃሳዬዳ። 23 ሄሮዲሴ ያሳ ቦንቲቤና ዲራው፣ ሄ ማንዒያንካ ጎዳ ኪታንቻይ ኣ ዴቲና፣ ጉፀኒያን ማቲቲዴ፣ ሃይቁ ኣጌዳ።

24 ሺን ያሳ ቃላይ ዲጩኔ ዳር ዳር ቤ።

25 ባርናባሲኔ ሳዖሊ ባሬንቱ ኦሱዋ ፖሊዴ፣ ማርቆሳ ጊያ ዮሃኒሳ ባሬንቲና ኣኪዴ፣ ዩሩሳላሜፔ ሲሜዲኖ።

13

ባርናባሲኔ ሳዖሊ ጌሻ ኣያናይ ዶሪና፣ ታማሪሳናው ኪቲቲዲኖ

1 ኣንፆኪያን ዴዒያ ኣማኒያ ኣሳ ጊደን ናባቲኔ ታማርሲያዋንቱ ዴዒኖ፤ ኡንቱንቱካ ባርናባሳ፣ ካሬላ ጊያ ሲሞና፣ ቄሪናፔ ዬዳ ሉቁዮሳ፣ ጋዲያ ሞዲያ ሄሮዲሳና * ዲጩዳ ሚናሃኔ ሳዖላ። 2 ኡንቱንቱ ጎዳሲ ጎዩኒሺናኔ ፆሚሺን፣ ጌሻ ኣያናይ፣ «ታኒ ጃሴዳ ኦሱዋሲ ባርናባሳኔ ሳዖላ ታው ዲማዩቲ» ያጌዳ።

3 ኡንቱንቱ ፆሚዳዋፔኔ ዎሴዳዋፔ ጉዩያን፣ ባሬንቱ ኩሺያ ባርናባሳ ቦላኒኔ ሳዖላ ቦላን ዎሊዴ፣ ኡንቱንታ ዬዴዲኖ።

ባርናባሲኔ ሳዖሊ ቆጲሮሳ ቤዲኖ

† 12:17 ያዩቆባ፡ ጎዳ ኢሻ። § 12:17 ኢሻቱዋሲ፡ ኣማኒያ ሃራቱዋሲ።
* 13:1 ሄሮዲሳ፡ ሄሮድ ኣንቲጳሳ ጌቲቲያ ዎጋ ሄሮዲሴ ናዓ። ሄዌኔካ ጋለላ ጊያ ጋዲያ ሞዲያዎ። ሉቀ 3:1 ጃሊቲ።

4 ሄዋ ዲራው፡ ጌሻ አያናይ ኡንቱንታ ኪቲና፡ ሴሉቂያ ዎዲዲኖ፤ ሄዋፔ ዎንጊሪያን ጌሊዳ፡ ቆጲሮሳ ሃላኒ ዶዴቲዳሳ ቤዲኖ። 5 ኡንቱንቱ ሲልማና ጋኪዳ፡ አዪሁዳ ዎሳ ጎሌቱዋን ያሳ ቃላ ኦዳዲኖ፤ ኡንቱንታ ማዳናው ዮሃኒሲ † ኡንቱንቱና ዴዔ።

6 ኡንቱንቱ ቆጲሮሳ ሃላን ዶዴቲዳ ሳዓ ኡባ ጳፉ ጋካናው ዩዪዳ፡ ናቢያ ኢቲ ዎርዳንቻ፡ አዪሁዳ አሳ ባር-ዬሱሳ ጊያ ሻሬቹዎ ዴማዲኖ። 7 ሄ ሻሬቹ ጋዲያ ሞዲያ ሳርጊዮሳ ጳውሎሳ ጊያ አኬካንቻ ቢታኒያና ዴዔ። ሳርጊዮሳ ጳውሎሳ ባርናባሳኔ ሳያላ ባሬኮ ያሲዳ፡ ያሳ ቃላ ሲሳናው ኮዬዳ። 8 ሺን ሻሬቹዎ ኤሊማሲ (ጊሪኬ ቃላን ሄዌ አ ሱንላ) ጋዲያ ሞዲያዎ አማኑዎ ዲጋናው ኮዪዳ፡ ኡንቱንቱ ሃሳያ ጳልቁዳ።

9 ሺን ጳውሎሳ ጊያ ሳያላ ባሬናን ጌሻ አያናይ ኩሚና፡ ሻሬቹዎ ጫዲ ያሊዳ። 10 አ፡ «ላ ሃ ያላሂያ ካቸዎ ናናው፡ ጌኔቲላይ ኡባይኔ ኢታቲላይ ኡባይ ኩሚዳዎ፡ ያሎቲላ ኡባ ሞርኪው፡ ጎዳ ኦጊያ ሱሪያ ጌላዪያዎ አገኪ? 11 ቤዓ፤ ሃዲ ጎዳ ኩሺ ኔ ቦላ ዴዔ፤ ኔኒ ቆቃ ጊዳና፤ አማራዳ ዎዲ ጋካናው፡ አዎ ፖዑዎ ቤዓካ» ያጌዳ።

ሄ ማንዲያንካ ሻኖቻይኔ ቋማይ አ አይፊያ ጎዚና፡ ባሬ ኩሺያ አይቂዳ፡ ካሌሊያ ኡራ ኮዪዳ ዩዪዳ። 12 ሄ ዎዴ ጋዲያ ሞዲያዎ ሄዎ ቤዔዳ ዎዴ፡ ጎዳይ ታማሪሲያዎን ማላሌቲዳ አማኔዳ።

ባርናባሳኔ ጳውሎሲ ጲሲዲያን ዴዒያ አንጾኪያ ቤዲኖ

13 ጳውሎሲኔ አናና ዴዒያዎንቱ ጳፉፔ ዴንዲዳ፡ ጲኒፊሊያን ዴዒያ ጴርጌ ዎንጊሪያን ቤዲኖ፤ ዮሃኒሲ ኡንቱንቱፔ ሻኬቲ፡ ዩሩሳላማ ሲማዳ። 14 ሺን ኡንቱንቱ ጴርጌቲ አዲዳ፡ ጲሲዲያን ዴዒያ አንጾኪያ ጋኬዲኖ፤ ሳሞባታ ጋላሳን አዪሁዳ ዎሳ ጎሌ ጌሊዳ ኡቲዲኖ። 15 ሙሴ ሂጊኔ ናባቱዎ ማፃፋይ † ናባቤቲዳዎፔ ጉዪያን፡ አዪሁዳ ዎሳ ጎሌ ካፓቱ፡ «ኑ አሻቶ አሳ ሚኒሲያ ቃላይ ሂንቱንቶ ዴያፔ፡ አሳው ሃሳዬሪኪቱ» ያጊዳ ኡንቱንቶ ኪቲዲኖ።

16 ጳውሎሲ ዴንዲ ኤቂዳ፡ ባሬ ኩሺያን ያርሲዳ፡ ሃዎዳን ያጌዳ፤ «ኢሰራዔሊያ አሳቶ፡ ያሳሲ ያዪያዎንቶ ሲሲቲ፡ 17 ሃ ኢሰራዔሊያ አሳ ያሳይ ኑ አዎቱዎ ዶሪዳ፡ ጊብዪ ጋዲያን ኢማላቲላን ኡንቱንቱ ዴዒሺን፡ ኡንቱንታ ጮሪሴዳ፤ ባሬ ዎልቃማ ዎልቃኒካ ጊብዪ ጋዲያፔ ኡንቱንታ ኬሴዳ። 18 ባዙዎን አይታሙ

† 13:5 ዮሃኒሳ፡ ሃራ ሱንላይ ማርቆሳ። 12:12፣25 ያሊቲ። † 13:15 ሙሴ ሂጊያኔ ናባቱዎ ማፃፋ፡ አዪሁዳቲዎ ማፃፋ፡ ኤጫ ጫቁዎ ማፃፋ። 13:17 ኪሰ 1:7፤ 12:51

ላይላ ከና ኑ አዋቱዋ ኢ ዳንዳዬዳ። 19 ካናኔ ጊያ ጋዲያን አዲሁዳ ጊደና ላፑ ካወቱላ ሳዩሲዳ። ኡንቱንቱ ጋዲያ ባሬ አሳ ላቲሴዳ። 20 ሄዋፔ ጉዩያን፣ ናቢያ ሳሜላ ዋዲያ ጋካናሲ፣ ኦይዲ ዓታኔ አሻታሙ ላይላ ከና ዳናቱዋ ኡንቱንቱ አሜዳ። 21 ሄዋፔ ጉዩያን፣ ኡንቱንቱ ባሬንቶ ካቲያ አሚና ማላ ዋሲና፣ ያሳይ ቢኒያማ ዛሬያፔ ቁሳ ናሳ ሳዖላ እይታሙ ላይላው ካወታና ማላ፣ ኡንቱንቱ አሜዳ። 22 ያሳይ ሳዖላ ሻሬዳዋፔ ጉዩያን፣ ኡንቱንቱ ቦላ ዳዊቱ ካወታና ማላ፣ አ ዴንሴዳ፤ ዳዊቱባ ማርካቲዳ፣ ታኒ ጉዩያ ኡባባ ታ ዋዛናዳን አሉያ ኢሴይ ናሳ ዳዊታ ዴማዲ) ያጌዳ።

23 «ያሳይ፣ ታኒ ዳዊታ ዛሬያፔ ኢሰራዔሊያ አሳ አሺያዋ አሃና) ቃላ ጌሌዳዋዳንካ፣ ዬሱሳ አሄዳ። 24 ዬሱሲ ያናፔ ካሴ ኢሰራዔሊያ አሳይ ኡባይ ባሬንቱ ናጋራፔ ሲሚዴ ያማቄታና ማላ፣ ዮሃኒሲ ቃላ ኦዴዳ። 25 ቃሲ ዮሃኒሲ ባሬ ኡሱዋ ወርሳና ሃኒዴ አሳ፣ ታና ኦና ጊዴ ቆፒቱ? ታኒ ሂንቱ ናጊያዋ ጊዲከ፤ ሺን ቤዒቱ፣ አ ጌዲያ ጫማ ቃሹዋካ ጌዲያፔ ቢላናው ታው ቤሴናዌ ታፔ ጉዩና ዬ) ያጌዳ።

26 «ታናዳን አማኒያዋንቶ፣ አብራሃሜ ዜሬላቶ፣ ቃሲ ሃዋን አዲሁዳ ጊደናዋንቶ ያሳሲ ያዩያዋንቶ፣ ሃ አቶቱላ ቃላይ ኑሲ ከቲቱዳ። 27 አዩሲ ጎፔ፣ ዬሩሳላሜን ዴዒያ አሳይኔ ኡንቱንቱ ካፓቱ ዬሱሳኔ ሳምባታ ጋላሳ ኡባን ናባቤቲያ ናባቱዋ ቃላ አከከቤና ዲራው፣ አ ቦላ ፒርዲዴ፣ ናባቱዋ ቃላ ፖሌዲና። 28 ዬሱሳ ዋዲሳናው አቲ ጋሱካ ኡንቱንቶ ቤቴናን ኢዲና፣ ጲላዖሲ አ ዋዳና ማላ ዋሴዲና።

29 «ኡንቱንቱ ዬሱሳባይ ያሳ ማፃፋን ያሬቲዳዋ ኡባ ፖሌዳ ዋዴ፣ ማስቃሊያፔ አ ዋሲዴ ሞጌዲና። 30 ሺን ያሳይ ሃይቁዋፔ ዬሱሳ ዴንሴዳ። 31 ሄዋፔ ጉዩያን ኢ ባሬናና ጋሊላፔ ዬሩሳላሜ ዬዳ አሳቶ ጮራ ጋላሳ ቤቴዳ ኡንቱንቱ ሃዒ አባ አሳሲ ማርካቲና።

32 «ያሳይ ኑ አዋቱዋሲ አሚና ጌዳ ዋንጋላ ሚሺራቹዋ ኑኒ ሂንቱንቶ ኦዴቶ። 33 ዳዊቱ ማዚሙሪያ ማፃፋን ሳዔሶ ሺምፑዋን፣ ሳኒ ታ ናሳ።

ሃቹ ታኒ ኔ አወዋ ጊዳዲ)

13:18 ፓይ 14:34፤ ዛር 1:31 13:19 ዛር 7:1፤ ኢያ 14:1 13:20 ዳት 2:16፤ 1ሳሞ 3:20 13:21 1ሳሞ 8:5፤ 10:21 13:22 1ሳሞ 13:14፤ 16:12፤ ማዝ 89:20 13:24 ማር 1:4፤ ሉቅ 3:3

ጌቴቲዳ ፃፊቴዳዋዳን፣ ያሳይ ዬሱሳ ዳንሴዳ፣ ኑ አዋቱዋሲ አማና ጌዳዋ ኑሲ ኡንቱንቱ ናናሲ ፖሌዳ። 34 ላዕንሱዋ ኢ ሃይቄና ማለ፣ ሃይቄዋፕ ኢ ዳንሴዳዋሲ ያሳይ፣ ታኒ ዳዊቲው አማና ጌዳ አማኔቲዳ ጌሻ እንጂዋ ሂንቲንቶ አማና፣ ያጊዳ ሃሳይዳ። 35 ሄዋ ዲራው፣ ማዚሙሪያ ማፃፋን ሃራሳን ቃሲ፣ ህ ጌሻ ናዓ አጎካ ሙሲሳካ) ያጌዳ። 36 አዪሲ ጎፕ፣ ዳዊቲ ባሬ ዋዲያን ያሳ ቆፋ ኦሴዳዋፕ ጉዪያን ሃይቄዳ፣ ባሬ አዋቱዋና ሃይቄ ሙሴዳ። 37 ሺን ያሳይ ሃይቄዋፕ ዳንሴዳዊ ሙሲቤና።

38-39 «ሄዋ ዲራው፣ ታናዳን አማኒያዋንቶ፣ ናጋራ አቶ ጌቴቲዳዊ ሂንቲንቶ ዬሱሳ ባጋና ኦዴቲዳዌ፤ ሙሴ ሂጊያን ዲላናው ሂንቲንቶ ዳንዳዬቴና ኡባባፕ ኢ አማኒያ ኡባይ ዲላናዊ ሂንቲንቶ ኤራቶ። 40 ሄዋ ዲራው፣ ናባቲ ጌዳዊ ሂንቲ ቦላ ጋኬና ማላ ናጌቴቲ፤

41 «ያሳይ ጌዳባ ቂሊጨያዋንቶ፣
 ቤዒቲ፤ ሃራይ አቶ ኢቲ ኡራይ ሂንቲንቶ ኦዲንቶካ፣
 ሂንቲ አማኔና ኦሱዋ ታኒ ሂንቲንቲ ዋዲያን
 ኦሊያ ዲራው፣ ፖራ ጌቲ፤ ሃይቄቲ»
 ጌዲኖ» ያጌዳ።

42 ጳውሎሲኔ ባርናባሲ አዪሁዳ ዋሳ ጎሊያፕ ኬሲሺን፣ አሳይ ኡንቲንታ ላዕንሱዋ ሳምባታንካ ሄዋ ጉጂዳ ኦዳና ማላ ዋሴዲኖ።

43 ሺቁ ላሌቲዳዋፕ ጉዪያን፣ ጮራ አዪሁዳቲኔ አዪሁዳቲዋ አማኑዋን ጌሊዳ ያሳው ያዪያ ጮራቲ፣ ጳውሎሳኔ ባርናባሳ ካሊዲኖ፤ ዬሱሲ ኪቴዳዋንቱ ያሳ አጵ ኬካቴላን ሚኒ ዳዓና ማላ፣ ኡንቲንቶ ኦዲዳ ሚኒሴዲኖ።

44 ላዕንሱዋ ሳምባታን አማሬዳ አሳቲዋፕ ኢቲን፣ ካታማ አሳይ ኡባይ ያሳ ቃላ ሲሳናው ሺቁዳ። 45 ሺን አዪሁዳቲ ጮራ አሳ ቤዔዳ ዋዳ፣ ጳውሎሳ ቃናቲዲኖ፤ አ ሃሳያ ጳልቁዳ፣ አ ቦሬዲኖ።

46 ጳውሎሲኔ ባርናባሲ ፃሊዳ፣ «ያሳ ቃላይ ካሴቲዳ ሂንቲንቶ ኦዳታናው ኮሽ፤ ሺን ቃላ ሂንቲ ኢፃዳ ዲራውኔ ማጵና ዳዑዋ አካናው ሂንቲንቶ ቤሴና ጊዳ፣ ሂንቲ ሂንቲንቲ ሁጲያን ፒርዳዳ ዲራው፣ ቤዒቲ፣ ኮኒ አዪሁዳ ጊዳናዋንቲኮ ሲሜቶ። 47 አዪሲ ጎፕ፣ ጎዳይ ኑና፣

« አሳይ ኡባይ ሂንቲ ባጋና አታና ማላ፣
 ሂንቲንታ ታኒ አዪሁዳ ጊዳናዋንቶ ፖዑዋ ኦላዲ»
 ያጊ አዛዜዳ»
 ያጌዲኖ።

48 አዩሁዳ ጊዳናዎንቱ ሄዋ ሲሴዳ ዎዴ፣ ናሽቲዴ ያሳ ቃላ ቦንቹዲና፤ ቃሲ ሜጲና ዴዐቀሲ ዶሬቲዳ ኡባይ አማኔዲና።

49 ጎዳ ቃላይ ሄ ጋዲያ ኡባ ጋኬዳ። 50 ሺን አዩሁዳቱ ያሳው ጎዩኒያ ቦንቹቲዳ ማጫዎንታኔ ካታማን ዴዒያ ዎልቃማ አሳቱዎ ጳዉሎሳ ቦላኒኔ ባርናባሳ ቦላ ዴንጭሊና፣ አሳቱ ኡንቱንታ ዬዴርሱዎ ዶሚዴ፣ ባሬንቱ ጋዲያ፤ ኬሴዲና። 51 ሺን ዮሴፊ ከቴዳዎንቱ ኡንቱንታ ኢጲያዎንቱሲ ማላታ ጊዳና ማላ፣ ባሬንቱ ጌዲያ፤ ባና ሾጩዴ፣ § ኢቆኒዮኔ ካታማ ቤዲና። 52 ቃሲ አንዎኪያን ዴዒያ ካሊያዎንቱኒካ ጌሻ አያናይኔ ናሽቻይ ኩሜዳ።

14

ጳዉሎሲኔ ባርናባሲ ኢቆኒዮኔ ቤዲና

1 ካሲዎዳንካ ጳዉሎሲኔ ባርናባሲ ኢቆኒዮኔን አዩሁዳቱዎ ዎሳ ጎሌ ጌሊዴ፣ ቃላ ኦዴዲና፤ ሄዎ፤ ጉዩያን ጮራ አዩሁዳቱኔ አዩሁዳ ጊዳናዎንቱ አማኔዲና። 2 ሺን አማኒቤና አዩሁዳቱ አዩሁዳ ጊዳናዎንቱ ዎዛና ላሚዴ፣ አሻቱዎ ቦላ ሃንቁጭዲና። 3 ዮሴፊ ከቴዳዎንቱ ሄዎን ዳር ዎዲያ ጋሚዳዲና፤ ኡንቱንቱ ጎዳባ ያዬናን ኦዴዲና፤ ጎዳይ ማላታኔ ኦራሳባ ኡንቱንቱ ኦሳና ማላ፣ ኡንቱንቱ ዎልቃ ኢሜዳዎን ባሬ አዶ ኬካቴሳ ቃላባይ ቱማ ጊዳዳዎ ማርካቲዳ። 4 ሺን ካታማ አሳይ ሻኬቲ፣ ባጋይ አዩሁዳቱዎኩ፣ ባጋይ ዮሴፊ ከቴዳዎንቱኩ ሲሜዲና።

5 አዩሁዳ ጊዳናዎንቱኔ አዩሁዳቱ ባሬንቱ ካፓቱዎና ኢቲ፤ ዮሴፊ ከቴዳዎንታ ቆሃናዉኔ ሹቻን ጫዳናው ቆፔዳ ዎዴ፣

6 ዮሴፊ ከቴዳዎንቱ ሄዎ ኤሪዴ፣ ሊሰጺራኔ ዴርቤ ጌቲቲያ ሊቃዎኒያ ካታማቱዎኔ ኡንቱንቱ ሄራን ዴዒያ ጋዲያ ቤ አጌዲና፤

7 ሄዎን ዎንጋላ ሚሺራቹዎ ኦዲና።

8 ባሬ ዳዩ ኡሉዎ፤ ዮሴቶዴ፤ ዶሚዴ፣ ላዑ ጌዲ ሲሊና፣ ኡባካ ሃሜቲና አቲ ቤታኒ ሊሰጺራን ዴዒ። 9 ሄ ቤታኒ ጳዉሎሲ ኦዲሺን ሲሴ፤ ጳዉሎሲ አ ጫዲ ያሊያ ዎዴ፣ ፓፃናው አው አማኑ ዴዒያዎ ቤዒዴ፣ 10 ኮሻ ቶቂሲዴ አ፣ «ሲቲ ጋዴ ኔ ጌዲያን ኤቃ» ያጌዳ፤ ጉፒ ዴንዲዴ፣ ሃሜታ ዶሚዴ።

11 ጳዉሎሲ ኦሌዳዎ አሳይ ቤዒዴ፣ ባሬ ኮሻ ሊቃዎኒያ ቃላን ቶቁ ኦሊዴ፣ «ያሳቱ አሳ ማላቲዴ ኦኮ ዎዴዲና» ያጌዳ። 12 አሳይ

§ 13:51 ባሬንቱ ጌዲያ፤ ባና ሾጩዴ፣ ሃዌ አሳይ አኬናን ኢዎ ቤሲያ ኦኒያ።

ባርናባሳ፡ «ዲያ» * ጌዳ፡ ጳውሎሲ ሃሳያሲ ዋናቲያ ዲራው፡ ኣ፡ «ሄርማሳ» ጌዳ ሱንሌዳ። 13 ጌሻ ጎሊ ካታማ ማታን ዴዒያ ዲያ ቁሳይኔ ኣሳይ ኮሩማቱዋኔ ዳሪ ሎዒያ ጨሻቱዋ ዮሴፊ ኪቴዳዋንቱሲ ያርሹዋ ያርሻናው ኮዪዳ፡ ፔንጊያ ኣሄዲና።

14 ሺን ዮሴፊ ኪቴዳ ባርናባሳኔ ጳውሎሲ ሄዋ ሲሴዳ ዋዳ ባሬንቱ ማዩዋ ፔዲዳ፡ ኣሳ ጌዳ ዋዲዳ፡ 15 ባሬንቱ ኮሻ ዶቁ ኦሊዳ፡ ሃዋዲን ያጌዲና፤ «ኣሳው፡ ሃዋ ኣዪሲ ኦሊቲ? ኮኒካ ሂንቲንቱዋዲን ማዲቲዳ ኣሳ፤ ሃ ፓሌና ዩወዋፔ ሳሉዋኔ ሳዓ፡ ኣባኔ ኡንቲንቱ ጌዳን ዴዒያ ኡባባ ማዲዳ ዴዐዋ ያሳኮ ሂንቲ ሲማና ማላ፡ ሂንቲንቶ ኮኒ ዋንጋላ ሚሺራቹዋ ኦዴቶ። 16 ኢ ቤኒ ኣሳ ዜሬሳይ ኡባይ ባሬንቱ ኦጊያ ባና ማላ ዩዲ ኣጌዳ። 17 ሂንቲንቶ ኢራ ሳሉዋፔ ቡኪሴዳ፤ ካላካ ኢ ዋዲያን ኢማዳ፤ ቃሲ ቁማ ኢማዳ፡ ሂንቲንታ ሎይሊ ናሹቹ፤ ያቲዳ ሂንቲንቶ ሎዶባ ኦሊዳ፡ ኡባ ዋዳካ ባሬው ማርካ ቆዩቤና» ያጌዲና። 18 ዮሴፊ ኪቴዳዋንቱ ሄዋ ጌዳ፡ ባሬንቶ ኣሳይ ያርሹና ማላ፡ ማቶቲዳ ዲጌዲና።

19 ኣንጾኪያፔኔ ኢቆኒዮኔፔ ዩዳ ኣዪሁዳቱ ኣሳ ባሬንቱ ባጋ ዘሪዳ፡ ሹቻን ጳውሎሳ ጫዴዲና፤ ኡንቲንቶ ሃይቁዳዋ ማላቲና፡ ካታማፔ ካሬው ኣ ጎቹ ከሴዲና። 20 ሺን ካሊያዋንቱ ኣ ማታን ዩዪ ኣዲዳ ኤቁሺን፡ ኢ ዴንዲዳ፡ ካታማ ጌሌዳ። ዋንቲላ ጋላሲ ባሪናባሳና ኢቲፔ ዳርቤ ቤዳ።

ጳውሎሲኔ ባርናባሲ ኣንጾኪያ ሲማዲና

21-22 ኡንቲንቱ ዳሪቤ ካታማን ዋንጋላ ሚሺራቹዋ ኦዲዳ፡ ጮራ ኣሳይ ዮሴፊ ኣማናና ማላ ኦሌዳዋፔ ጉዪያን፡ ሊሰዲራ፡ ኢቆኒዮኔኔ ጲሲዲያን ዴዒያ ኣንጾኪያ ሲማዲና፤ ያቲዳ ሄዋን ካሊያዋንታ ሚኒሲዳኔ ኡንቲንቱ ኣማኑዋን ሚኒ ዴዓና ማላ ዘሪዳ፡ «ኮኒ ያሳ ካዉቲላ ጌላናው ሎይሊ ዋዴታና ቤሴ» ያጌዲና። 23 ቃሲ ኣማኒያዋንቶ ዴዒያሳን ዴዒያሳን ጨማቱዋ ደሪዳ፡ ያማዳዋፔኔ ዋሴዳዋፔ ጉዪያን፡ ኡንቲንቱ ኣማኔዳ ጎዳሲ ኡንቲንታ ሃዳራ ኢማዲና።

24 ጲሲዲያ ጋዲያፔ ኣዲዳ፡ ጲኒፊሊያ ዩዲና፤ 25 ጳርጌን ቃላ ኦዴዳዋፔ ጉዪያን፡ ኣፃሊያ ቤዲና። 26 ሄዋፔ ኡንቲንቱ ባሬንቱ ፖሌዳ ኦሱዋ ዲራው፡ ኣሳይ ኡንቲንቱ ሃዳራ ያሳ ኣቆ ከካቲላው ኢማዳ ኣንጾኪያ ማርካቢያን ሲማዲና።

* 14:12 ዲያ፡ ጉሳይ ግሪካቱዋ ያሳቱዋ ኡባቱዋፔ ቦላ ጌቲቲ ፓይዴቲያ ኡንቲንቱ ኤቃ። 14:15 ከሰ 20:11፤ ማዝ 146:6

27 እንግዲያ ጋኬዳ ዎዴ አማኒያ አሳ ሺሺዴ፣ ያሳይ ባሬንቱና ኢቲፕ ኦሴዳ ኡባባይ፣ አዪሁዳ ጊዴና አሳይ አማናና ማላ፣ ኡንቱንቶ ፔንጊያ ደዬዳዎ፣ አሳው ኦዴዲና። 28 ያቲዴ ሄዋን ካሊያዋንቱና ዳር ዎዲያ ጋሚዔዲና።

15

ዬሩሳሌም ሸቄዋ

1 ኢቲ ኢቲ አሳቱ ዪሁዳፕ እንግዲያ ዎዲዴ፣ «ሙሴ ዎጋዳን፣ ሂንቲ ቃፃሬቲናዎ ጊዶፕ፣ አታናው ዳንዳይኪታ» ያጊዴ አሻቱዎ ታማሪሱዎ ደሚዲና። 2 ጳውሎሴኔ ባርናባሲ ኡንቱንቱና ዳሪሲ ዋላቁቲዴ ፓሉሚቲና፣ እንግዲያን ዴዒያ ኢቲ ኢቲ ሃራ አሳቱ ሄ ፓሉማ ዲራው፣ ጳውሎሳናኔ ባርናባሳና ዬሩሳሌም ቢዴ፣ ዬሱሲ ኪቴዳዋንቱናኔ ጨማቱዎና ጋኬታናው ቆፋይ ቃሺቲዳ።

3 አማኒያ አሳቱ ኡንቱንታ ኪቲዴ ኦጊያን ማዲሺን፣ አዪሁዳ ጊዴናዋንቱ ያሳኮ ሲሚዳዎ ኦዲዴ፣ ፒንቄያናኔ ሳማሪያና አዲዲና፤ ሄዌ አሻቱዎ ኡባ ሎይሲ ናሽቲዳ። 4 ኡንቱንቱ ዬሩሳሌም ጋኬዳ ዎዴ፣ አማኒያዋንቱ፣ ዬሱሲ ኪቴዳዋንቱኔ ጨማቱ ኡንቱንታ ሞኬዲና፤ ያሳይ ባሬንቱን ኦሴዳዎ ኡባ ኦዴዲና። 5 ሺን ፓሪሳዋቱዎ ባጋፕ አማኔዳ ኢቲ ኢቲ አሳቱ ዴንዲ ኤቂዴ፣ «ሂንቱንቱ ኡንቱንታ ቃፃራናውኔ ሙሴ ሂጊያ ናጋና ማላ አዛዛናው ቤሴ» ያጊዲና።

6 ዬሱሲ ኪቴዳዋንቱኔ ጨማቱ ሄዎ ዘሬታናው ሸቄዲና። 7 ሎይሲ ሃሳዬዳዎፕ ጉዪያን፣ ጳዲርሲ ዴንዲ ኤቂዴ፣ ኡንቱንታ ሃዎዳን ያጊዳ፤ «ታናዳን አማኒያዋንቶ፣ አዪሁዳ ጊዴናዋንቱ ዎንጋላ ሚሺራቹዎ ቃላ ታ ደናፕ ሲሲዴ አማናና ማላ፣ ታና ያሳይ ሂንቲ ጊዶፕ ቤኒ ዶሬዳዎ ሂንቱንቱ ኤሪታ። 8 አሳ ዎዛና ኤሪያ ያሳይ ጌሻ አያና ኑሲ አሚዳዎዳን፣ ኡንቱንቶካ አሚዴ ቱማዬዳ።

9 ኡንቱንቱ አማኔዳ ዲራው፣ ኢ ኡንቱንቱ ዎዛና ጌሺዴ፣ ኑ ጊዲዎንኔ ኡንቱንቱ ጊዲዎን ዲማቲሳ ዎሊቤና። 10 ሄዎ ዲራው፣ ኑ አዎቲኔ ኑኒ ቶካናው ዳንዳዪቤና ዎልቃማ ቶኩዎ ካሊያዋንቱ ሞርጊያን ዎሊዴ፣ ሃዒ ሂንቲ አዪሲ ያሳ ፓጨቲ? 11 ሺን ጎዳ ዬሱሲ ኪሪሰቶሳ አዲ ኬካቲላን ኡንቱንቱ አቲዳዎዳን፣ ኑኒካ አቲዳዎ አማኔቶ» ያጊዳ።

12 አሳይ ኡባይ ጮዑ ጊዴ፣ ባርናባሲኔ ጳውሎሲ አዪሁዳ ጊዴና አሳ ጊዶን ባሬንቱ ባጋና ያሳይ ኦሴዳ ማላታኔ ኦራላባ ኡባ ኦዲሺን ሲሴ።

13 አንቱንቱ ሃሳያ ወርሴዳዋፕ ጉዩያን፣ ያዩቆቢ ሃዋዳን ያጊዴ ዛሬዳ፤ «አሻቶ፣ ታኒ ጊያዋ ሲሲቱ። 14 ያሳይ አዩሁዳ ጊዴናዋንቱ ጊደፕ ባሬው ሃኒያ አሳ አካናው አዩሁዳ ጊዴናዋንቶ ኮይሮ ዋቲ ቆፕዴንቶ ሲሞኒ ኦዴዳ። 15-18 ናቢያ ቃላይ ሃዋና ገገ፤ ጎዳይ ዳሮ ዋዲያፕ ደሚዴ፣ አሳ ሃዋ ኤሪሲዴ፣ ያሳ ማፃፋን ሃዋዳን ያጊዴ፤

ሃዋፕ ጉዩያን፣ ሳዓን ዴሚያ
ሃራ አሳይ ኡባይኔ ታዋ ጊዳናው
ታኒ ዪሴዳ አዩሁዳ ጊዴና አሳይ ኡባይ
ጎዳ ኮያና ማላ፣ ታኒ ሲማና።
ታኒ ኮሌቲዴ ኩንዴዳ ጎሊያዳን
ሃኔዳ ዳዊቲ ካዉቲላ ዴንሳና።
ኮሌቲዳዋካ ዛራዴ ኬፃና፤
ታኒ ላዔሉዋ አ ኤሳና
ያጊዴ።

19 «ሃዋ ዲራው፣ ታ ቆፋ ጊደፕ፣ አዩሁዳ ጊዴናዋንቱፕ ያሳኮ ሲሚያዋንታ ኑኒ ሜቶላናው ኮሼና። 20 ሺን ኡንቱንቱ ኤቃኒ ቱኔዳዋ ሜና ማላ፣ ዋሹሚና ማላ፣ ባኩቲዳ ሚሃያ አሹዋ ሚና ማላኔ ሱላ ኡሸና ማላ፣ አንቱንቶ ኑኒ ደቢዲቢያ ፃፋናው ኮሼ።

21 አዩሲ ጎፕ፣ ሙሴ ሂጊያ ካሴ ዬሌታፕ ደሚዴ ሳምባታን ሳምባታን አዩሁዳ ዋሳ ጎሌቱዋን ናባቢዴ፣ አ ቃላ ካታማ ኡባን ኦዲያዋንቱ ዴሚና» ያጊዴ።

22 ሃዋፕ ጉዩያን፣ ዬሱሲ ኪቴዳዋንቱኔ ጨማቱ ዋሳ ጎሌ አሳ ኡባና ኢቲፕ ባሬንቱ ጊደፕ አማሬዳ አሳቱዋ ደሪዴ፣ ጳዉሎሳናኔ ባሪናባሳና አንፆኪያ ዬዳናው ቆፋ ቃቼዲና፤ አንቱንቱ ዳሮ ቦንቹቲዳ ላው አሳቱዋ ባርሳባ ጌቲቲያ ዩሁዳኔ ሲላሳ ደሬዲና። 23 ያቲዴ ሃዋዳን ጊያ ዳቢዳቢያ ፃፊዴ፣ አንቱንቱ ቦላ ኪቴዲና፤ «ኑኒ ዬሱሲ ኪቴዳዋንቱኔ ጨማቱ ሂንቱ አሻቲ፣ አንፆኪያን፣ ሶሪያኒኔ ኪልቂያን ዴሚያ አዩሁዳ ባጋ ጊዴና አሻቲዋሲ ኑ ሳርታ ኪቴቶ።

24 «ኑኒ አዛዚቤና አሳቱ ኑ ጊደፕ ቢዴ፣ ሃንቱንቱ ቃፃሬታናዉኔ ሙሴ ሂጊያ ናጋናው ቤሴ» ጊዴ፣ ሃንቱንታ ሜቶሌዳዋኔ ዩሎዬዳዋ ሲሲዴ፣ 25-26 ኑ ጎዳ ዬሱሲ ኪሪሰቶሳ ሱንሳ ዲራው፣ ባሬንቱ ሽምፑዋ ኦሌዳ ኑኒ ሲቂያ ባርናባሳናኔ ጳዉሎሳና ደሬቲዳ አሳቱዋ ሃንቱንቱኮ ኪታናው ኢቲ ዋዛናን ኑ ቆፋ ቃቼደ። 27 ሃዋ ዲራው፣ ኑኒ ፃፊዳዋ አንቱንቱ ባሬንቱ

ሁጳው ባሬንቱ ዶናን ሂንቴንቶ ኦዳና ማላ፡ ዪሁዳኔ ሲላሳ ኪቴድ።

28-29 «አዪሲ ጎፔ፡ ኤቃው ያርሼዳዋ ሞፒቴ፤ ሱላ ኡሾፒቴ፤ ባኩቴዳ ሜሂያ አሹዋ ሞፒቴ፤ ዋሹሞፒቴ። ሃ ኮሺያዋንቱፔ ኣቲን፡ ሃራ ዳዲያ ዪወዋ ሂንቴንታ ቶሴና ማላ፡ ኮኒኔ ጌሻ አያናይ ዪወዋ ኤኖ ጊዳ ኣኬዶ፤ ሃ ኡባባፔ ሂንቴ ሁጲያ ናጎፔ፡ ሂንቴንቱ ሎዖባ ኣሲታ። ሲሚ ሳሮ ዳዒቴ» ያጌዲኖ።

30 ሄዋ ዲራው፡ ኪቴቴዳዋንቱ ሞዪዜቴ፡ ኣንዖኪያ ዋጲዳ፡ ኣማኒያ ኣሳ ሺሺዳ፡ ዳቢዳቢያ ኣሳሲ ኢሜዲኖ። 31 ኡንቴንቱ ሄ ሚኒሲያ ዳቢዳቢያ ናባቤዳ ዋዳ፡ ናሹቴዲኖ። 32 ቃሲ ዪሁዳይኔ ሲላሴ ባሬንቱ ሁጳው ናባቱዋ ጊዲያ ዲራው፡ ኣሻቱዋ ሎይሊ ማቂዳ ሚኒሴዲኖ። 33 ኡንቴንቱ ኣንዖኪያን ኣማራዳ ጋላሳ ኡቴዳዋፔ ጉዪያን፡ ኢሻቱ ሳሮቴላን ሞዪዚና፡ ባሬንታ ኪቴዳዋንቱኮ ሲሜዲኖ። 34 ሺን ሲላሴ ያኒ ኣታናው ባሬ ቆፋ ቃቹዳ። *

35 ቃሲ ጳዉሎሴኔ ባርናባሲ ሃራ ጮራ ኣሳቱዋና ኢቴፔ ጎዳ ቃላ ታማሪሲዴኔ ዋንጋላ ሚሺራቹዋ ኦዲዳ፡ ኣንዖኪያን ኡቴዲኖ።

ጳዉሎሴኔ ባርናባሲ ሻኬቴዲኖ

36 ኣማራዳ ጋላሳፔ ጉዪያን፡ ጳዉሎሲ ባርናባሳ፡ «ኮኒ ጎዳ ቃላ ኦዳዳ ካታማ ኡባን ኑ ኢሻቱ ዋቲ ዳዒኖንቶ፡ ጉዬ ሲሚዳ፡ ዖሞሲ ቤዖይቱ» ያጌዳ። 37 ሄዋፔ ጉዬ ባርናባሲ ማርቆሳ ጌቴቲያ ዮሃኒሳ ባሬንቱና ኣፋናው ኮዬዳ። 38 ሺን ጳዉሎሲ ማርቆሳ ባሬንቱና ኣፋናው ኮዬቤና፤ ኣዪሲ ጎፔ፡ ኢ ኡንቴንቱፔ ጲኒፊሊያን ሻኬቴዳ፤ ቃሲ ኡንቴንቱና ኦሱዋሲ ቢቤና። 39 ኡንቴንቱ ጊዲዋን ሎዔና ዋላሳይ ኬሲና፡ ኢቱ ኢቱዋፔ ሻኬቴዳ፤ ባርናባሲ ማርቆሳ ኣኪዳ፡ ማርካቢያን ቆጲሮሳ ቤዳ። 40 ሺን ጳዉሎሲ ሲላሳ ኣኪና፡ ኢሻቱ ኣ ሃዳራ ዖሳ ኣጼ ኪካቴላው ኢሜዳዋፔ ጉዪያን ቤዳ። 41 ያቲዳ ኣማኒያ ኣሳቱዋ ሚኒሲዳ፡ ሶሪያናኔ ኪልቂያና ኣጴዳ።

16

ዒሞቶሴ ጳዉሎሳናኔ ሲላሴና ጋኬቴዳ

* 15:34 ሲላሴ ኣንዖኪያን ኣታናው ባሬ ቆፋ ቃቹዳ፡ ጊያዌ ጮራ ሃራ ቃላ ቢሌላን ባዋ።

1 ጳውሎስ ቃሲ ዳርቤኔ ሊሰጧሪ ቤዳ፤ ሄዋን ጊጥቶሳ ጌቴቲያ ካሊያዋ፡ ኢቲ አማኒያ አዪሁዳ ሚሺራቲ ናዓይ ዳዔ፤ አ እቡ ጌሪኬ አሳ። 2 ሊሰጧሪኔ ኢቆኒዮንን ዳዔያ ኢሻቱ ጊጥቶሳባ ሎይሉ ማርካቲዲኖ። 3 ጳውሎስ ጊጥቶሳ ባሪናና አፋናው ኮዪዳ፡ አ እቡ ጌሪኬ * አሳ ጌዳዳዋ ሄዋን ዳዔያ አዪሁዳ ኡባይ ኤሪያ ዲራው፡ አ ኦይቂዳ ቃፃራዳ። 4 ኡንቲንቲ ካታማቲዋና ቢዳ፡ ዬሱሲ ኪቴዳ ዬሩሳሌምን ዳዔያዋንቲኔ ጨማቱ ዋሌዳ ሂጊያ አማኒያዋንቲ ናጋና ማላ፡ ኡንቲንቶ ኦዲዳ አጼዲኖ። 5 ሄዋ ዲራው፡ አማኒያዋንቲ አማኑዋን ሚኒ፡ ፓይዲዋንካ ጋላሳ፤ ጋላሳን ዳሪ ዳሪ ቤዲኖ።

ጳውሎስ ማቂደኒያ ባናዳን ጃጌቲዳ

6 ኢሲያን ቃላ ኦዳና ማላ፡ ጌሻ አያናይ ኡንቲንታ ዲጌዳ ዲራው፡ ፐርጊያ ጋዲያናኔ ጋላቲያ ጋዲያና አጼዲኖ። 7 ኡንቲንቲ ሚሲያ ዛዋ ጋኬዳ ዋዳ፡ ቢቲኒያ ባናው ኮዬዲኖ፤ ሺን ዬሱሳ አያናይ ኡንቲንታ ዲጌዳ። 8 ሄዋ ዲራው፡ ኡንቲንቲ ሚሲያ ማታና አጼዳ፡ ጊሮዳዳ ዋሌዲኖ። 9 ጳውሎስ ቃማ ሳፃን ኢቲ ማቂደኒያ ቢታኒ ባሪና፡ «ማቂደኒያ ፐናዳ ኑና ማዳሪኪ» ያጊዳ ኤቂ ዋሲሺን ቢዔዳ። 10 ሳፃ ኢ ቢዔዳዋፔ ጉዪያን፡ ኑኒ ኤሌካ ማቂደኒያ ባናው ኮዬዳ፤ አዪሲ ሳፔ፡ ዋንጋላ ሚሺራቲዋ ያኒ ዳዔያ አሳሲ ኦዳናው፡ ያሳይ ኑና ጃሴዳዋ ኑሲ ማላቲዳ።

ሊዲያ ፐሊጲሲዮሳን ኪሪሰቶሳ አማናዳ

11 ሄዋ ዲራው፡ ጊሮዳዳ፤ ዳንዲዳ፡ ሲቲ ጊዳ ማርካቢያን ሳሞቲራቂ ቤዳ፤ ዋንቲሳ ጋላሲ ናጹሌ ቤዳ። 12 ሄዋፔ ፐሊጲሲዮሳ ቤዳ፤ ፐሊጲሲዮሲ ማቂደኒያ ቢታው ሁጴ ካታማ፤ ቃሲ ሮሜ አሳይ ዳዔያ ካታማ፤ ኑኒ ሄ ካታማን አማራዳ ጋላሳ ኡቴዳ።

13 ሳሞባታ ጋላሲ፡ ካታማፔ ጋፃን ሻፋ ዶናን አዪሁዳቱ ያሳ ዋሲያ ሳዓይ ዳዔያዋ አኩኪዳ ቤዳ፤ ሄዋን ኡቲዳ ሺቂዳ ማጫ አሳሲ ቃላ ኦዳዳ።

14 ኢቲ ሊዲያ ጌቴቴዉና፡ ቲያጊሮና ካታማፔ ያዴ ያሳ አማኔዉና፡ ዘዎ ማዋዋ ዛሊዲያ ሚሺራታ፡ ኑኒ ኦዲያዋ ሲሳዲ፤ ጳውሎስ ኦዲያዋካ ኢዛ ሲሳና ማላ ያሳይ ኢ ዋዛና ደዬዳ። 15 ሊዲያ ባሪ ሶይ አሳና ኢቲፔ ፃማቂቴዳዋፔ ጉዪያን ኑና፡

* 16:3 አ እቡ ጌሪኬ ... አ ኦይቂዳ ቃፃራዳ፡ ጌሪኬ አሳይ ባሪንቲ ናና ቃፃሪኪኖ። ሺን ጊጥቶሲ ቃፃሪታና ቆዮፔ፡ አዪሁዳ አሳይ አ እኩና ዲራው፡ ጳውሎስ አ ኦይቂዳ ቃፃራዳ።

«ሂንቲንቱ ታና ጎዳ ቱማቱላን አማናው ጊዳ ቆፖፕ፣ ታ ሶዪን ዳዒሺቲ» ጋዴ ዋሳዲ፤ ሚኒሳዴ ሾባዲ።

ጳውሎሲኔ ሲላሴ ቃሼቴዲኖ

16 ኑኒ ያሳ ዋሲያሳ ቢሺን፣ ኢታ አያናይ ኢዚ ቦላ አቂና ካዪያ ኢቲ አሺካሬ ናታ ኑናና ጋኬታዲ፤ ሄ ናታ ካያዴ ዳሮ ሚሻ ባሬ ጎዳቱዋሲ ዳማዲ። 17 ጋኬታዴ ጳውሎሳኔ ኑና ካላዴ፣ «ሃዋንቱ ሂንቲንቶ አታና ኑጊያ ኦዲያዋንቱ፣ ኡባፔ ቦላ ያሳ አይሌቱዋ» ጋዴ ኮሻ ጶቁ ኦላዴ ሃሳያው።

18 ኡባ ጋላሲ ሃዋዲን ጋው፤ ሺን ጳውሎሲ ዪሎቲዳ ጉዬ ሲሚ፣ ሄ ኢታ አያና፣ «ኔኒ ኢፔ ኬሳና ማላ ዬሱሲ ኪሪሰቶሳ ሱንሳን ኔና አዛዘይ» ያጌዲ፤ ሄ ማንዒያንካ ኢታ አያናይ ኢፔ ኬሲ አጌዲ።

19 ሺን ኢዚ ጎዳቱ ባሬንቱ ሚሻ ዳማና ኦጊ ጳዬዳዋ ቤዒዲ፣ ጳውሎሳኔ ሲላሳ ኦይቂዴ፣ ጌያ ሳዒን ዳዒያ ዳናቱዋ ሲንላ ጎቼ ኬሴዲኖ። 20 ዳናቱዋ ሲንላ ኡንቲንታ አፊዴ፣ «ሃዋንቱ አዪሁዳ አሳ ጊዲዴ፣ ኑ ካታማ አሳ ሎይሲ ሚቶሲኖ። 21 ኑኒ ሮሜ ጋዲያ አሳ ጊዲዴ፣ አካናወኔ አላናው ዋጋ ጊዳናባ ታማሪሲኖ» ያጌዲኖ።

22 አሳይ ኢቲ ባጋ ጊዲዴ፣ ጳውሎሳኔ ቦላኒኔ ሲላሳ ቦላ ዳንዴዲ፤ ዳናቱካ ኡንቲንቱ ማዩዋ ቃሪ አኪዴ፣ ፃምዒን ኡንቲንታ ሾጫና ማላ አዛዘዲኖ። 23 ኡንቲንቱ ዳሪሲ ዋዴዳዋፔ ጉዪያን፣ ቃሾ ጎሊያን ዩጌዲኖ። ቃሾ ጎሊያ ናጊያዌካ ኡንቲንታ ሚኒሲ ናጋናዲን አዛዘዲኖ። 24 ቃሾ ጎሊያ ናጊያዌ ሄ አዛዘዋ አኪዴ፣ ጳውሎሳኔ ሲላሳ ቃሾ ጎሊያ ቆልዖ ጌሊሴዲ፤ ኡንቲንቱ ጌዲያካ ሚላና ጋሲ ዳራዲዴ ቃቼዲ።

25 ሺን ቃማ ቢላሂ ጊዲያ ሄራን ጳውሎሲኔ ሲላሴ ያሳ ዋሲዴ፣ ማዚሙሪያ ዬዲዴ ያሳ ጋላቲኖ፤ ቃሼቶ አሳይ ኡንቲንቱ ጊያዋ ሲሴ። 26 ቃሾ ጎሊያ ፃጵ ቃፃና ጋካናው ዋዛና አሌናን ቢታይ ዳሪሲ ቃዴዲ፤ ሄ ማንዒያንካ ፔንጊካ ኡባይ ዶዬቲ አጊና፣ ቃሼቴዲ አሳ ኡባ ሳንላላታይ ቢሌቲ ዋዴዲ። 27 ቃሾ ጎሊያ ናጊያዌ ጌሚዒሹዋፔ ቤንቲያ ዋዴ፣ ቃሾ ጎሊያ ፔንጊካ ኡባይ ዶዬቲዳዋ ቤዒዴ፣ ቃሼቶ አሳይ ኬሲ አኪዴ ቢዲጌዳዋ አው ማላቲና፣ ባሬና ዋዳናው ቆፒዴ፣ ጨቢያ አኬዲ። 28 ሺን ጳውሎሲ ኮሻ ጶቁ ኦላዲ፣ «ኔኒ ኔና አያኔ ኡዶፓ፤ አዪሲ ጎፔ፣ ኑኒ ኡባይ ሃዋን ዳዒቶ» ያጌዲ።

29 ቃሾ ጎሊያ ናጊያዌ ያምፒያ ዋሲ አኪዳ፡ ኤሌካ ቆልያ ዋዲ፤ ኮኮሪዳ ጳውሎሳ ሲንጻኒኔ ሲላሴ ሲንጻን ጉፋኔዳ፤
30 ኡንቱንታ ካሪ ኬሲዳ፡ «ታ ጎዳቶ፡ ታኒ አታናው አያ ኦፋና ቤሲ?» ያጌዳ።

31 ጳውሎሲኔ ሲላሴ አ፡ «ጎዳ ዬሱሲ ኪሪሰቶሳ አማና፤ ኔኒ አታና፤ ኔ ሶይ አሳይካ» ያጌዳኖ። 32 ኡንቱንቱ አዉኔ አ ሶዪን ዴዒያ ኡባው ጎዳ ቃላ ኦዴዳኖ። 33 ቃማ ሄ ሳቲያንካ ቃሾ ጎሊያ ናጊያዌ ኡንቱንታ አፊዳ ኡንቱንቱ ማይላ ሜጨዳ፤ ሄ ማንዒያንካ ባሪ ሶይ አሳ ኡባና ፃማቁቲ አጌዳ። 34 ጳውሎሳኔ ሲላሳ ፑዳ ባሪ ሶይ አፊዳ፡ ኡንቱንቶ ቁማ አሌዳ፤ ኢ ባሪ ሶይ አሳ ኡባና ያሳ አማኔዳ ዲራው፡ ናሼቴዳ።

35 ዋንቲና ዳናቱ፡ «ሄ አሳቱዋ ቢላ» ያጌዳ፡ ፖሊሲያ ካፓቱዋ አኮ ኪቴዲኖ። 36 ሄዋፔ ጉዬ ቃሾ ጎሊያ ናጊያዌ፡ «ሂንቱንቱ ቢሌታና ማላ፡ ዳናቱ ታው ኪቴዲኖ፤ ሲሚ ሃዒ ኬሲዳ ሳርቴላን ቢቱ» ያጌዳ ሄ ኪታ ጳውሎሳው ኦዴዳ።

37 ሺን ጳውሎሲ ሄ ፖሊሲያ ካፓቱዋ፡ «ኮኒ ሮሜ ጋዴ አሳ ተ ጊዲሺን፡ ኡንቱንቱ ኮና ፐርዳይ ባይናን አሳ ሲንጻን ዋዲዳ፡ ቃሾ ጎሊያን ዬጌዳኖ። ሃዒ ኮና ጌማን ኬሲ ዬዲኖ? ሃኔና፤ ኡንቱንቱ ባሪንቱ ሁጳው ዩዳ፡ ኮና ኬሲኖ» ያጌዳ።

38 ፖሊሲያ ካፓቱ ዳናቱዋሲ ሄዋ ኦዲና፡ ጳውሎሲኔ ሲላሴ ሮሜ ጋዴ አሳ ጊዴዳዋ ሲሴዳ ዋዴ፡ ያዬዲኖ። 39 ሄዋ ዲራው፡ ዳናቱ ዩዳ ኡንቱንታ፡ «ኮኒ ሂንቱንታ ናቁዶ» ጌዲኖ። ቃሾ ጎሊያፔ ካሪ ኡንቱንታ ኬሲዳ፡ ካታማፔ ኬሲዳ ባና ማላ ዋሴዲኖ። 40 ጳውሎሲኔ ሲላሴ ቃሾ ጎሊያፔ ኬሲዳ፡ ሊዲያ ሶይ ቤዲኖ፤ ያኒ ኢሻቱዋና ጋኬቲዳ፡ ኡንቱንታ ሚኒሲዳ ሄዋፔ ቤዲኖ።

17

ቴሴሎንቄን ዴንዴዳ ዋላሳ

1 ጳውሎሲኔ ሲላሴ፡ አምፕጶሊሳናኔ አጶሎኒያና አዲዳ፡ ቴሴሎንቄ ዬዲኖ፤ ቴሴሎንቄን አዪሁዳ ዋሳ ጎሊ ዴዒ።
2 ጳውሎሲ ባሪ ደያዳንካ ያ ጌሌዳ፤ ሄዋን ሄዙ ሳምባታ ጋላሳቱዋን ያሳ ማፃፋቱዋፔ አሳና ሃሳዬዳ፤ 3 ኪሪሰቶሲ ዋዪያ አካናዉኔ ሃይቁዋፔ ዴንዳናው ቤሲያዋ ኡንቱንቶ ቢሊዳ ኦዲዲኔ ቱማ ጊዴዳዋካ ኡንቱንታ ኤሪሲዳ፡ «ዬሱሲ ሃ ታኒ ሂንቱንቶ

† 16:37 ሮሜ ጋዴ አሳ፡ ሮሜ ካወቱላን ኤሪተዳ ዴዒያ ጉላ አሳይ ሄ ጋዴ አሳቱዋ ጌቴቲኖ። ሄዋንቶካ ቃይ ሃራቱዋፔ ዲማቲያ ማታይኔ ካጫይ ዴዒ።

ኦዲያዊ ኪሪሰቶስ» ያጌ። 4 ኡንቱንቱፔ ኢቱ ኢቱ ዬዉ ቱማ ጊዳዳዋ ኣኩኪዳ፥ ጳውሎሳናኔ ሲላሴና ጋኬቱዲኖ፤ ሃዋዲንካ፥ ያሳሲ ጎዪኒያ ጮራ ገሪኬ ኣሳይኔ ጮራ ቦንቹቱዳ ማጫዋንቱ፥ ጳውሎሳናኔ ሲላሴና ጋኬቱዲኖ።

5 ሺን ኣዪሁዳቱ ቃናቲዳ፥ ኢቲ ኢቲ ኦሱ ባዪና ኢታ ኣሳቱዋ ቆጫፔ ሺሺዳ ካታማ ኣሳ ዋላሴዲኖ፤ ጳውሎሳኔ ሲላሳ ኣሳኮ ኬሳና ማላ ኮዪዳ፥ ያሶና ጎሊያ ዶዴዲኖ። 6 ጳውሎሴኔ ሲላሴ ኡንቱንቶ ቤቴናን ኢጻና፥ ያሶናኔ ኢቲ ኢቲ ኢሻቱዋ ካታማ ካፓቱዋኮ ኣዕዳ፥ «ሃዋንቱ ጋዲያ ኡባ ሜቶፊዳዋንቱ፥ ሃዋካ ዬዲኖ። 7 ያቲና ያሶኒ ኡንቱንታ ባሬ ሶዪን ዋፊዳ፤ ሃዋንቱ ኡባይ፥ «ዬሱሳ ጊያ ሃራ ካቲ ዴዔ» ጊዳ ቄሳሬ ኣዛዙዋ ሚኒሲኖ» ያጊዳ፥ ኮሻ ቶቂሲዳ ሃሴዬዲኖ።

8 ሺቄዳ ኣሳይኔ ካታማ ካፓቱ ሄዋ ሲሲዳ ሜቶቱዲኖ። 9 ካፓቱ ያሶናኔ ሃራቱዋ ዋሲያን ቢሌዲኖ።

ጳውሎሴኔ ሲላሴ ቤሪያ ቤዲኖ

10 ኣማኒያዋንቱ ጳውሎሳኔ ሲላሳ ሳዓይ ቃሚያዋኒ ኤሌካ ቤሪያ ዬዴዲኖ። ያ ጋኪዳ፥ ኣዪሁዳ ዋሳ ጎሌ ጌሌዲኖ። 11 ቤሪያ ኣሳቱ ቴሴሎንቄን ዴዒያ ኣሳቱዋፔካ ኣጲ ዶዬቶ ዋዘናይ ዴዒያ ዲራው፥ «ጳውሎሴ ጌዳዌ ቱሚንቶኔ» ያጊዳ፥ ኡባ ጋላሲ ያሳ ማፃፋቱዋ ታማሪዳ፥ ቃላ ኩሜንሳ ሳሞታን ኣኩዲኖ። 12 ሄዋ ዲራው፥ ኡንቱንቱፔ ጮራቱ፥ ገሪካቱዋፔ ቦንቹቱዳ ጮራ ማጫዋንቱኔ ጮራ ኣቱማ ኣሳቱ ኣማኔዲኖ።

13 ሺን ቴሴሎንቄን ዴዒያ ኣዪሁዳቱ ጳውሎሴ ያሳ ቃላ ቤሪያንካ ኦዴዳዋ ሲሴዳ ዋዳ፥ ቤሪያ ዪዳ፥ ኣሳ ኣናና ዋላሴዲኖ። 14 ሄዋፔ ጉዪያን፥ ኢሻቱ ኤሌካ ጳውሎሳ ኣባ ማታን ዬዲ ኣጌዲኖ፤ ሺን ሲላሴኔ ግሞቶሴ ቤሪያን ኣቱዲኖ። 15 ጳውሎሳ ሞዪዬዳ ኣሳቱ ኣቲና ጋፊዲኖ፤ ሄ ኣሳቱ ሲላሴኔ ግሞቶሴ ባሬንቶ ዳንዳዬቱዳዋዳን፥ ኤሌካ ባሬኮ ያና ማላ፥ ጳውሎሴ ኪቴዳ ኪታ ኣኪዳ፥ ቤሪያ ሲሜዲኖ።

ጳውሎሴ ኣቲና ቤዳ

16 ጳውሎሴ ኣቲናን ሲላሳኔ ግሞቶሳ ናጊዳ፥ ካታማን ኤቃይ ኩሜዳዋ ቤዒዳ ዪሎቴዳ። 17 ሄዋ ዲራው፥ ኣዪሁዳ ዋሳ ጎሊያን ኣዪሁዳቱዋናኔ ያሳሲ ጎዪኒያ ኣዪሁዳ ጊዳና ኣሳቱዋና ፓሉሜቲ፤ ቃሲ ኡባ ጋላሴ ጌያን ባሬናና ጋኬቲያ ኣሳናካ

ፓሉሜቴ። 18 ቃሲ ኤፐቆሮሳፔኔ * ኢሰዖሲኪያፔ ፊ ዩዳ ኢቲ ኢቲ ኤራንቻቱ ጳውሎሳና ፓሉሜቴዲና፤ ኡንቱንቱፔ ኢቱ ኢቱ፤ «ሃ ቶፊናይ ኢያ ሃሳያናው ኮዪ?» ያጌዲና።

ሃራቱ ጳውሎሳ ዩሱሳባኔ ሃይቁዋፔ ኢ ዳንዴዳዋ ባሬንቶ ኦዲያ ዲራው። «ኦራሳ ያሳቱባ ኦዲያዋ ማላቱ» ያጌዲና።

19-20 ጳውሎሳ ኦይቁዳ። «ሃ ኔኒ ታማሪሲያ ኦራሳ ዩዌ ኣዩንቶ ኩና ኤሪሳሪኪ? ኣዪሲ ጎፔ። ኔኒ ኩሲ ኦራሳባ ኦዳሳ፤ ሲሚ ሃዌ ኣዩንቶ ኩኒ ኤራናው ኮዬቶ» ያጌዳ ጳውሎሳ ኣሪዮሰፓጎሳ ጌቱቲያሳ ኣፌዲና። 21 ኣቲና ኣሳይ ኡባይኔ ሃዋን ዳዒያ ኣማላቱ ኦራሳባ ሃሳዪዲኔ ሲሲዳ ፔሺያዋፔ ኣቲን። ሃራባን ፔሺኪና።

22 ጳውሎሲ ኣሪዮሰፓጎሳን ዳዒያ ሸቁዋ ሰንላን ኤቁዳ። ሃዋዳን ያጌዳ፤ «ኣቲና ኣሳቶ። ያሳቱዋሲ ኡባባኒ ሂንቱንቱ ዳሪ ያዪያዋ ታኒ ቤዓይ። 23 ኣዪሲ ጎፔ። ታኒ ሂንቱንቱ ጎዪኒያዋ ፃላዳ ኣጲሺን። «ኤሬቲና ያሳሲ» ጌቱቲዳ ፃሬቲዳ ያርሹዋ ሳዓ ቃሲ ዳማዲ፤ ሃዋ ዲራው። ሃ ሂንቱ ኤሬናን ጎዪኒያዋ ታኒ ሂንቱንቶ ኦዳይ።

24 «ኣላሚያኔ ኣላሚያን ዳዒያ ኡባባ ሜዴዳ ያሳይ ሳሉዋኔ ሳዓ ጎዳይ። ኣሳይ ከፃዳ ጌሻ ጎሊያን ዳዒና። 25 ኣዩንቶ ፓጩዳ ኣሳዳን። ኣሳ ኩሺያ ኢ ፃሌና፤ ኣዪሲ ጎፔ። ኢ ባሬ ሁጳው ዳዑዋ ሸምፑዋኔ ኡባባ ኣሳ ኡባው ኢሜዳ። 26 ያሳይ ኣሳ ዛሪያ ኡባ ኢቲ ኡራፔ ሜዴዳ። ጋዲያ ኡባን ዋሌዳ፤ ኢ ባሬ ሁጳው ኡንቱንቱ ዳዳና ዋዲያኔ ሳዓ ካሴ ዛዋዬዳ።

27 «ኢ ሂዋ ኦሌዳዌ ኡንቱንቱ ኦይቁ ኦይቁ ፃሊዳ። ባሬና ኮዪዳ። ኦኒ ኤሪ ዳማናዋንቱሻ ጊያዋና፤ ጊዳፔ። ያሳይ ኩፔ ኦሲኔ ሃኮ ጊዳና። 28 ኣዪሲ ጎፔ። ሂንቱንቱፔ ኢቲ ኢቲ ኤራንቻቱ፤ «ኩኒ ኣ ናና» ጌዳዋዳን። ኩኒ ኣኒ ፓፃ ዳዒቶኔ ቃፃቲቶ። 29 ሲሚ ኩኒ ያሳ ናና ጊዳዳ ዲራው። ያሳይ ኣሳ ጨንጫቴላኒኔ ቆፋን ዋርቃፔ ዋይ ቢራፔ ዋይ ሹቻፔ ኦሴቴዳዋ ማላቲ ያጌዳ። ቆፓናው ቤሴና። 30 ሃዋ ዲራው። ያሳይ ኣሳይ ኤሪቤና ዋዲያ ኣሌዳ፤ ሸን ሃዒ ኡባሳን ኣሳይ ኡባይ ናጋራፔ ሲማና ማላ ኣዛዜዳ። 31 ኣዪሲ ጎፔ። ያሳይ ዋዲያ ከሪ ዋሌዳ፤ ሄ ዋዲያን ባሬ ዶሬዳ ኡራን

* 17:18 ኤፐቆሮሳ፡ ሃዌ ጋዲያ ጊዲዳ። ሃ ጋዲያን ዳዒያ ኣሳቱ ናሹቺያ ኣሳ ዳዑዋሲ ኮይሮ ሳዓ ኦይቁዳ ያጌ ታማሪሲያ ኤፐቆሮሳ ጊያ ቢታኒያ ቲሚርቲያ ካሊያዋንታ።
† 17:18 ኢሰዖሲኪያ፡ ሃዌካ ጋዲያ ጊዲዳ። ሃ ጋዲያን ዳዒያ ኣሳቱ። ባሬና ሞዳሳኔ ባሬ ቆፋን ካሌሴቴያዋ ኣሳይ ታማራና ቤሴ። ያጌያ ቲሚርቲያ ታማሪሲያ ዜና ያጌቲያ ቢታኒያ ቲሚሪቲያ ካሊያዋንታ። 17:24 1ካት 8:27፤ ኢሳ 42:5፤ ኪት 7:48

ሳዓን ደዒያ አሳ ኡባ ቦላ ሂሎ ፒርዳ ኢ ፒርዳና፤ አሳ ኡባው ሃይቁዋፔ ዩሱሳ ዳንጤዳዋን ሃዋ ቱማዬዳ» ያጌዳ።

32 ኡንቱንቱፔ ኢቲ ኢቲ አሳቱ ሃይቁዋፔ ዳንዲዋባ ጳውሎሳፔ ሲሲዳ፣ አ ቦላ ቂሊጩዲና፤ ሺን ሃራ አሳቱ አ፣ «ኮኒ ሃዋ ኔፔ ጉጂዳ ሲሳና ኮዬቶ» ጌዲና። 33 ሃዋ ዲራው፣ ጳውሎሲ ኡንቱንቱ ጊደፔ ኬሴዳ። 34 ሺን ኢቲ ኢቲ አቱማ አሳቱ ጳውሎሳና ጋኬቲዳ አማኔዲና፤ ኡንቱንቱ ጊዲዋን አሪዮሰፓሳን ደዒያ ፒርዳ ጎሌ ዳናይ ዲዮናሲዮሲ፣ ዳማሪሶ ጌቱቲያ ኢቲ ሚሺራቲና ሃራ አሳቱ ደዒና።

18

ጳውሎሲ ቆርንቶሳ ቤዳ

1 ሃዋፔ ጉዪያን፣ ጳውሎሲ አቴናፔ ኬሲዳ፣ ቆርንቶሳ ቤዳ።

2 ሃዋን አቂላ ጊያ ኢቲ አዪሁዳ ቢታኒያ ደማዳ፤ አቂላይ ጳንዖሳን ዩሌቲዳ፤ አዪሁዳ አሳይ ኡባይ ሮማፔ ኬሳና ማላ፣ ቃላዉደዮሲ አዘዜዳ ዲራው፣ አማራዳ ዋዲያፔ ካሴ፣ ኢ ባሬ ማቻቲ ጳሪሰቂላና ፃሊያፔ ዬዳ፤ ጳውሎሲ ኡንቱንቱና ጋኬታናው ቤዳ። 3 አ ኦሱኔ ኡንቱንቱ ኦሱ ኢቲ ማላ ዲንካኒያ ሲካ ጊዲያ ዲራው፣ ኡንቱንቱና ኡቲዳ፣ ኢቲፔ ኦጤዳ። 4 ጳውሎሲ ሳምባታ ኡባን አዪሁዳቱዋና ጊሪካቱዋ አማንሳናው አዪሁዳ ዋሳ ጎሊያን ፓሉማቲ።

5 ሲላሴኔ ሂዋቶሴ ማቂደኒያፔ ዬዳ ዋዳ፣ ጳውሎሲ አዪሁዳቱዋሲ ዩሱሲ ባሬ ሁጾው ኪሪሰቶሳ ጊዳዳዋ ቃላ ኦዲዋ ቶሌዳ። 6 ሺን ኡንቱንቱ ጳውሎሳ ሃሳያ ጳልቂና ኦ ቦሪና፣ ጳውሎሲ ባሬ ማዩዋፔ ባና ቆቆፊዳ፣ * «ሂንቱንቱ ኢታቱላይ ሂንቱንታ ኦይቆ፤ ታኒ ሃዋን ጌሊኬ፤ ሃዋፔ ሂኒ ባጋን ታኒ አዪሁዳ ጊዳና አሳኮ ባይ» ያጌዳ።

7 ሃዋፔ ኬሲዳ፣ ያሳሲ ጎዪኒያ ዮሰዖሳ ጊያ ቢታኒያ ሶይ ቤዳ፤ ዮሰዖሳ ጎሊ አዪሁዳ ዋሳ ጎሊያ ማታን ደዒ። 8 አዪሁዳ ዋሳ ጎሌ ካፔ ቃሪሲጶሲ ባሬ ሶይ አሳ ኡባና ጎዳ አማኔዳ፤ ቆርንቶሳ አሳቱዋፔካ ጮራቱ ያሳ ቃላ ሲሴዳ ዋዳ፣ አማኒዳ ፃማቂቲዲና።

9-10 ጎዳይ ኢቲ ቃማ ሳፃን ጳውሎሳ፣ «ያዮፓ፤ ኦዳ፤ ጮፁ ጎፓ። ታኒ ኔናና ደዒያ ዲራው፣ ኔና ቆሃናው ኢታባን ዬጋና አሳይ ኦኒኔ ባዋ፤ አዪሲ ጎፔ፣ ታው ሃ ካታማን ጮራ አሳይ ደዒ» ያጌዳ።

* 18:6 ማዩዋፔ ባና ቆቆፊ፣ ሃዋ ጉሳይ ጌዲያፔ ባና ቆቆፊያዋና ኢታ።

11 ጳውሎሲ ያሳ ቃላ አሳ ታማሪሲዳ፣ ኢቲ ላይላኔ ኡሱፑን አገና ኡንቱንቱና ኡቲዳ።

12 ጋሊዮሴ አካዪያ ጋዲያ ሞዲያ ዋዳ፣ አዪሁዳቱ ኢቲፕ ጳውሎሳ ቦላ ዴንዲዳ፣ ፐርዳ ጎሌ አ አፊዳ፣ 13 «ሃ ቢታኒ ሙሴ ሂጊያ ኢዲዳ፣ አሳይ ያሳሲ ጎዪናና ማላ ጨሜ» ያጌዲና።

14 ጳውሎሲ ሃሳያና ሃኒሺን፣ ጋሊዮሴ አዪሁዳቱዋ፣ «አዪሁዳቱ፣ ሄዌ ባላ ኦሱዋ ዋይ ኢታ ናቆ ጊደፔ፣ ታኒ ሂንቱንቱባ ዳንዳያዳ ሲሳናው ቤሴ። 15 ሺን ቃላሲ ሱንላሲኔ ሂንቱ ሁጴ ሂጊያሲ ሂንቱንቱ ፓሉሜቶፔ፣ ሂንቱ ሁጴው ኤሪቴ፤ ሃዋ ታኒ ፐርዲኬ» ያጌዳ። 16 ፐርዳ ጎሊያፔ ካሬው ኡንቱንታ ኬሴዳ። 17 ሄዋፔ ጉዪያን፣ ገሪኬ አሳይ ኡባይ አዪሁዳ ዋሳ ጎሌ ካፑዋ ሶሰቲኒሳ ኦይቂዳ፣ ፐርዳ ጎሊያ ሲንላን ሾጩዲና፤ ሺን ጋሊዮሳ ሄዌ ኣይኔ ሜቲቤና።

ጳውሎሲ አንጾኪያ ቤዳ

18 ጳውሎሲ ዳሮ ዋዲያ ቆሮንቶሳን ኡቴዳዋፔ ጉዪያን፣ አሻቱዋ ሳሮቲዳ፣ ጳሪሰቂሊናኔ አቂላና ማርካቢያን ሶሪያ ቤዳ፤ ባሬው ሸቆዳ ጋሱ ዴዲያ ዲራው፣ ኪንኪሪያ ካታማን ባሬ ሁጲያ ሜዴቲዳ። † 19 ኡንቱንቱ ኤፌሶኔ ጋኬዳ ዋዳ፣ ጳውሎሲ ጳሪሰቂሎኔ አቂላ ያኒ ዩጊ ዩዳ፤ ሺን ባሬው አዪሁዳ ዋሳ ጎሌ ጌሊዳ፣ አዪሁዳቱዋና ፓሉሜቲዳ። 20 ኡንቱንቱ ባሪንቱና ዳሮ ዋዲያ ኡታና ማላ ጳውሎሳ ዋሲና ኢ ኢዲዳ። 21 ሺን ኡንቱንቱፔ ሻኬቲዳ፣ «ያሳይ ጎፔ፣ ላዔሉዋ ሂንቱንቱኮ ሲማና» ያጊዳ ኤፌሶናፔ ማርካቢያን ቤዳ። 22 ቂሳሪያ ጋኬዳ ዋዳ ዩሩሳላሜ ቤዳ፣ አማኒያ አሳ ሳሮቲዳዋፔ ጉዪያን፣ አንጾኪያ ዋዴዳ።

23 ያኒ አማራዳ ዋዲያ ጋሚዲዳ ቤዳ፤ ካሊያዋንታ ኡባ ሚኒሲዳ፣ ጋላቲያናኔ ፐርጊያና አዴዳ።

አጲሎሲ ኤፌሶናኔ ቆሮንቶሳ ቤዳ

24 ኢሰኪንዲሪያን ዩሌቲዳ አዪሁዳ አሳ ኢቲ አጲሎሳ ጊያ ሎዎ ሃሳዪያዌ ኤፌሶኔ ቤዳ፤ ያሳ ማፃፋቱዋ ኢ ዳሪሲ ኤሪያ አሳ። 25 ጎዳ ኦጊያካ ታማራዳ አሳ፤ ዮሃኒሳ ዪንቃታ ፃላላ ኤሪዳ፣ አያናን ባሬ ጋርሳን ኤዳቲዳ፣ ዩሱሳባ ሱሪሲዳ ሃሳዩዳ፤ ታማርሴዳ። 26 ያቲዳ አዪሁዳ ዋሳ ጎሊያን ያዩናን ሃሳያ ደሜዳ።

† 18:18 ሁጲያ ሜዴቲዳ፣ ጳውሎሲ ጉላ ዋዲያሲ «ዳማታና» ጊዳ ጫቄዳ። ሃዋ ጉሳይ፣ ባሬ ሁጲያካ ሜዴቲና፤ ዋዲያካ ኡሸና ጉሳ። ሺን ኢ ጫቄዳ ዋዲ ወርዳ፣ ባሬ ሁጲያ ሜዴቲዳ ያሳው ያርሹዋ ያርሻናው ቤሴ ጉሳ። 18:18 ፓይ 6:18

ጲሪስቀላይኔ ኣቀላይ ኢ ኦዲያዋ ሲሴዳ ዎዴ፡ ባሬንቱና ሶይ ኣ ኣፊዴ፡ ያሳ ኦጊያ ካሴፔ ሱሪሲዴ፡ ኣው ጌሺ ኦዴዲኖ።

27 ኣጲሎሲ ኣካዪያ ፒናና ኮዪና፡ ኢሻቱ ኣ ሚኒሲዴ፡ ኣካዪያን ዴዲያ ካሊያዋንቱ ኣ ሞካና ማላ፡ ኡንቱንቶ ዳቢዲቢያ ፃፊዲኖ፤ ኢ ያ ጋኪዴ፡ ያሳ ኣጼ ኬካቴላን ኣማኒያዋንታ ዳር ማዴዳ። 28 ኣዪሲ ጎፔ፡ ዬሱሲ ባሬ ሁጾው ኪሪስቶሳ ጊዴዳዋ ኣዪሁዳቱዋሲ ያሳ ማፃፋቱዋፔ ቆንጨሲዴ፡ ኣሳ ሲንላን ሚኒሲዴ ኦዴዳ።

19

ጳወሎሲ ኤፌሶን ቤዳ

1 ኣጲሎሲ ቆርንቶሳን ዴዲሺን፡ ጳወሎሲ ቆሞ ባጋና ኣጲዴ፡ ኤፌሶን ቤዳ፤ ኢቲ ኢቲ ካሊያዋንታ ዴሚዳ። 2 ጳወሎሲ ኡንቱንታ፡ «ሂንቱንቱ ኣማኔዳ ዎዴ ጌሻ ኣያና ኣኬዲቲ?» ያጊዴ ኦቲዳ።

ኡንቱንቱ፡ «ቱይቲ፡ ኣኪቤይኮ፤ ሃራይ ኣቶ፡ ጌሻ ኣያናይ ዴዲያዋካ ሲሲቤይኮ» ያጊዲኖ።

3 ጳወሎሲ ኡንቱንታ፡ «ያቲና፡ ኣያን ፃማቄቲዲቲ?» * ያጊዳ።

ኡንቱንቱ፡ «ኮኒ ዮሃኒሳ ዪንቃታኒ ፃማቄቲደ» ያጊዴ ዛሬዲኖ።

4 ጳወሎሲ፡ «ዮሃኒሲ ባሬፔ ጉዪያን ዪያ ዬሱሲ ኪሪስቶሳን ኣሳይ ኣማናና ማላ፡ ኣሳሲ ኦዲዴ፡ ናጋራፔ ሲሚያ ዪንቃታኒ ፃማቄዳ» ያጊዳ።

5 ኡንቱንቱ ሄዋ ሲሴዳ ዎዴ፡ ጎዳ ዬሱሲ ኪሪስቶሳሲ ጊዳናው ፃማቄቲዲኖ። 6 ጳወሎሲ ባሬ ኩሺያ ኡንቱንቱ ቦላ ዎሌዳ ዎዴ ጌሻ ኣያናይ ኡንቱንቱ ቦላን ዎጲና፡ ዲማ ዲማ ቃላን ሃሴዬዲኖ፤ ቃሲ ቲምቢቲያካ ኦዴዲኖ። 7 ሄዋን ታማኔ ላዑ ኣሳቱዋ ጊዲያዋንቱ ዴዲኖ።

8 ጳወሎሲ ኣዪሁዳ ዎሳ ጎሌ ጌሊዴ፡ ያሳ ካወቲላባ ፓሉሜቲዲኔ ኣኬኪሲዴ፡ ኣሳና ሄዙ ኣጌና ጊዲያዋ ከና ያዬናን ሃሳዬ። 9 ሺን ኡንቱንቱፔ ኢቱ ኢቱ ማካሊዴ፡ ጮራ ኣሳ ሲንላን ጎዳ ኦጊያ ቦሬዴ ኣማኔናን ኢዲና፡ ጳወሎሲ ኡንቱንቱፔ ሻኬቲ፡ ባሬና ካሊያዋንታ ባሬናና ኣፊዳ፤ ዪራኖሳ ጊያ ቲሚርቲ ጎሊያን ኡባ ጋላሲ ፓሉሜቲ። 10 ጳወሎሲ ላዑ ላይላ ጋካናው ቃላ

* 19:3 ኣያን ፃማቄቲዲቲ? ሃዋ ጉሳይ ኦ ሲንላን ፃማቄቲዲቲ፡ ጉሳ።

አዴዳ፤ ሄዋ ዲራው፣ ኢሲያን ዳዒያ አሳይ ኡባይ፣ አዩሁዳቱካ አዩሁዳ ጊዳናዋንቱካ ጎዳ ቃላ ሲሴዲኖ።

የሳይ ዳዉሎሳ ኩሺያን ኦሌዳ ኦራሳባ

11 የሳይ ዳዉሎሳ ባጋና ዲማ ማላታ ኦሌዳ። 12 ሄዋ ዲራው፣ አሳይ አ ቦላይ ቦቹዳ ማራቢያ ዎይ ማዩዋ ሃርጋንቻቱዋሲ አፌ፤ ሃርጋንቻቱካ ፓዲኖ፤ ኢታ አያናቱካ ኡንቱንቱፔ ኬሲኖ።

13 ኢታ አያናቱዋ ኬሲዴ ዩዩያ አዩሁዳቱዋፔ ኢቱ ኢቱ፣ «ዳዉሎሲ ቃላ ኦዲያ ዬሱሳ ሱንሳን ኮኒ ሂንቱንታ ኬሲቴ ጊዴ አዛዜቶ» ያጊዴ፣ ኢታ አያናቱ ዳዒያ አሳቱዋ ቦላን ጎዳ ዬሱሳ ሱንሳ ያሲ ቤዔዲኖ። 14 ቄሳቱዋ ካፑዋ አሰቄዋ ጊያ ኢቱ አዩሁዳ ቢታኒያሲ ሄዋ ኦሌዳ ላፑ ናናይ ዳዒኖ።

15 ኢታ አያናይ ኡንቱንቶ ዛሪዴ፣ «ታኒ ዬሱሳ ኤራይ፤ ዳዉሎሳካ ኤራይ። ሺን ሂንቱንቱ ኦኔ?» ያጊዴ።

16 ኢታ አያናይ ዳዒያ ቢታኒ ኡንቱንቱ ቦላ ጉፒ ዎቋና፣ ኡንቱንቱ ማሱንዲዴ፣ ሄ ጎሊያፔ ካሎ ዎዋና ጋካናሲ፣ ዎልቃሚዴ ያኔዴ። 17 ኤፌሶኔን ዳዒያ አዩሁዳቱኔ አዩሁዳ ጊዳናዋንቱ ኡባይ ሄዋ ሲሴዴ ኡባይ ዳር ያዬዲኖ፤ ጎዳ ዬሱሳ ሱንሳይካ ዳር ቦንቹቱዳ። 18 አማኒያዋንቱፔ ጮራ አሳቱ ባሬንቱ ኦሌዳዋ ፓዲዲኔ ቆንጩያን ኦዲዴ ዩኖ። 19 ቢቲያዋንቱፔ ጮራቱ ባሬንቱ ማዋፋቱዋ ሺሺዴ፣ አሳ ኡባ ሲንሳን ጉዴዲኖ፤ ሄ ማዋፋቱዋ ጋቲያ ሄቲያ ዎዴ፣ ኢሻታሙ ሻዓ ቢራ ሳንቲሚያ ጊዴዳ። 20 ሄዋ ማላ ዎልቃማ ኦጊያን የሳ ቃላይ ዲጩኔ አኩ።

ኤፌሶኔ ካታማን ዋላሳይ ዴንዴዳ

21 ሄዋ ፖሌቲዳዋፔ ጉዩያን ዳዉሎሲ፣ «ታኒ ዬሩሳላሜ ባዴ ሮሜካ ቃሲ ቤዓናው ቤሴ» † ያጊዴ፣ ማቂዶኒያናኔ አካዩያና አቋዴ፣ ዬሩሳላሜ ባናው ቆፋ ቃቹዳ። 22 ቃሲ ባሬና ማዲያዋንቱፔ ላዓቱዋ ያሞቶሳኔ ኤራሰዎሳ ማቂዶኒያ ኪቲዴ፣ ባሬው ኢሲያን አማሬዳ ዎዲያ ጋሚዔዳ።

23 ጎዳ ኦጊያ ዲራው፣ ሄ ዎዴ ዳር ዋላሳይ ኬሴዳ። 24 አዩሲ ጎፔ፣ ያጋራ ቢራ ሙሺሲዴ ቲጊ ሜቋያ ዲሜደሳ ጊያ ኢቲ ቢታኒ አርፄሚሲ ጌሻ ጎሊያ ሚሲሊያ ቢራፔ ቲጊ ቲጊዴ፣ ኦሳንቻቱዋሲ ዳር ዎቋያ ዴሜ። 25 ሄዋንታኔ ኡንቱንቱዋ ማላ ኦሉዋ ኦሊያዋንታ ኢቲፔ ሺሺዴ፣ ሃዋዳን ያጊዴ፤ «አሳው፣ ኑ ዲሬቲላይ ሃ ኦሉዋና ጊዲያዋ ሂንቱ ኤሪታ። 26 ሄዋ ዳዉሎሲ፣ አሳ ኩሺ ሜዴዳዋንቱ

† 19:21 ዳዉሎሲ ሃዋ አያና ጌሻን ካሌሲቲዴ ሃሳዬዳዋ።

ፆሳቱዋ ጊዲኪኖ) ያጊዳ፡ ኤፌሶን ፆላላን ጊዳናን አማራዳ ጋዳቱዋፔ ኣቲን፡ ኢሲያን ኡባን ጮራ ኣሳሲ ኦዲ አማንጱዳዋ ሂንቴንቱ ቤዔዲታኔ ሲሴዲታ። 27 ሎዔናባይ፡ ኦ ኦሱ ካጄታናዋ ፆላላ ጊዳና፤ ሺን ኢሲያን ዳዒያ ኡባቱኔ ሳዓ ኡባን ዳዒያዋንቱ ጎዪኒያ ዋልቃማ ፆሳቶ ጌቲቲያ ኣርፆሚሲ ጌሻ ጎሊ ቦንቱቴናን ኣታናዋኔ፡ እዚ ዳርቲላይ ኩንዳናዋ» ያጊዳ።

28 ኣሳይ ሄዋ ሲሴዳ ዋዴ ሎይሴ ሃንቁቲዴ «ኤፌሶን ኣርፆሚሳ ዋልቃማ» ያጊዳ ጫቦቲዲኖ። 29 ካታማ ኡባን ዋላሳይ ዳንዴዳ፤ ጳውሎሳና ሃሚቲያ ማቂደኒያ ኣሳቱዋ ጋዮሳኔ ኣሪሰጺርኮሳ ባሬንቱና ኦይቂ ኣኪዴ፡ ኢቲፔ ካሳ ሳዓ ዋፆዲኖ። 30 ጳውሎሲካ ኣሳይ ሺቁዳሳ ጌላናው ኮዬዳ። ሺን ካሊያዋንቱ ኣ ዲጌዲኖ። 31 ኢሲያ ጋዲያ ካፓቱዋፔ ጳውሎሳ ላጌላቱዋፔ ኢቱ ኢቱ ጳውሎሳው ኪቴዳ፡ ካሳ ሳዓን ቆንጨያ ኬሲዴ ኢ ቤቴና ማላ፡ ኣ ዋሴዲኖ።

32 ሺቁዋን ዋላሳይ ዳንዲና፡ ዳሪያ ባጋ ኣሳይ ሃራይ ኣቶ ኣዪሲ ሺቁዳንቶ ኤሬና ዲራው፡ ኢቱ ኢቲባው ዋላቁቲያ ዋዴ፡ ዮኩ ቃይ ሃራባው ዋላቁቲ። 33 ኣዪሁዳቱ ኢሰከንዲራ ኣሉ ቤሲና፡ ኢቲ ኢቲ ኣሳይ ኢ ሃሳያና ማላ፡ ኣሳ ጊደፔ ሲንሳው ኣ ኣሌዳ፤ ኣሳይ ጮዑ ጋና ማላ፡ ኢ ባሬ ኩሺያን ፆርሲ ቤሲዴ፡ ኣሳሲ ሞቲታናው ኮዬዳ። 34 ሺን ኢሰከንዲራ ኣዪሁዳ ኣሳ ጊዳዳዋ ኣሳይ ኤሬዳ ዋዴ፡ ላዑ ሳቲ ጊዲያዋ ኬና ኡባይ ኢቲ ቃላን፡ «ኤፌሶን ኣርፆሚሳ ዋልቃማ» ያጊዳ ጫቦቲዲኖ።

35 ካታማው ፆሬ ጊዳዳዌ ኣሳ ጮዑ ኦሌዴ፡ ሃዋዳን ያጊዳ፤ «ኤፌሶን ኣሳው፡ ኤፌሶን ካታማይ ዋልቃማ ኣርፆሚሲሲኔ ሳሉዋፔ ዋዴዳ ኤቃ ሹቻሲ ኤቃ ጎሊያ ናጊያዋ ጊዳዳዋ ኤሬና ኣሳይ ኦኔ? 36 ሃዋ ካዲያ ኣሳይ ባይና ዲራው፡ ሂንቴንቱ ዋፔ ጋናዉኔ ዲርቤናን አጋናው ቤሴ። 37 ኣዪሲ ጎፔ፡ ሃዋንቱ ጌሻ ጎሊያ ሚሻ ወዲቤናዋንታ ኦ ፆሳቱዋካ ቦሪቤናዋንታ ኣሄዲታ። 38 ሄዋ ዲራው፡ ዲሚጻርሲኔ ኣናና ዳዒያ ኦሳንቻቱ ኣሳ ሞታናው ኮዮፔ፡ ፐርዳ ጎሊ ደያ ዳዒ፤ ቃሲ ጋዲያ ሞዲያዋንቱካ ዳዒኖ፤ ኡንቱንቱ ባሬንቱ ጊደን ሞቲቲኖ። 39 ሺን ሂንቱ ሃራ ዬወዋ ኮዮፔ፡ ሂጊያ ሺቁዋን ዬወዋ ቃቻና። 40 ኣዪሲ ጎፔ፡ ሃቲ ሃኔዳዋ ሻቢራላ ጊዳ፡ ሮሜ ጋዲያ ኣሳቱ ኦና ሞታና፤ ሃ ሺቆካ ጋሱ ባዪና ዲራው፡ ኦኒ ጋሱዋ ኦዳናው ዳንዳዮኮ» 41 ያጊዳ ሺቁዋ ላሌዳ።

ጳውሎስ ማቀደኒያኔ ገሪኬ ቤዳ

1 ዋላሳይ ኢርጫዳዋፕ ጉዩያን፣ ጳውሎስ ካሊያዋንታ ኣሂሲዴ ዘሪዳ፤ ኡንቱንታ፡ «ሳሩዋን ደዒቲ» ገዴ፡ ማቀደኒያ ባናው ኬሴዳ። 2 ሄ ጋዲያና ኣጲዴ፡ ቃላ ኦዲዴ፡ ኣሳ ሎይሴ ሚኒሴዳዋፕ ጉዩያን፣ ገሪኬ ጋዴ ዬዳ። 3 ኢ ሄዋን ሄዙ ኣጌና ኡቲዴ፡ ማርካቢያን ሶሪያ ባናው ቆፕሺን፣ ኣዪሁዳቲ ባሪና ዋጳናው ኮዩያዋ ቤዒዴ፡ ማቀደኒያና ጉዬ ሲማናው ባሪ ቆፋ ቃቹዳ።

4 ጳውሎስ ሞዩዜዳዋንቱ፡ ቤሪያፕ ጳሪሃሳ ናዓ ሶሲጳዊርሳ፡ ቲሴሎንቄፕ ኣሪሰዊርኮሳኔ ሲኮንዲሳ፡ ዳርቤፕ ጋዮሳኔ ኢሲያፕ ቲኪቆሳኔ ዊርፊሞሳ፡ ቃሲ ዊሞቶሳ። 5 ሄዋንቱ ሲንላው ቢዴ፡ ኑና ዊርዓዳን ናጊኖ። 6 ኑኒ ኡኪላ ባላ ጋላሳ ቦንቾዋፕ ጉዩያን፡ ፒሊጲሲዮሳ ጊያ ጋዲያፕ ማርካቢያን ዴንዲዴ፡ ኢቼሹ ጋላሳን ዊርዓዳን ኡንቱንታ ጋኪዴ፡ ያኒ ላፑ ጋላሳ ኡቴዶ።

ጳውሎስ ዊርዓዳ ቤዳ

7 ኑኒ ዋጋ ጋላሲ * ኡኪላ ሚንላናው ሸቂዴዒሺን፣ ጳውሎስ ዋንቲና ባናው ቆፕዳ ዲራው፡ ኡንቱንቶ ቃላ ኦዲዴ፡ ቃማ ቢላሂ ጋካናው ዬወዋ ኣዲሴዳ። 8 ኑኒ ሸቂ ኡቴዳ ፖቂያን ጮራ ፆምፒ ዴዒ። 9 ኤወዊኮሳ ጊያ ኢቲ ዋዳላይ ማሰኮቲያ ቦላ ኡቲዴ፡ ዳሪሲ ጌሚዒሹዴ። ጳውሎስ ሃሳያ ኣዲሴዳ ዋዴ፡ ኤወዊኮሲ ጌሚዒሹዋን ሃይሬዳዌ ሄዜንላያ ፖቂያፕ ሳዓን ከንዲዴ ሃይቁዳዋ ኣሳይ ዴንሌዳ። 10 ሺን ጳውሎስ ዋጲዴ፡ ኣ ቦላ ጉፋኔዳ፡ ኣ ኢዲሚዴ፡ «ኣ ሸምፑ ኬሲቤና ዲራው ሂርጎፒቲ» ያጌዳ። 11 ያቲዴ ፑዴ ፖቂያ ኬሲዴ፡ ኡኪላ ሚንላዴ ሚዳ፤ ሳዓይ ዋንታና ጋካናሲ፡ ዳር ዋዲያ ሃሳዬዳዋፕ ጉዩያን ቤዳ። 12 ዋዳላይ ፓዊና፡ ሶይ ኣፊዴ፡ ዳሪሲ ናሹቲዲኖ።

ጳውሎስ ዊርዓዳፕ ሚሊጭ ቤዳ

13 ሺን ጳውሎስ ባሪና ያፕ ኑኒ ሞካና ማላ፡ ኑሲ ኦዳዳ ዲራው፡ ካሰቲዴ ማርካቢያኮ ቢዴ፡ ኣሶሳ ባናው ዴንዴዶ፤ ኣዪሲ ሳፕ፡ ጌዲያን ባናው ኢ ቆፕዳ ዲራው ኑና ሄዋዳን ኣዛዜዳ። 14 ኢ ኑናና ኣሶሳን ጋኬቲና፡ ማርካቢያን ኣ ኣኪዴ ሚዊሊኔ ዬዶ። 15 ዋንቲላ ጋላሲ ያፕ ማርካቢያን ዴንዲዴ፡ ኪዮሳ ሄራ ጋኬዶ፤ ቃሲ ዋንቲላ ጋላሲ ሳሞሳ ፒኔዶ፤ ቲርጊሊዮሚን ኣቂዴ፡ ዋንቲና ሚሊጭ ዬዶ። 16 ኣዪሲ ሳፕ፡ ጳውሎስ ኢሲያን ዳሪ ጋሚዒናን ኤፊሶኔ ላንቂናና ኣቆናው

* 20:7 ዋጋ ጋላሲ፡ ግሪኪያ ማፃፋን፡ ሳምባታቲዋፕ ኢቲዋን ያጌ።

ባሬ ቆፋ ቃቹዳ፤ ባሬው ዳንዳዬቶ፤ ጳጳስቲ ጌቴቲያ ጋላሲ ዩሩሳላሜ ጋካናው ኤሌሌ።

ጳውሎሲ ኤፌሶኔ ጨማቶ ወርሴላ ሃሳያ ሃሳዬዳ

17 ጳውሎሲ ሚሊጌ፤ ኤፌሶኔ ኪቴዳ፤ አማኒያ አሳ ካሌሊያዋንታ ጌሊሴዳ። 18-19 ዋሳ ጎሌ ጨማቱ ጳውሎሳኮ ዪና፤ ኡንቲንታ ኢ ሃዋዳን ያጌዳ፤ «ታኒ ኢሲያ ጌሌዳ ኮይሮ ጋላሳ፤ ደሚን፤ ካወሻቲላኒኔ ዳሮ አፎላኒ ጎዳሲ አላዳ፤ አዪሁዳቱዋ ሸቆዋ፤ ታና ጋኬዳ ፓጩ ጌዴዳ ዋዲያ ኡባን ሂንቲንቲና ዋናዴ ዴዳዲታንቶ ሂንቲንቲ ኤሪታ። 20-21 ናጋራ፤ ያሳኮ ሲሚያዋኔ ኑ ጎዳ ዩሱሲ ኪሪሰቶሳ አማኒያዋ አዪሁዳቱዋሲኔ አዪሁዳ ጌዴናዋንቶ ማርካታዳ፤ ሸቆዋንካ ሂንቲንቲ ጎሌን ጎሌንካ ሂንቲንቶ ኦዳዴ ታማሪሴዳዋ፤ አቲን፤ ሂንቲንታ ጎዲያባ፤ አቲባኔ ፓጩሳ ቤይኬ።

22 «ቤዒቲ፤ ሃዒካ ታኒ ጌሻ አያናሲ አዛዜታዳ፤ ዩሩሳላሜ ባይ፤ ያኒ ታው አዬ ኬሳኔንቶኔ ኤሪኬ። 23 ጌሻ አያናይ ቃሹኔ ዋዪ ታና ናጌያዋ ካታማ ኡባን ታው ኦዴ። 24 ሺን ታ ዋላ ፖላናወኔ ጎዳ ዩሱሲ ኪሪሰቶሳ፤ ታኒ አኬዳ ኦሱዋ ያሳ አቆ ኬካቲላ ዋንጋላ ሚሺራቸዋ ማርካቲያዋ ፖላናው፤ ታ ሸምቸዋ ማዴናዋዳን ፓይዳይ።

25 «ቤዒቲ፤ ታኒ ሃዒካ ያሳ ካወቲላሳ ኦዳዴ፤ ሂንቲንቲ ኡባ ጌደን ዩያዳ፤ ሲሚ ሃዋ፤ ሲንላው ሂንቲንቲ፤ ኦኒኔ ታና ቤዒናዋ ኤራይ። 26 ሄዋ ዲራው፤ ሂንቲንቲ አቲ ኡሪይ ባዮ፤ ታኒ ሄዋን ጌሊናዋ ሃቸ ሂንቲንቶ ጌሻዴ ኦዳይ። 27 አዪሲ ጎ፤ ያሳይ አላናው ቆፔዳዋ ኡባ ሂንቲንቶ አይኔ አሸናን ኦዳዲ።

28 «ዩሱሲ ባሬ ሱላን ዋዜዳ ያሳ አማኒያዋንታ ናጌ፤ ቃሲ ጌሻ አያናይ ሂንቲንታ ካፓቱዋ ኦሊዳ ሱንሌዳ ወዲያ ኡባኔ ሂንቲንቲ ሁጲያ ናጌ። 29-30 ታኒ ቤዳዋ፤ ጉዩያን፤ ወዲያሲ ቃሬቲና ኢታ ዋራካናቲ ሂንቲንቲ ጌዳ ጌላናዋንታ፤ ካሊያዋንታ ባሬንቲ ጌዳዋ ካሌላናው ዋርዲዋ ሃሳዬያ አሳቲ ሂንቲንቲ ጌዳ፤ ዴንዳናዋ ኤራይ። 31 ሄዋ ዲራው፤ ታኒ ሄዙ ላይላ ቃማኔ ጋላሳ አፎላኒ ሂንቲንታ ሁጲያን ሁጲያን ሚኒሲያዋ አጋቤናዋ ቆፔዳ ጌንጨ።

32 «ሃዒካ ሂንቲንታ ሚኒሳናወኔ ጌሻ አሳ ኡባ ጌደን ላቲሳናው ዳንዳዪያ ያሳሲኔ አ አቆ ኬካቲላ ቃላሲ ሂንቲንታ ሃዳራ አማይ።

33 «ታኒ አፔኔ ቢራ ዋይ ዋርቃ ዋይ ማዩዋ አዋታቤይከ፤ 34 ታኒ ሃ ታ ኩሺያን ታናኔ ታናኔ አቲ፤ ዴዳዳዋንታ ኮሺዳዋ ኦሊዳዋ ሂንቲንቲ ሂንቲንቲ ሁጲው ኤሪታ። 35 ሂንቲንቲ ሃዋዳን

ዳቡሪ ኦሊዳ፡ ዳቡራንቻቱዋ ማዳናሲኔ ጎዳ ዩሱሲ ባሬ ሁጳው፡ ለኪያዋ፤ ኢሚያዌ አንጃቲዳዋ) ጌዳዋዳን፡ አ ቃላ ሂንቲንቱ ዋዛና አላናው ቤሲያዋ ታኒ ጮራ ኦጊያን ሂንቲንታ ቤሳዲ» ያጌዳ።

36 ጳውሎሲ ሄዋ ሃሳይ ወርሲዳ፡ ኡንቱንቱ ኡባና ኢቲፔ ጉልባቲዳ፡ ፆሳ ዋሴዳ። 37 ኡንቱንቱ ኡባይ ጳውሎሳ ኢዲሚዳ፡ ዩኪዳ ዩሬዲኖ። 38 ኡባፔ ኢ፡ «ታና ለዓሉዋ ኡባካ ቤዒኪታ» ያጌዳ ቃላይ ኡንቱንታ ዳር ቃሬሊና ማርካቢያ ጋካናው አ ሞዩዜዲኖ።

21

ጳውሎሲ ዩሩሳላሜ ቤዳ

1 ኦኒ ኤፌሶኔ ጨማቱዋፔ ሻኬቲዳ፡ ቆሳ ጌቲቲያ ሃላን ዶዴቶ ሳሳ ዩ አጌዶ፤ ዋንቲሳ ጋላሲ ሮዳ ጋኬዶ፤ ሄዋፔ ጳጳራ ቤዶ።

2 ፒንቄ ፒኒያ ማርካቢያ ዳሚዳ፡ ኦኒ ጌሊዳ ባናው ዳንዳዶ።

3 ኦኒ ቆጲርሳፔ ቤናናው ዳንዳዩያሳ ዩዳ፡ አዋይ ኬሲያሳ ጃሊያ ዋዳ ቆጲርሳ ሃዲርሳ ባጋ ዩጊዳ፡ ሶሪያ ቤዶ፤ ሄዋፔ ጉዩያን ጃርሳ ጋኬዶ፤ አዩሲ ጎፔ፡ ማርካቢ ባሬ ጫና ጃርሳን ዋሴ። 4 ያኒ ካሊያዋንታ ዳሚዳ፡ ኡንቱንቱና ላፑ ጋላሳ ኡቴዶ፤ ጳውሎሲ ዩሩሳላሜ ቤና ማላ፡ ኡንቱንቱ አው አያናን ኦዳዲኖ። 5 ኦኒ ኡንቱንቱና ኡቲያ ዋዲ ወሪና፡ ኬሲዳ ቤዶ፤ ኡንቱንቱ ኡባቱ ባሬንቱ ማጫዋንቱናኔ ባሬንቱ ናና ኢቲፔ ካታማፔ ካሬው ኬሳና ጋካናሲ፡ ኦና ሞዩዜዲኖ፤ ኦኒ አባ ዶናን ጉልባቲዳ፡ ፆሳ ዋሴዶ። 6 ሄዋፔ ጉዩያን፡ ኢቱ ኢቱዋ ሳርቲዳ፡ ማርካቢያን ጌሌዶ፤ ኡንቱንቱ ባሬንቱ ሶይ ሲሚዲኖ።

7 ኦኒ አባ ኦጊያ ወርሲዳ፡ ጃርሳፔ ጳጳሌማይሴ ጋኬዶ፤ ኢሻቱዋ ሳርቲዳ፡ ኡንቱንቱ ማታን ኢቲ ጋላሳ ፔሼዶ። 8 ዋንቲሳ ጋላሲ ኬሲዳ፡ ቂሳሪያ ቤዶ፤ ዋንጋላ ሚሺራቹዋ ኦዲያ ፒሊጳሳ ሶይ ጋኪዳ፡ አ ማታን ኡቴዶ፤ ዩሩሳላሜን ዶሬቴዳ ላፑናቱዋፔ ኢ ኢቱዋ። 9 ፒሊጳሳሲ ናባቱዋ ጊዳዳ ኦይዳ ዋዶር ማጫ ናናቱ ዳዲኖ።

10 ኦኒ ኡንዴኔዳ ጋላሳ ኡቴዳ ዋዳ፡ ናቢያ አጋቦሳ ጊያ ቢታኒ ዩሁዳፔ ቂሳሪያ ዩዳ። 11 ኦኩ ዩዳ፡ ጳውሎሳ ሳቂያ አኪዳ ባሬ ኩሺያኔ ባሬ ጌዲያ ቃቺዳ፡ «ጌሻ አያናይ ጊያዌ ሃዋ፤ ሃ ሳቂያ ጎዳ ዩሩሳላሜን አዩሁዳቱ ሃዋዳን ቃቺዳ፡ አዩሁዳ ጊዳና አሳቱዋሲ አሊዳ ኢማና» ያጌዳ።

12 ኑኒ ሄዋ ሲሴዳ ዋዴ፣ ኑኒኔ ያኒ ዴዲያ ኣሳቱ ጳውሎሲ ዩሩሳላሚ ቤና ማላ ዋሴድ። 13 ሺን ጳውሎሲ ዛሪዴ፣ «ሂንቲንቱ ዩኪዴኔ ታ ዋዛና ቃሬቲሲዴ ዋኒቱ? ታኒ ጎዳ ዩሱሳ ሱንጎ ዲራው ቃሽታናዋ ፃላላ ጊዴናን፣ ሃራይ ኣቶ ዩሩሳላሚን ሃይቃናዉካ ገጋ ኡታዲ» ያጌዳ።

14 ዘሪያ ኢ ኣኩናን ኢዲና፣ «ጎዳይ ጌዳዌ ሃና» ያጌዴ ጮቡ ጌድ።

15 ያኒ ኣማራዳ ዋዲያ ጋሚዔዳዋፔ ጉዩያን፣ ገብቲዴ ዩሩሳላሚ ባናው ከሴዳ። 16 ቁሳሪያን ዴዲያ ካሊያዋንቱፔ ኣማራዳዋንቱ ቃሲ ኑናና ቤዲኖ፤ ኡንቲንቱ ኑኒ ኣቃናሳ ሚናሶና ገያ ቆጲሮሳ ቢታኒያ ሶይ ኑና ኣፌዲኖ፤ ሚናሶኒ ዳሮ ዋዲያፔ ደሚዴ ካሊያዋ።

ጳውሎሲ ዩሩሳላሚን ያዩቆባ ኦቺዳ

17 ኑኒ ዩሩሳላሚ ጋኩዳ ዋዴ፣ ኢሻቱ ኑና ናሹቻን ሞኪዲኖ።

18 ዋንቲሳ ጋላሲ፣ ጳውሎሲኔ ኑኒ ያዩቆባና ጋኩታናው ቤድ። ዋሳ ጎሌ ጨማቱ ኡባቱካ ዴዲኖ። 19 ጳውሎሲ ኡንቲንታ ሳሮቲዳዋፔ ጉዩያን፣ ኣዩሁዳ ጊዴና ኣሳ ጊድን ባሬ ባጋና ያሳይ ኦሌዳዋ ኡንቲንቶ ዉርሲዴ ኦዴዳ።

20 ኡንቲንቱ ሄዋ ሲሴዳ ዋዴ ያሳ ጋላቲዴ፣ ጳውሎሳ ሃዋዲን ያጌዲኖ፤ «ኑ ኢሻው፣ ኣዩሁዳቱዋ ጊድን ያሳ ኣማኔዳዋንቱፔ ኣፑን ሻዓይ ዴዲኖንቶ ቤዓሳ፤ ኡንቲንቱ ኡባይ ሂጊያ ሚኒሲ ናገኖ። 21 ዩሩሳላሚ ኣዩሁዳቱ፣ ኣዩሁዳ ጊዴናዋንቱ ጋዲያን ዴዲያ ኣዩሁዳ ኡባቱ ባሬንቱ ናና ቃፃሬና ማላ፣ ዋይ ኣዩሁዳቱ ኦሊያዋ ካሌና ማላ፣ ሙሴ ሂጊያካ ባዩዛና ማላ ኔኒ ታማርሲያዋ ሲሴዲኖ። 22 ያቲና፣ ኣዩ ሎዑ? ኔኒ ዩዳዋ ጮራቱ ሲሲያ ዲራው፣ ሸቄናን ኣገኪኖ።

23 «ሄዋ ዲራው፣ ሃዋ ኑኒ ኔው ኦዲያዋ ኦላ፤ ኢቲፔ ሸቄ ዴዲያ ኦይዲ ኣሳቱ ኑ ማታን ዴዲኖ። 24 ኡንቲንታ ኣካዴ ኡንቲንቱና ጌያ፤ ቃሲ ኡንቲንቱ ባሬንቱ ሁጲያ ሜዳታና ማላ፣ ኡንቲንቶ ሚሻ ኢማ፤ ኡንቲንቱ ኡባይ ኔዋ ሲሴዳዌ ቱማ ጊዴናዋኔ ኔኒ ኔ ሁጲዉካ ቃሲ ሙሴ ሂጊያ ናጋዴ ማራን ዴዲያዋ ኤራና።

25 «ሺን ኣማኔዳ ኣዩሁዳ ጊዴና ኣሳቱዋ ጊድፔ፣ ኡንቲንቱ ኤቃው ያርሹዳዋ ሜና ማላኔ ሱላ ኡሸና ማላ፣ ባኩቲዳ ሜሂያ ኣሹዋ ሜና ማላኔ ዋሹሚና ማላ፣ ኑኒ ዩዉዋ ቃቺዴ፣ ኡንቲንቶ ዳቢዳቢያ ፃፌድ» ያጌዲኖ።

26 ህዋፔ ጉዪያን፣ ጳውሎሲ ዋንቲሳ ጋላሲ አሳቱዋ አኪዳ፣ ኡንቱንቱና ጌዬዳ፤ ኢ ባሬንታ ጌሹሳ አዉዴ ፖሊንቶ ኤሪሳናዉኔ ቃሲ ያርሹዋ ሁጲያን ሁጲያን አዉዴ ኢማኔንቶ ኤሪሳናው ጌሻ ጎሊያ ጌሌዳ።

ጳውሎሲ ጌሻ ጎሊያን ኦይቄቲዳ

27-28 ላፑ ጋላሳይ ዉራና ሃኖዴ፣ ኢሲያፔ ዬዳ አዪሁዳቱ ጌሻ ጎሊያን ጳውሎሳ ቤዒዴ፣ አሳ ኡባ ሃንቄሊዴ፣ «ኢሰራዔሊያ አሳው፣ ኑና ማዲቲ፤ ኢሰራዔሊያ አሳ፣ ሙሴ ሂጊያኔ ሃ ጌሻ ጎሊያ ኢዲዴ፣ ኡባሳን አሳ ኡባ ታማሪሲያዌ ሃ ቢታኒያ፤ ጉጂዴ ቃሲ ጊሪኬ አሳካ ጌሻ ጎሊያ ጌሊሲዴ፣ ሃ ጌሻ ሳዓ ቱኒሴዳ» ያጊ ዋሲዴ፣ ጳውሎሳ ኦይቄዲኖ። 29 ኡንቱንቱ ካሴ ኤፊሶኔን ዴዒያ ደርፊዋሳ ጳውሎሳና ካታማን ቤዔዳ ዲራው፣ ጌሻ ጎሊያ ጳውሎሲ ኣ ጌሊሴዳዋ ኡንቱንቶ ማላቲዳ።

30 ካታማ ኡባይ ሻቢራቲዳ፤ አሳይ ኡባይ ሸቄዴ ጳውሎሳ ኦይቄዴ፣ ጌሻ ጎሊያፔ ካሬው ጎቺ ኬሴዳ፤ ህ ማንዒያንካ ጌሻ ጎሊያ ፔንጌቱ ቃሹቲ አጌዲኖ። 31 አሳይ ጳውሎሳ ዋቆና ሃኒሸን፣ «ዬሩሳላሜ ካታማይ ሙሉካ ሻቢራቲዲጌዳ» ጌያ ሃሳያይ ሮሜ ጋዲያ ኦላ ካፑዋሲ ጋኬዳ። 32 ህ ኦላ ካፑ ዋታዳራቱዋኔ ጃታቱዋ ካፓቱዋ ኢቲቲ አኪዴ፣ ዋዲዴ አሳ ቦላ ኬሲ ዋዴዳ፤ አሳይ ኦላ ካፑዋኔ ዋታዳራቱዋ ቤዔዳ ዋዴ፣ ጳውሎሳ ሸጨያዋ ባሺ አጌዳ።

33 ህ ዋዴ፣ ህ ኦላ ካፑ ሸቄ፣ ጳውሎሳ ኦይቄዴ፣ ላዑ ሳንላላታን ቃሹታና ማላ አዛዚዴ፣ ኢ ኦኔንቶኔ ቃሲ አያ ኦሌዴንቶኔ አሳ ኦቺዳ። 34 አሳፔ ባጋይ ኢቲባው ዋሲያ ዋዴ፣ ባጋይ ሃራባው ዋሴ፤ ዋሱ ጮራዳ ዲራው፣ ኦላ ካፑዋሲ ቱሙዋ ኤራናው ዳንዳዬቴናን ኢዲና፣ ዋታዳራቱ ጳውሎሳ ባሬንቱ ዴዒያሳ አፋና ማላ፣ ኡንቱንታ አዛዜዳ። 35 ዬዲዴ ኬሲያ ዴላ ጳውሎሲ ጋኬዳ ዋዴ፣ አሳ ሱጌላ ዲራው፣ ዋታዳራቱ ኣ ቶኬዲኖ። 36 አዪሲ ጎፔ፣ ጮራ አሳይ፣ «ኣ ዋቆ!» ያጊዲኔ ዋሲዴ ካሌ።

ጳውሎሲ ሞቱዋሲ ዛሩዋ ኢሜዳ

37 ዋታዳራቱ ጳውሎሳ ባሬንቱ ዴዒያሳ አፋና ሃኒሸን ጳውሎሲ ኦላ ካፑዋ፣ «ታኒ ኔው ኢቲባ ኦዶ?» ያጌዳ።

ህ ኦላ ካፑ ጳውሎሳ፣ «ኔኒ ጊሪኬ ቃላ ኤራይ? 38 ኔኒ ሃዋፔ ካሴ ዋዴ፣ ዋላሳ ኬሳዴ ሸምፑዋ ዋዴዳዋንቱፔ ኦይዲ ሻዓ አሳቱዋ አሳይ ባይና ሜላ ሳዓ ካሌሌዳ ጌብፄ ቢታኒያ ጊዲኪ?» ያጌዳ።

39 ሺን ጳውሎስ፡ «ታኒ አዪሁዳ አሳ፤ ቃሲ ከልቁያን ዴዒያ ጃርሴሴን ዬሌቴዳ ሁጼ ካታማን ዴዒያ አሳ። ሃያና ታና አሳሲ ሃሳዪሳሪኪ!» ያጌዳ።

40 እላ ካፑ ኣ፡ «ሃሳያ» ያጊና፡ ጳውሎስ ዬጲዳ ኬሲያ ዴላን ኤቁዴ፡ አሳይ ጮው ጋና ማላ፡ ባሬ ኩሺያን አሳኮ ጆርሴዳ፡ አሳይ ጮው ጊና፡ ኢብራዪስፄ ቃላን ሃሳዪዴ፡ ሃዋዳን ያጌዳ።

22

1 «ታናዳን አማኒያዎንቶ፡ ታ አዋቶ፡ ታኒ ሃዒ ሂንቲንቶ ኦዲያ ዬወዋ ሲሲቲ!» 2 ጳውሎስ ኡንቲንቶ ኢብራዪስፄ ቃላን ሃሳዪያዋ ሲሲዴ፡ ካሴፕ ሎይሊ ጮው ጊና ኢ ሃዋዳን ያጌዳ።

3 «ታኒ ከልቁያን ዴዒያ ጃርሴሴን ዬሌታዴ፡ ሃ ካታማን ጋማሊያሊ ታና ታማሪሲና ዲጫዴ፡ ኑ አዋቱዋ ሂጊያካ ሚኒሳ ታማራዴ፡ ሃቹ ሂንቲ ኡባይ ሃኒያዋዳንካ፡ ታኒ ፆሳ ዬወዋሲ ሴሌቲያ አዪሁዳ አሳ። 4 ታኒ ማጫ አሳኔ አቱማ አሳ ኦይቃ ኦይቃዴ ቃሾ ጎሌን ዬጌዳ አሳኔ፡ ሃ ኦጊያ ካሊያ አሳ ዎጲሳና ጋካናሲ ሜቶጮዳ አሳ። 5 ሃዋዳንካ፡ ቃሲ፡ ቄሳቱዋ ኡባቱዋ ካፑኔ ጨማ ኡባ ሸቁ ታዋ ማርካታናው ዳንዳዬ፤ ታኒ ዳማስቆን ዴዒያ ኡንቲንቱ ኢሻቱዋ አዪሁዳቱዋሲ፡ ኡንቲንቱፕ ዳቢዳቢያ አካዴ፡ ሄዋን ዴዒያ አሳቱ ቃሹቲዴ ሙሬታናዳን፡ ዬሩሳላሜ ኡንቲንታ አሃናው ያ ባዲ።

ጳውሎስ ከሪስቶሳኮ ሲሜዳ ባሬ ሲማባ ኦዴዳ (ኪት 9:1-19፤ 26:12-18)

6 «ታኒ ባዴ ዳማስቆ ማቲዳ ዎዴ፡ ሴታ ጋላሳ ጊዲሺን፡ ቆፕናን ሳሉዋፕ ዎልቃማ ፖው ታ ማታን ዩዪ አጲዴ ፖዔዳ። 7 ታኒ ሳዓን ከንዳ ኡታዴ፡ ሳፆላ፡ ሳፆላ፡ ታና አያው ዬዳርሳይ?» ጊያ ቃላ ሲሳዲ።

8 «ታኒ ዛራዴ፡ «ታ ጎዳው፡ ኔኒ ኦኔ?» ያጋዲ። «ሄዋፕ ጉዬ፡ «ታኒ ኔኒ ዬዳርሲያ ናዚሬቲያ ዬሱሳ» ያጌዳ።

9 ታናና ኢቲፕ ዴዒያዎንቱ ፖውዋ ቤዒዴ ያዬዲና፤ ሺን ታው ሃሳዪያዋ ቃላ ሲሲቤይኪኖ።

10 « ታ ጎዳው፡ ታኒ አያ ኡዳ?» ያጋዲ። «ጎዳይ ታና፡ «ዴንዳዴ ዳማስቆ ባ። ኔኒ ኦላናው ፆሳይ ቆፕዳ ኡባባይ ኔው ያኒ ኦዴታናዋ» ያጌዳ። 11 ሄ ዎልቃማ ፖውዋ ዲራው፡ ታ አይፊ ቆቁና፡ ታናና ዴዒያ አሳቱ ታ ኩሺያ ኦይቁዴ፡ ታና ጎቹና፡ ዳማስቆ ጋካዲ።

12 «ዳማስቆን ዳዒያ አዩሁዳ ኡባይ ሎይሌ ቦንቸያ ኢቲ ሃናኒያ ጊያ ቢታኒ፥ ኑ ሂጊያሲ አዛዜቲዳ፥ ያሳው ኢሜቲዳ አሳ።
13 ሃናኒ ታኮ ዩዳ፥ ታ ማታን ኤቂዳ ታና፥ ታ ኢሻው ሳየላ፥ ፆላ ያጌዳ። ታኒ ሄ ዎዳ ሄ ማንዒያንካ አኮ ፆላ አጋዲ።

14 «ኢ ታና ሃዎዳን ያጌዳ፤ ሱ አዎቱዎ ያሳይ ኔኒ አ ቆፋ ኤራናው፥ አ ፀሎ ናዓ ቤዓናዉኔ አ ዶናፔካ ሃሳያ ሲሳናው ኔና ካሴና ዶሬዳ። 15 አዩሲ ጎፔ፥ ኔኒ ቤዔዳባኔ ሲሴዳባ አሳ ኡባ ሲንሳን አው ማርካታናሳ። 16 ሃዒካ አያው ጋሚዒይ? ዴንዳዴ ፃማቁታ፤ አ ሱንሳ ፀሳዳ፥ ኔ ናጋራፔካ ሜጩታ» ያጌዳ።

17 «ታኒ ጉዬ ዬሩሳላሜ ሲማዳ ጌሻ ጎሊያን ዎሲሺን፥ ታ አያናን ጊዳዲ። 18 ጎዳይ ታና፥ ሎሌላዳ፥ ዬሩሳላሜ ኬሳ አያው ጎፔ፥ ኔኒ ታው ሃዎን ማርካቲያዎ አሳይ አኩና» ያጌሺን ታኒ አ ቤዓዲ።

19 «ታኒ፥ ታ ጎዳው፥ አዩሁዳ ዎሳ ጎሊያ ኡባን ኔና አማኒያዎንታ ኦይቃዴ ዎዴዳዎኔ ቃሾ ጎሊያን ዬጌዳዎ ኡንቲንቱ ኤሪኖ። 20 ኡንቲንቱ ኔ ማርካ ኢሰፀፋኖሳ ዎዴያ ዎዳ፥ ታኒ ሄ ዬወዎ ኤኖ ጋዲ። ቃሲ ኡንቲንቱ ሚዩያን ኤቃዳ፥ አ ዎዴያዎንቱ ማዩዎ ናጋይ» ያጌዳ።

21 «ጎዳይ ታና፥ ታኒ ኔና አዩሁዳ ጊዳና አሳኮ ሃኮሳ ከቲያ ዲራው ባ) ጌዳ» ያጌዳ።

ጳውሎሲ ሮሜ አሳ ጊዲያዎ ቆንጨሴዳ

22 ጳውሎሲ ሄ ቃላ ሃሳያና ጋካናው አሳይ ኢ ጊያዎ ሲሴ፤ ሄዎፔ ጉዩያን፥ ባሬንቱ ኮሻ ቶቁ ኦሊዳ፥ «ሃዎ ጋዲያፔ ቆዩሳ፤ ኢ ዳዓናው ቤሴና» ያጌዲኖ።

23-24 ኡንቲንቱ ዎሲሺን፥ ባሬንቱ ማዩዎ ቦላው ኦሊሺኒኔ ባና ጫርኩዎን ላሊሺን፥ ኦላ ካፑ ዎታዳራቱ ጳውሎሳ ባሬንቱ ዳዒያሳ አፋና ማላ አዛዜዳ። ቃሲ አሳይ አዩሲ ሄዎዳን አቦላ ዎሴዲኖንቶ ኤራናው፥ ጳውሎሳ ሊሱዎን ሾጫና ማላ፥ ኡንቲንታ አዛዜዳ። 25 ሺን ዎታዳራቱ ጳውሎሳ ዳፋዎን ሚኒሲ ቃቹዳ ዎዳ፥ ጳውሎሲ ባሬ ማታን ኤቁዳ ፀታቱዎ ካፑዎ፥ «ሮሜ ጋዲያ አሳ ፒርዳይ ባይናን ሾጪያዌ ሂንቲንቶ ዎጌ?» ያጌዳ።

26 ሄዎ ፀታቱዎ ካፑ ሲሴዳ ዎዳ፥ ኦላ ካፑዎኮ ቢዳ፥ «ሃ ቢታኒ ሮሜ አሳ። ኔኒ አያ ኦላና ቆጋይ?» ያጌዳ ኦቹዳ።

27 ኦላ ካፑ ጳውሎሳኮ ሺቂዳ፥ «ኔኒ ሮሜ አሴ? ታው ኦዳ» ያጌዳ።

ጳውሎሲ፥ «ኤ» ያጌዳ።

28 ኦሳ ካፑ ጳውሎሳው ዛሪዳ፡ «ታኒ ሃ ዛሬቴላ ዳሮ ሚሻን ሻማዲ» ያጌዳ።

ሺን ጳውሎሲ፡ «ታኒ ሄ ዜሬላፔ ዬሌታዲ» ያጌዳ።

29 ሄዋ ዲራው፡ ጳውሎሳ ቢዳናው ቆፔዳዋንቱ ማንዲያን ኣፔ ሻኬቲ ኣጌዲና። ኦሳ ካፑካ ጳውሎሲ ሮሜ ኣሳ ጊዴዳዋ ኤሬዳ ዋዳ ያዬዳ፤ ኣዪሲ ጎፔ፡ ሳንላላታን ኣ ቃሺሲ ዋሌዳ።

ጳውሎሲ ኣዪሁዳቱዋ ሻንጋቱዋኮ ሺቄዳ

30 ዋንቱላ ጋላሲ ኦሳ ካፑ፡ ኣዪሁዳቱ ጳውሎሳ ኣዪሲ ሞቲዲኖንቶኔ ጌሺዳ ኤራናው ኮዪዳ፡ ጳውሎሳ ቢሌዳ። ያቲዳ ቄሳቱዋ ካፓቱኔ ኣሳይ ኡባይ ሺቃና ማላ ኣዛዜዳ፤ ቃሲ ጳውሎሳ ዲጌ ዋሊዳ፡ ኡንቱንቱ ሲንሳን ኤሴዳ።

23

1 ጳውሎሲ ሄዋን ሺቄዳ ኣሳ ጫዲ ዪሊዳ፡ «ታናዳን ኣማኒያዋንቶ፡ ታኒ ሃቼ ጋካናዉካ ያሳ ሲንሳን ታ ደዑዋ ኡባን ቲላ ዋዛናን ዳዓዲ» ያጌዳ። 2 ቄሳቱዋ ኡባቱዋ ካፑ ሃናኒ፡ ጳውሎሳ ደና ባቃና ማላ፡ ኣ ማታን ኤቄዳዋንታ ኣዛዜዳ። 3 ጳውሎሲ ሄ ዋዳ ኣ፡ «ላ ሃ ቦሺንቻን ኦኬዳ * ጎዳው፡ ያሳይ ኔና ባቃና። ኔኒ ታ ቦላ ሂጊያን ፐርዳናው ኡታዳ፡ ዋጋይ ባይናን ታና ባቃና ማላ ኣዛዛይ?» ያጌዳ።

4 ጳውሎሳ ማታን ኤቄዳዋንቱ ኣ፡ «ኔኒ ያሳ ቄሳቱዋ ኡባቱዋ ካፑዋ ቦራይ?» ያጌዲና።

5 ሄዋፔ ጉዬ ጳውሎሲ፡ «ታናዳን ኣማኒያዋንቶ፡ ኢ ቄሳቱዋ ኡባቱዋ ካፑዋ ጊዴዳዋ ታኒ ኤራቤይኬ፤ ኣዪሲ ጎፔ፡ «ኔ ጋዲያ ሞዲያዋ ቦላ ኢታ ቃላ ሃሳዮፓ» ጌቲቲዳ ያሳ ማፃፋን ፃፊቲዳ» ያጌዳ።

6 ሺን ጳውሎሲ ባጋቱ ሳዲቃዋናቱዋ፤ ባጋቱ ፓሪሳዋቱዋ ጊዴዳዋ ቤዒዳ፡ «ታናዳን ኣማኒያዋንቶ፡ ታኒ ፓሪሳዊያኔ ፓሪሳዊያ ናዓ፤ «ሃይቄዳዋንቱ ሃይቄዋፔ ዳንዳናዋንታ» ጋዴ ታኒ ናሺቻን ናጊያ ዲራው፡ ኡንቱንቱ ታ ቦላ ፐርዲና» ያጌዳ፡ ጶቄ ኦሳዳ ሃሳዬዳ።

7 ጳውሎሲ ሄዋ ያጊና፡ ፓሪሳዋቱዋ ጊደኒኔ ሳዲቃዋናቱዋ ጊደን ዋላሳይ ኬሲና፡ ሺቄዳ ኣሳይ ላሌቲዳ። 8 ኣዪሲ ጎፔ፡ ሳዲቃዋናቱ፡ «ሃይቄዳ ኣሳይ ዳንዳና፤ ኪታንቻይካ ኣያናይካ ባዋ» ያጌዲና፤ ፓሪሳዋቱ ቃሲ ላዑካ ዳዒያዋ ኣማኒና።

* 23:3 ቦሺንቻን ኦኬዳ፡ ኢቲ ኡራይ ሎዓ ማላታና ማላ ኦሱሳ፡ ሺን ጊዳና።
23:5 ኬስ 22:28

9 ዋለቃማ ዋላሳይ ዳንዳዳ፤ ፓሪሳዋቱዋ ባጋፔ ሙሴ ሂጊያ ታማርሲያዋንቱ ዳንዲ ኤቂዳ፡ «ሃ ቢታጊያ ቦላ አይኔ ባላ ዳሚቤይኮ፤ አው አያናይ ዋይ ኪታንቻይ ሃሳዬናን አጌና» ያጊዳ ፓሉሚቴዲና።

10 ዋላሳይ ዳሪና፡ ኦላ ካፑ ጳውሎሳ ኡንቱንቱ ሜንጮሬላኔንቶኔ ጊ ያዪዳ፡ ባሬ ዋታዳራቱ ዋዲዳ፡ ኡንቱንቱ ጊዶፔ አ ኤሌካ ኬሲዳ፡ ባሬንቱ ዳዲያሳ አፋና ማላ አዛዜዳ።

11 ሄ ቃማ ጎዳይ ጳውሎሳ ማታን ኤቂዳ፡ «ጳውሎሳ፡ ኔኒ ታው ዩሩሳላሜን ማርካቱዳዋዳን፡ ሮሜንካ ማርካታናው ቤሴ፤ ሚና፤ አይኔ ባዋ» ያጊዳ።

ጳውሎሳ ዋዳናው ኦሴቴዳ ማቁዋ

12 ዋንቲሳ ጋላሲ፡ አዪሁዳቱ ጳውሎሳ ዋዳና ጋካናሲ፡ ሚናዳኒኔ ኡሸናዳን፡ ጫቁቲዳ ጊጌቲዲና። 13 ጳውሎሳ ቦላ ሄዋ ማቁቲዳ አሳቱ ኦይታሙዋፔ ዳሪና። 14 ኡንቱንቱ ቁሳቱዋ ካፓቱዋኮኔ ጨማቱዋኮ ዪዳ፡ «ኦኒ ጳውሎሳ ዋዳና ጋካናሲ፡ አይኔ ባሬናዳን፡ ጊጌቲ ኡቲዶ። 15 ሄዋ ዲራው፡ ሂንቲንቱኔ ሸቂዳ አሳይ ጳውሎሳባ ጌሺዳ ቢዲያዋ ማላቲዳ፡ ኦላ ካፑ አ ሂንቲንቱኮ ዲጌ ዋላና ማላ ኦቺቲ፤ ኦኒ ኢ ሃ ሺቃናፔ ካሴና አ ዋዳናው ጊጊ ኡቲዶ» ያጊዲና።

16 ሺን ጳውሎሳ ሚቻቲ ናዓይ ሄ ማቁዋ ሲሴዳ ዋይ፡ ቢዳ ዋታዳራቱ ዳዲያሳ ጌሊዳ፡ ጳውሎሳው ኦዳዳ። 17 ጳውሎሲ ጭታቱዋ ካፓቱዋፔ ኢቱዋ ጭሲዳ፡ «ሃ ናዓ ኦላ ካፑዋኮ አፋ፤ አዪሲ ጎፔ፡ ኦላ ካፑዋሲ ኢ ኦዲያዌ ዳዔ» ያጊዳ።

18 ሄዋ ዲራው፡ ጭታቱዋ ካፑ ናዓ ኦላ ካፑዋኮ አፊዳ፡ «ቃሾ ጎሌን ዳዲያ ጳውሎሲ፡ ሃ ናዓይ ኔው አዪንቶ ኦዲያባይ ዳዲያ ዲራው፡ ታና ባሬኮ ጭሲዳ፡ አ ኔኮ አሃናዳን፡ ታና ዋሴዳ» ያጊዳ።

19 ኦላ ካፑ ናዓ ኩሺያ ኦይቂዳ፡ ዲማ ጋፃ ኬሲዳ፡ «ኔኒ ታው ኦዳናባይ አዬ?» ያጊዳ ኦቺዳ።

20 ናዓይ ኦላ ካፑዋሲ፡ «አዪሁዳቱ ጳውሎሳባ ካሴፔ ሚኒሲ ኦቺያዋ ማላቲዳ፡ ኔኒ ሸቂዋ አ ኡቲሳናዳን፡ ኔና ዋንቲ ዋሳናው ዘሬታ ቃቼዲና። 21 ሺን ኔኒ ኡንቱንቱ ጊያዋ ሲሶፓ፤ አዪሲ ጎፔ፡ ኦይታሙዋፔ ዳሪያ አሳቱ ጳውሎሳ ዋዳና ጋካናሲ፡ ቁማ ሚናዳኒኔ ሃላ ኡሸናዳን፡ ጫቁቲዳ ጌሜቲ ኡቲዳ አ ናጊና፤ ኔኒ ጊያዋ ሲሳናው ሃዒካ ጊጌቲ ኡቲዳ ናጊና» ያጊዳ።

22 ሄዋ ዲራው፡ ኦላ ካፑ ናዓ፡ «ሃ ዬወዋ ኔኒ ታና ኤሪሴዳዋ ኦሲኔ ኦዶፓ» ያጊዳ አዛዜዳዋፔ ጉዪያን፡ አ ዬዳዳ።

ጳውሎስ ጋዲያ ሞዲያ ፊሊኪሳ ሲንላ ሸቄዳ

23 ኦላ ካፑ ጭታቱዋ ካፓቱዋ፤ ላዑዋ ጭሲዳ፡ «ቀሳሪያ ባናው፡ ላዑ ጭቱ ዋታዳራቱዋ፡ ላፑን ታሙ ፓራ ኦይቄዳ ኣሳቱዋኔ ላዑ ጭቱ ቶራንቻቱዋ ቃማፔ ሄዙ ሳቲያን ገቢሲቲ፤ 24 ጋዲያ ሞዲያ ፊሊኪሳኩ ጳውሎሳ ሳሮቲላን ጋላናው ቶጊሲያ ማሂያኔ ገቢሲቲ» ያገደ፡ ኡንቱንታ ኣዛዜዳ። 25 ኦላ ካፑ ሃዋዳን ገያ ዳቢዳቢያ ፃፊዳ።

26 «ቃላወዳዮሳ ሉሲዮሳ፤ ጋዲያ ሞዲያ ቦንቹቲዳ ፊሊኪሳ! ሳሮቲላይ ኔው ገደ። 27 ኣዪሁዳቲ ሃ ቢታኒያ ኦይቄዳ ዋቆና ሃኒሺን፡ ሮማ ካታማ ኣሳ ኢ ገዳዳዋ ኤራዳ፡ ዋታዳራቱዋና ጋካዳ ኣ ኣሻዲ። 28 ኡንቱንቱ ኣ ኣዪሲ ሞቲዲኖንቶ ኤራናው ኮያዳ፡ ዲጌ ኡንቱንቱ ሸቄዋሲ ኣ ኣፋዲ። 29 ኡንቱንቱ ባሬንቱ ሂጊያባ ኢ ኦቹዳዋሲ ኣ ሞቲዳዋፔ ኣቲን፡ ኣ ዋቋሲያ ዋይ ቃሺሲያ ሞቶ ገዳና። 30 ኡንቱንቱ ሃ ቢታኒያ ቦላ ማቄቲ ኡቲዳ ዘገሪሳይ ታና ጋከና፡ ታኒ ሄ ማንዲያንካ ኣ ኔኮ ዬዳ ኣጋዲ፤ ኣ ሞቲያዋንቱካ ቢዳ፡ ኔ ሲንላን ሞታና ማላ ኦዳዲ፤ ሳሮ ዳዓ» ያገደዳ።

31 ሄዋ ዲራው፡ ዋታዳራቱ ኣዛዜቲዳዋዳንካ ጳውሎሳ ኣኪዳ፡ ቃማ ኣንቲዳጳሪሳ ጋሌዲኖ። 32 ዋንቲሳ ጋላሲ ኣናና ባና ማላ ፓራ ቶጎ ኣሳቱዋ ዋሲዳ፡ ጌዲያን ቢያዋንቱ ጉዬ ዋታዳራቱ ዳዒያሳ ሲማዲኖ። 33 ፓራዋንቱ ቀሳሪያ ጌሊዳ፡ ዳቢዳቢያ ጋዲያ ሞዲያዋ ኢሚዳ፡ ጳውሎሳ ኣ ሲንላ ኣሌዲኖ። 34 ጋዲያ ሞዲያዋ ዳቢዳቢያ ናባቤዳዋፔ ጉዪያን፡ ጳውሎስ ሃቃ ኣውራጃ ኣሴንቶ ኣ ኦቹዳ፤ ኪልቂያ ኣሳ ኢ ገዳዳዋ ኤራዳ ዋዳ። 35 «ታኒ ኔባ ኔና ሞቲያዋንቱ ዪያ ዋዳ ሲሳና» ያገደዳ፡ ዋታዳራቱ ሄሮዲሳ ካወቲላ ጎሌን ኣ ናጋና ማላ ኣዛዜዳ።

24

ጳውሎሳ ኣዪሁዳቲ ሞቲዲኖ

1 ኢቹሹ ጋላሳፔ ጉዪያን፡ ቄሳቲዋ ኡባቲዋ ካፑ፡ ሃናኒያ፡ ጨማቱዋናኔ ፃሮፃሉሳ ገያ ኢቲ ፃባቃና ዲጌ ቀሳሪያ ዋቆዳ፤ ኡንቱንቱ ጋዲያ ሞዲያዋ ቦላ ጳውሎሳ ሞቲዲኖ። 2-3 ጳውሎስ ጭሲቲዳ ዋዳ፡ ፃሮፃሉሴ ኣ ሃዋዳን ያገደዳ፡ ሞቲዋ ደማዲ። «ቦንቹቲዳ ፊሊኪሳ፡ ኩኒ ኔ ባጋና ደሮ ሳሮቲላ ዳማደሺን፡ ኔ ቆፋን ሃ ጋዲያሲ ኡባባኒ ኡባሳንካ ሎዎ ላሚ ቤቲያዋ ኔና ሎይሴ ጋላቲዳ፡ ሃዋ ኣኬቶ። 4 ሸን ታኒ ኔና ጋሚዔሌናን፡ ደያ ገዳዳ ኔ ከካቴላን ኩባ ኔኒ ቃንላን ሲሳና ማላ፡ ኔና ዋሳይ። 5 ኣዪሲ

ጎጥ፣ ሃ ቢታኒ ቆቦ ገዲዴ፣ ሳዓ ኡባን ዴዲያ አዩሁዳቱዋ ገደን
 ዋላሳ ዴንጤዳ፣ ናዚራዋቱ ባጋ አሳ ካሌሊያዋ ገዴዳዋ ኤሬድ።
 6 ሃራይ አቶ ጌሻ ጎሊያካ ቱኒሳናው ኮዩሺን አ ኦይቂዴ፣ ኑ
 ሂጊያዳን፣ አ ቦላ ፒርዳናው ቆፔድ፤ 7 ሺን ኦላ ካፑዋ ሉሲዮሲ
 ዩዴ፣ ዋለቃን ኑ ኩሺያፔ አ ዋሊ አኬዳ። 8 አ ሞቲያዋንቱካ
 ኔኮ ያና ማላ አዛዜዳ፤ ኔኒ ኔ ሁጴው ሃ ቢታኒያ ቢዳዴ፣ ኑኒ አ
 ሞቲያ ዩወዋ ኡባ ኤራናው ዳንዳያ» ያገዳ።

9 አዩሁዳቱካ ቃሲ፣ «ሃ ዩወ ቱማ» ገዴ፣ አ ቆፋ አኬዲኖ።

ጳውሎሲ ፊሊኪሳ ሲንሳን ሞቶ ዛሩዋ አሜዳ

10 ጋዲያ ሞዲያዌ ጳውሎሳ ያናዳን ወቲና፣ ኢ ሃዋዳን ያገዴ
 ዛሬዳ፤ «ኔኒ ዳሮ ዋዲያፔ ደማዴ፣ ሃ አሳሲ ፒርዳዴ ዴዲያዋ ታኒ
 ኤራዴ፣ ታ ዩወዋ ናሺቻን ዛራይ። 11 ታኒ ዩሩሳላሜ ጎዩናናው
 ኬሶዴፔ ታማኔ ላዑ ጋላሳፔ ዳሬናዋ ኔኒ ኔ ሁጴው ኤራና ዳንዳያ።
 12 አዩሁዳቱ ታና ጌሻ ጎሊያን ገዲና፣ አዩሁዳ ዋሳ ጎሊን ገዲና፣
 ካታማን ገዲና፣ ኦናናኔ ፓሉሜቲሺን ዋይ አሳ ሺሻዴ ማቀሺን፣
 ኢቲ ኤራናኔ ቤዒቤይኪኖ። 13 ኡንቱንቱ ሃዒካ ታና ሞቲያዋ
 ሻቲማናው ዳንዳይኪኖ።

14 «ሺን ታኒ ሃዋ ኔው ኦዳይ፤ ታኒ ሙሴ ሂጊያን ዴዲያዋኔ
 ናባቱ ፃፌዳ ኡባባ አማናናዳን፣ ኑ አዋቱዋ ያሳሲ ኡንቱንቱ
 ዋርዶ ገያ ኦጊያን ጎሹታይ። 15 ሃዋንቱ ባሬንቱ ሁጴው፣ አሳይ
 ኡባይ፣ ዋርዶካ ፃሊካ ሃይቁዋፔ ዴንዳናዋንታ ገያዋዳን፣ ታኒካ
 ኡንቱንቱ ዴንዳያዋ ያሳኒ ሂደታ ዋላዴ አሙዋኒ ናጋይ። 16 ሄዋ
 ዲራው፣ ታኒ ቃሲ፣ ያሳ ሲንሳኒኔ አሳ ሲንሳን ኡባ ዋዴ፣ ፖኩ
 ባይና ቲላ ዋዛናይ ታው ዴዳና ማላ ሚናይ።

17 «ታኒ ዩሩሳላሜፔ ኬሶዴፔ ጮራ ላይላፔ ጉዩያን፣ ታ ጋዴ
 ሂዩሳሲ ሚሻ ኢማናናወኔ ያርሹዋ ያርሻናው ዩሩሳላሜ ባዲ።
 18 ሄዋ ኦሊሺን፣ አሳይ ሺቆናን፣ ዋላሳይ ዴንዳናን፣ ታኒ ጌሻ
 ጎሊያን ጌዩሺን፣ ኡንቱንቱ ታና ዴሜዲኖ። 19 ሺን ኢሲያፔ ዩዳ
 ኢቲ ኢቲ አዩሁዳቱ ሄዋን ዴዲኖ፤ ኡንቱንቱ ታ ቦላ ዩወዋ ኮዮፔ፣
 ዩዴ ታና ኔ ቦላን ሞታናው ቤሴ። 20-21 ዋይ ታኒ ኡንቱንቱ ገደን
 ኤቃዴ፣ ላይቆዳዋንቱ ዴንዳናዋ አማኒያ ዲራው፣ ሃቼ ሂንቱ
 ሲንሳን ታ ቦላ ፒርዲኖ፣ ጋዴ ሃ ቆቂሳዴ ሃሳዩዳ ኢቲ ቃላፔ
 ኢቲን፣ ሺቆዋ ሲንሳን ኤቂሺን፣ ታ ቦላ ኢቲ ባዩዙዋ ዴሜዳዋ
 ገደፔ፣ ሃዋንቱ ባሬንቱ ሁጴው ሃዋን ኡዳናዋንታ» ያገዳ።

22 ሺን ፊሊኪሴ ያሳ ኦጊያባ ጌሺ ኤሬዳ ዲራው፣ «ታኒ ሂንቱ
 ዩወዋ ኦላ ካፑዋ ሉሲዮሲ ዩያ ዋዴ ኦጊያ ኦይላና» ያገዴ፣
 ፒርዲያ ዋዲያ ሲንሳው ኬሬዳ። 23 ፊሊኪሴ ቃሲ ጳውሎሳ

ቃቹናን ናጋና ማላኔ አ ዳባቱዋፔ ኦኒኔ አው ኦሊሽን፣ ዎይ አኮ ዩሺን ዲጌና ማላ፣ ዪታቱዋ ካፑዋ አዛዜዳ።

ጳውሎሲ ፊሊኪሳኔ ዲሩሲላ ሲንላ ሺቄዳ

24 አማራዳ ጋላሳፔ ጉዩያን፣ ፊሊኪሳኔ አዩሁዳ አሳ ዛሬ ጊዳዳ ባሬ ማቻቲ ዲሩሲሊና ዩዳ፣ ጳውሎሳ ከቲ አሂሲዳ፣ ዩሱሲ ኪሪሰቶሳን አማኒያ ኦጊያ ኢ ሃሳዩሺን ሲሴዳ። 25 ጳውሎሲ ዪሎቴላባ፣ ባሬ ሁጲያ ናጉዋባኔ ያና ፐርዳባ ሃሳዩሺን፣ ፊሊኪሳኔ ያዩዳ፣ «ኔኒ ሃዲው ባ፤ ታው ሚኬዳ ዎዳ፣ ኔና ኪታዳ ዪጊሳና» ያጌዳ። 26 ሄ ዎዳ ቃሲ ጳውሎሲ ቢሌታናው፣ ባሬው ማጋንዎ አማንዳሻ ጊዳ ቆፔዳ፤ ሄዋ ዲራው፣ ዳሮ ዎዳ አ አሂሲ አሂሲዳ፣ አናና ሃሳዩ።

27 ላዑ ላይላ ኩሜዳዋፔ ጉዩያን፣ ፊሊኪሳ ኮታ ጳርቂዮሳ ፐሰዎሲ አኬዳ። ፊሊኪሳኔ አዩሁዳቱዋ ናሼቻናው ኮዩዳ፣ ቃሾ ጎሌን ጳውሎሳ ባሺ አጌዳ።

25

ጳውሎሲ ሮሜ ካቲያኮ ባሬ ዩወዋ አኪዳ ባናው ኦቹዳ

1 ፐሰዎሲ አወራጃ ጌሌዳ ሂዜንሊያ ጋላሳፔ ጉዩያን፣ ቂሳሪያፔ ዩሩሳላሜ ቤዳ። 2 ያኒ ቂሳቱዋ ካፓቱኔ አዩሁዳቱዋ ካሌሊያዋንቱ ጳውሎሳ ሞቲዲና። 3 ኡንቱንቱ ጳውሎሳ ዎጳናው ኦጊያን ቆሴቲ ኡታናው፣ ባሬንቶ ሎዎባ ኡዲዳ አ ዩሩሳላሜ አሃና ማላ፣ ፐሰዎሳ ዎሴዲና። 4 ፐሰዎሲ ኡንቱንቶ፣ «ጳውሎሲ ቂሳሪያን ቃሼቲ ኡቱዳ፤ ታኒ ታ ሁጲወካ ኤሌካ ያ ጉዬ ሲማናው ቆፓ ኡታዲ። 5 ሄዋ ዲራው፣ ኢ አዩንቶ ባዩዜዳዎ ዳዎፔ፣ ሂንቱንቱ ጊዳን አዎቲያዋንቱ ታናና ቂሳሪያ ቤዳ፣ አ ሞቲና» ያጌዳ ዛሬዳ።

6 ፐሰዎሲ ዩሩሳላሜን ሆሰፑን ዎይ ታው ጋላሳፔ አጼናን ኡቲዳ፣ ቂሳሪያ ቤዳ፤ ዎንቲሳ ጋላሲ ፐርዲያሳን ኡቲዳ፣ ጳውሎሳ አሃና ማላ አዛዜዳ። 7 ኢ ጋኬዳ ዎዳ፣ ዩሩሳላሜፔ ዩዳ አዩሁዳቱ አ ማታን ዩዩ አጲ ኤቂዳ፣ ባሬንቶ ሻቲማናው ዳንዳዬቲና ዳሮ ዳዎ ሞቲዋ አ ቦላ ዎጼዲና። 8 ጳውሎሲ ሞቲቲዳ፣ «ታኒ አዩሁዳቱዋ ሂጊያካ ጌሻ ጎሊያካ ሮሜ ካቲያ ቂሳራካ አይኔ ናቃቤይኪ» ያጌዳ።

9 ፐሰዎሲ አዩሁዳቱዋ ናሼቻናው ኮዩዳ ጳውሎሳ፣ «ፑዳ ዩሩሳላሜ ኬሳዳ፣ ሃ ዩወዋባ ያኒ ታ ሲንላን ኦሼታናው ኮያይ?» ያጌዳ ኦቹዳ።

10 ሺን ጳውሎስ፡ «ታኒ ኦሼታናው ቤሲያ ቁሳራ ፒርዳ ጎሌን ኤቃዲ። ኔኒካ ሎይላ ኤሪያዋዲን፣ ታኒ ኦሪሁዳቱዋ ኣይኔ ናቃቤይኪ። 11 ሲሚ ታኒ ናቁዳዋ ወይ ሃይቃናው ቤሲያዋ ኦሌዳዋ ጊደፔ፣ ሃይቁዋፔ ኣታና ጊኬ፤ ሺን ኡንቱንቱ ታና ሞቲያ ሞቱ ማላ ጊዳዳዋፔ ሂኒ ባጋን፣ ኦኒኔ ታና ኡንቱንቱ ኣሊዳ ኢማናው ዳንዳዬና፤ ቁሳራ ታባ ፒርዳ ጋዴ ኦቻይ» ያጌዳ።

12 ሄዋፔ ጉዩያን፣ ፒስፆሲ ባሪናና ዘራቲያዋንቱና ዘራቲ ሲሚዳ ኣ፣ «ኔኒ ቁሳራ ታባ ፒርዳ ጋዴ ኦቻዳ፤ ቁሳራኮ ባናሳ» ያጌዳ ዘራዳ።

ፒስፆሲ ጳውሎሳባ ኣግሪጳና ማቄቲዳ

13 ኣሚራዳ ጋላሳፔ ጉዩያን፣ ካቲያ ኣግሪጳይኔ ባሪኒቄ ፒስፆላ ሳርታናው ቁሳሪያ ቤዲና። 14 ያኒ ኡንቱንቱ ጮራ ጋላሳ ኡቲ ዳዒሺን፣ ፒስፆሲ ካቲያሲ ጳውሎሳባ ሃዋዲን ያጌዳ ኦዳዳ፤ «ሃዋን ፊሊኪሴ ቃቺዳ ባሺ ቤዳ ኢቲ ቢታኒ ዳዒ። 15 ታኒ ዬሩሳላሚን ዳዒሺን፣ ቁሳቱዋ ካፓቱኔ ኣዩሁዳ ጨማቱ ኣ ቦላ ፒርዳና ማላ፣ ታና ዋሲዳ፣ ኣባ ታው ኦዳዲና። 16 ታኒ፣ «ሞቲቲዳ ኡራይ ባሪና ሞቲያዋንቱና ኢቲፔ ኤቄናኒኔ ባሪና ሞቲዳ ዬወዋሲ ዘሩዋ ኢሜናን፣ ኦና ጊደፔኔ ኣሊዳ ኢሚያዌ ሮሜ ኣሳሲ ዋጋ ጊዳና» ያጋዴ ኡንቱንቱ ዘራዲ።

17 «ሄዋ ዲራው፣ ኡንቱንቱ ሃዋን ሺቄዳ ዋዳ፣ ታኒ ጋሚዔናን ዋንቲሳ ጋላሲ፣ ፒርዳ ጎሌ ጌላዳ ጳውሎሳ ኣሃና ማላ ኣዘዘዲ። 18 ኣ ሞቲያዋንቱ ኤቄዳ፣ ኢታባን ኣ ሞቲናን ኣጊኪኖ ጋዴ ታኒ ቆፔዳዋዲን፣ ኣይኔ ኣ ሞቲቤይኪና። 19 ሺን ኡንቱንቱ ባሪንቱ ኣማኔዳባንቱባኒ ጳውሎስ፣ (ፓፃ ዳዒ) ጊያ ሃይቁዳ ኢቲ ዬሱሳ ጌቲቲያ ቢታኒያባ ኣናና ፓሉሜቲዲና። 20 ታኒ ሃ ዬወዋ ዋታዳ ቢዳ ዳማኒታንቱ፣ ቆፋ ቃቺናን ዳዒዳ፣ ጳውሎስ ዬሩሳላሚ ቢዳ፣ ሃ ዬወዋ ያኒ ኦሼታናው ኮዩንቶኔ ጋዴ ኣ ኦቻዲ፤ 21 ሺን ጳውሎስ ባሪ ዬወዋ ኣወጊሰፆሴ ቁሳራ ኦጊያ ኦይላና ጋካናው ናጌታናዲን ኦቺና፣ ታኒ ኣ ቁሳራኮ ዬዳና ጋካናሲ፣ ኢ ቃሼታና ማላ ኣዘዘዲ» ያጌዳ።

22 ሄዋፔ ጉዩ ኣግሪጳይ ፒስፆላ፣ «ታኒ ታ ሁጳወካ ቃሲ ሄ ቢታኒ ጊያዋ ሲሳና ኮያይ» ያጌዳ።

ፒስፆሲ ኣ፣ «ኔኒ ዋንቲ ኢ ጊያዋ ሲሳናሳ» ያጌዳ።

23 ዋንቲሳ ጋላሲ፣ ኣግሪጳይኔ ባሪኒቄ ዳሮ ቦንቹዋን ኦላ ካፓቱዋና ካታማን ዳዒያ ዋልቃማ ኣሳና ዩዳ፣ ፒርዳ ጎሌ ጌሌዲና፤ ፒስፆሲ ጳውሎሳ ኣሃና ማላ ኣዘዘና ኣሂዲና። 24 ፒስፆሲ ሃዋዲን ያጌዳ፤ «ካቲያ ኣግሪጳ፣ ሃዋን ኦናና ዳዒያ ኣሳ

ኡባው፡ አዩሁዳ አሳይ ኡባይ ዩሩሳላሜንካ ሃዋንካ ዋሲዳ፡ <ኢ ሃዋፔ ሲንላው ፓፃ ዳዓናው ቤሴና) ያጊዳ፡ ታና ዋሴዳ ቢታኒያ ሃዋ ቤዒታ። 25 ሺን ኢ አይኔ ሃይቃናው ቤሲያዋ ኦሌዳዋ ታኒ ዳማቤይኬ፤ ኢ ባሬ ሁጹው፡ <አዉጊሰያሴ ቄሳሬ ታባ ፒርዶ ያጋዳ ኦቻዲ) ጌዳ ዲራው፡ ቄሳራኮ አ ዩዳናው ታኒ ቆፓዲ። 26 ታኒ አባ ታ ጎዳ አዉጊሰያሴ ቄሳሬሲ ፃፋናው ቱሙ ዩዉ ታው አይኔ ባዋ፤ ሄዋ ዲራው፡ ኢ ሎይሌ ኦሼቶዋፔ ጉዩያን፡ ታኒ ፃፊያባ ዳማና ማላ፡ ሂንቱንቱ ሲንላ፡ ካቲያ አግሪጳ፡ ኡባ ኔ ሲንላ አ አሃዲ። 27 አዩሲ ጎፔ፡ ቃሼቱዳ ኡራ ኪቲያ ዋዳ፡ አ አያው ሞቱዳንቶ፡ ኤሪሴናን ጮቡ ጊ ባሺያዌ ታው ኤያቴላ ማላቱ» ያጊዳ።

26

ጳውሎሲ አግሪጳ ሲንላን ሃሳዬዳ ሃሳያ

1 አግሪጳይ ጳውሎሳ፡ «ኔኒ ኔባ ሃሳያናው ዳንዳያ» ያጊዳ። ሄ ዋዳ ጳውሎሲ ባሬ ኩሺያ ሚጨዳ ሃዋዳን ያጊ ዛሬዳ።

2-3 «ካቲያ አግሪጳ፡ አዩሁዳቱዋ ዋጋኔ ፓሉማ ኡባ ኔኒ ሎይላዳ ኤሪያ ዲራው፡ ታና አዩሁዳቱ ሞቲያ ዩዉዋ ኡባ ሃቼ ታኒ ኔ ሲንላን ዛሪያዋ ታ ቃዳይ ዳሪሲ ሎዓ ያጋዳ ቆፓይ፤ ሄዋ ዲራው፡ ኔኒ ታ ሃሳያ ሳሌቱናን ሲሳና ማላ፡ ኔና ዋሳይ።

4 «ታኒ ናዓቱላፔ ደማዳ ታ አሳ ጊደኒኔ ዩሩሳላሜን ዳዔዳ ታ ዳዑዋ አዩሁዳ ኡባቱ ካሴፔ ደሚዳ ኤሪና። 5 ታኒ ኮይሮፔ ደማዳ፡ ኦ አማኑዋ ሂጊያ ኦፔኔ ሚኒሲዳ ናጊያ ፓሪሳዋቱዋ ባጋ ፓሪሳዌ ጊዳዳ ዳዒያዋ፡ ኡንቱንቱ ማርካታናው ኮዮፔ ኤሪና።

6 ታኒ ሃዒካ ያሳይ ኦ አዋቱዋሲ አማና ጌዳዋ ናሺቻን ናጊያ ዲራው፡ ፒርዳታናሲ ሃዋን ኤቃይ። 7 ቃሲ ታማኔ ላዑ ኦ አዋቱዋ ዛራቱ ያሳው ቃማኔ ጋላሲ ኡባዳ ሚኒሲ ጎዩኒዳ፡ ያሳይ አማና ጌዳዋ አካናው ናሺቻን ናጊና፤ ካቲያ አግሪጳ፡ አዩሁዳቱ ታና ሞቲያዌ ታኒ ሄዋ ናሺቻን ናጊያ ዲራሳ። 8 አዩሁዳቶ፡ ያሳይ ሃይቄዳዋንታ ዳንሌያዋ አዩሲ አማኒኪቱ?

9 «ታኒ ታ ሁጹዉካ ናዚሬቲያ ዩሱሳ ኤቄታናው ቤሴ ጋዳ ካሴ ቆፓዲ። 10 ታኒ ዩሩሳላሜን ኦሌዳዌ ሃዋ፤ ቄሳቱዋ ካፓቱዋፔ ማታ አካዳ፡ ያሳ አሳቱዋፔ ጮራቱዋ ቃሺሳዲ፤ ኡንቱንታ ዋዲያ ዋዳካ ኡንቱንቱ ሃይቄያዋ ደሳዲ። 11 አዩሁዳ ዋሳ ጎሌ ኡባን ዳር ዋዳ ኡንቱንቱ ሙራዳ፡ ባሬንቱ አማኑዋ ኡንቱንቱ አጋና ማላ ጎዳታዲ፤ ታኒ ዋጋይ ባይናዋ ኡንቱንቶ ሃንቄታዳ፡ ሃራይ አቶ፡ ሃራ ጋዲያ ካታማ ጋካናዉካ ኡንቱንታ ሜቶላይ።

ጳውሎስ ላሬ ሁጹው ኪሪስቶስ ዋቲ አማኔዴንቶ ኦዴዳ (ኪት 9:1-19፤ 22:6-16)

12 «ታኒ ሃ ዩወዋሲ ቄሳቱዋ ካፓቱዋ፤ ማታኔ አዛዙዋ አካዴ ዳማሰቆ ባዲ። 13 ካቱው፡ ታኒ ሴታ ጋላሲ ኦጊያን ዴሲሺን፤ አዋ ፖዑዋ፤ ሎይሊ አጲያ ፖዑ ታናኔ ታናና ቤዳዋንታ ዩዩ አጲዴ፤ ሳሉዋ፤ ፖሲሺን ቤዳዲ። 14 ኮኒ ኡባይ ሳዓን ኩንዴዳ ዋዴ፤ ኢብራዩሰፍ ቃላን፤ ሳዖላ፤ ሳዖላ፤ ታና እያው ዩዴሳን ማቶላይ? ኮኒ ታና ኢፁሳን ኔና ቆሃሳ) ያጊዴ ታው ኦዲሺን ሲሳዲ።

15 «ያታዴ፡ ታ ሳዳው፡ ኮኒ ኦኔ?» ያጋዲ።

«ሳዳይ፡ ታኒ ኮኒ ዩዴሳን ማቶሊያ ዩሱሳ። 16 ሺን ዴንዳ ኤቃ፤ አዩሲ ሳፔ፤ ሃቼ ኮኒ ታና ቤዴዳዋኔ ታኒ ኔና ሲንላፔ ቤሳናዋ ሃራንቶ ማርካታና ማላ፤ ታው ኦሊያዋ ኡዳዴ ኔና ሱንላናው ኔው ቆንጫዲ። 17-18 ኡንቱንቱ ታና አማኒና፤ ኡንቱንቱ ናጋራይ እቶ ጌቱታናዳን፤ ያሳይ ደሬዳ አሳ ጊደን ኡንቱንቱ ባሬንቱ ዴሲያሳ ዴማናዳን፤ ቃሲ ጴማፔ ፖዑ ሲማናዳኒኔ ፃላሂያ ጎዳቱላፔካ ያሳኮ ሲማናዳን፤ ኡንቱንቱ አይፊያ ኮኒ ዶያና ማላ፤ ኢሰራዴሊያ አሳፔኔ ታኒ ኔና ኡንቱንቱኮ ኪቴያ አዩሁዳ ጊዴናዋንቱ፤ ኔና አሻና) ያጌዳ።

19 «ካቲያ አግሪጳ፡ ሄዋ ዲራው፡ ታው ሳሉዋ፤ ቤቱዳ ሳፃሲ ታኒ አዛዜታናዋ ኢፃቤይኬ። 20 ሺን ታኒ ካሴታዴ፤ ዳማሰቆኒኔ ዩራሳላማን ሄዋ፤ ጉዩያን፤ ዩሁዳ ጋዲያ ኡባን ዴሲያዋንቱሲኔ አዩሁዳ ጊዴናዋንቶ ባሬንቱ ናጋራ፤ ሲማና ማላ፤ ቃሲ ናጋራ፤ ሲማናው ቤሲያዋ ኦሊዴ፤ ያሳኮ ሲማና ማላ ቃላ ኦዳዲ። 21 ሄዋ ዲራው፡ አዩሁዳቱ ታና ጌሻ ጎሊያን አይቂዴ ዋቆናው ኮዩዲና። 22-23 ሄዋ ዲራው፡ ታኒ ያሳ ማዲዋ አካዴ፤ ዳሮኔ ጉላው ሃቼ ጋካናዉካ ኤቃዴ ማርካታይ። ናባቱኔ ሙሴ፤ ኪሪስቶሲ ማቶታናው ቤሴ፤ ቃሲ ሃይቁዋ፤ ኮይሮ ዴንዲዴ፤ አዩሁዳቱዋሲኔ አዩሁዳ ጊዴናዋንቶ እቶቱላ ፖዑ ኦዳናው ቤሴ) ጌዳዋዳን፤ ታኒካ ኡንቱንቱ ሃሳዩዳዋ፤ ሃራ ኢቲባኔ ሃሳዩዳባይ ባዋ» ያጌዳ።

24 ጳውሎስ ባሬንቱባ ሃዋዳን ያጊዴ ዛሪሺን፤ ፒሰዖሲ ኮሻ ቆቂ ኡዲዴ አ ሃሳያ ጴባናው፤ «ጳውሎሳ፡ ኮኒ ጎያ፤ ኮኒ ዳሪ ታማራዳዌ ኔና ጎሻና ሃኔ» ያጌዳ።

25 ሺን ጳውሎስ ሃዋዳን ያጌዳ፤ «ቦንቼቱዳ ፒሰዖሳ፡ ታኒ ቱማቱላን ሎዖ ዩወዋኔ ዋዛና ቆፋ ሃሳዩያዋ፤ ኣቲን ጎዩኬ። 26 ታኒ ካቲያ አግሪጳሲ ሃ ዩወዋ ቆንጫያን ኦዲያዋ ኢ ኤሬ፤

አዪሲ ጎፔ፣ ሃ ዬዉ ጌማን አሴቲቤና ዲራው፣ ሃዋፔ ኢቱኔ አፔ ጌማናዋ ታኒ ጌሻዴ ኤራይ።

27 «ካቲያ አግሪጳ፣ ኔኒ ናባቱ ጌዳዋ አማናይ? ኔኒ ኡንቱንቱ ጌዳዋ አማኒያዋ ታኒ ኤራይ» ያጌዳ።

28 ካቲያ አግሪጳይ ጳዉሎሳ፣ «ሃዉ ሃ ቃንፋ ዋዳቲንካ ታና አማንፋናው ኮያይ?» ያጌዳ።

29 ሄዋፔ ጉዬ ጳዉሎሲ፣ «ዳር ዋዴ ጊዲና፣ ጉፋ ዋዴ ጊዲና፣ ኔ ፃላላ ጊዳካ፤ ሺን ሃቼ ታኒ ኦዲያዋ ሲሲያ ኡባይ ቃሲ ታዋዳን ቃሹቶፕና አቲን፣ ታ ማላ ጊዳናዳን ፃሳ ዋሳይ» ያጌዳ።

30 ሄዋፔ ጉዬያን ካቲ፣ ሞዲያ ፒስፆሴ፣ ባሪኒቄኔ፣ ኡንቱንቱና ዴዲያ ኡባይ ዴንዲ፣ 31 ኢቲ ባጋ ሲሚዴ፣ ኢቱ ኢቱዋና፣ «ሃ ቢታኒ ሃይቁሳይ እቶ ሺን፣ ቃሹዋሲካ ቤሲያባ አሊቤና» ያጌ ሃሴዬዲና። 32 አግሪጳይ ፒስፆሳ፣ «ሃ ቢታኒ፣ «ቁሳሪ ታባ ፐርዶ» ጊቤኔንቶ፣ ቢሌታናው ዳንዳዬ ሺን» ያጌዳ።

27

ጳዉሎሲ ሮሜ ቤዳ

1 ኑኒ ማርካቢያን ፃሊያ ባናው ቆፒ ኡቱዳ ዋዴ፣ ጳዉሎሳኔ ሃራ አማራዳ ቃሹቱዳ አሳቱዋ አዉጊስፆሳ ዋታዳራቱዋ ጊያዋንቱፔ ኢቲ ዩሊዮሳ ጊያ ፃታቱዋ ካፑዋሲ አሊዴ ኢሚዲና። 2 ኢሲያ ጋፃን ዴዲያ ጋዳቱዋ ቢያ አዲራሚፃዮና ማርካቢያን ጌሊዴ ቤዶ፤ ማቂዶኒያ አሳ ጊዲያ ቱሴሎንቄ አሪስፂርኮሲ ኑናና ዴዴ።

3 ዋንቲሳ ጋላሲ ኑኒ ሲዶና ጋኪሺን፣ ዩሊዮሲ ጳዉሎሳው ዳርፔ አ፣ «ኔ ዳባቱ ኔና ኮሺያባ ማዳና ማላ፣ ኔኒ ኡንቱንቱኮ ባናው ዳንዳያ» ያጌዳ። 4 ሄዋፔ ዴንዲዴ፣ ሲንፋና ኑ ቦላ ጨርኪያ ዲራው፣ ቆጲሮሳ ሃፋን ዶዴቱዳ ሳሳን ጨርኪና ባጋ ቤዶ። 5 ከልቂያ ማታኒኔ ጳኒፊሊያ ማታን ዴዲያ አባ ፒኒዴ፣ ለቂያን ዴዲያ ሙራ ጋኪዶ። 6 ሄዋን ፃታቱዋ ካፑ ፃሊያ ቢያ ኢስኪንዲሪያ ማርካቢያ ዴሚዴ፣ አኒ ኑና ጌሊሴዳ።

7 ኑኒ ጮራ ዋዲያ ሎዳን ቢዴ፣ ዳር ሜቱዋን ቁኒዶሳ ካታማ ጋኪዶ፤ ሄዋና ባናው ኑና ጨርኩ ዲጊና ሳልሞናና አጲዴ፣ ሃፋን ዶዴቱዳ ቃርፃሳን ጨርኩዋፔ ቱዴቲዴ ቤዶ። 8 ቃሲካ ዳር ሜቱዋን ጋፃና ጋፃና አጲዴ፣ ላሲያ ካታማ ማታን ዴዲያ አባ ዳናን ማርካቢ ዋፑ ጌዴ ሸምፒያሳ ጌቱቲያሳ ዬዶ።

9 ኑኒ ሄዋን ጮራ ዋዲያ ጋሚዴዋፔ ጉዬያን፣ ፆማይ ቢሌቲዲጌዳ ዲራው፣ ማርካቢያን ቢያዋካ ሄርጊሺን ጳዉሎሲ ኡንቱንታ ዞሪዴ፣ 10 «አሳው፣ ኑ ቡሳን ዋልቃማ ቦሻይኔ ዳር

ባሻይ ደዓናዌ ታው ቤቴ፤ ባሻይ ዪያዌ ጫና ቦላኔ ማርካቢያ ቦላ ፃላላን ጊዳና፤ ኑ ሸምጥዋ ቦላካ ያናዋ» ያጌዳ። 11 ሺን ፃታቱዋ ካፑ ጳውሎሲ ጌዳዋ፤ ኣሊዳ፡ ማርካቢያን ደዒያዋን ታ ኣዛዚያዌኔ ማርካቢያ ጎዳይ ጊያዋ ኣማኔ። 12 ሄ ኣባ ማታ ካታማይ ባልጉዋ ሻጫናው ኡንቱንቶ ሚኬና ካታማ፤ ሄዋ ዲራው፡ ጮራ ኣሳቱ ባሬንቶ ዳንዳዬቶ፤ ፒንቄ ጊያ ካታማ ጋኪዳ፡ ባልጉዋ ያኒ ሻጫና ማላ፡ ያፔ ዳንዳናው ዘሬቴዲና፤ ፒንቄን ደዒያ ማርካቢ ሸምጥያ ሚኮ ሳዒይ ዶዬቴዳዌ፡ ኣዋይ ዉሊያሳፔኔ ኡሸቻ ባጋፔ ጊዲዋን፡ ቃሲ ዉሊያሳፔኔ ሃዲርሳፔ ጊዲዋና።

ኣባ ቦላን ጎቱ ዳንዳዳ

13 ኣዋይ ኬሲያሳ ፃሊያ ዎዳ ኡሸቻ ዲጌሃ ባጋ ጫርኩ ሎዳን ጫርኬዳ ዎዳ፡ ባሬንቱ ቆፔዳዋዳን ሃኔዳዋ ኡንቱንቶ ማላቲና ዳንዳዲና፤ ማርካቢ ቤና ማላ ኦይቂያ ቢራታ ፑዳ ዳፊዳ፡ ቃርፃሳ ማታቲዳ፡ ላንቂያና ኣጼዲና። 14 ሺን ዳሪ ጋሚዳናን፡ «ኣዉራቂስ» * ጊያ ዳር ዎልቃማ ጎቱ ሃላ ጊደን ደዒያ ሳዒፔ ዲጌ ኡንቱንቱ ቦላ ዳንዳዳ። 15 ሄ ጎቱ ማርካቢያ ዳቲዳ ኣሌናን ዲጊና፡ ባናው ኑሲ ዳንዳዬቴናን ኢፃዳ ዲራው፡ ማርካቢያ ኢ ኣፊያሳ ኣጊዳ ቤድ።

16 ኑኒ ቄዳ ጊያ ሃላን ደዳቴዳ ጫርኩዋፔ ጌሜዳ ሳና ኣጲያ ዎዳ፡ ዳሪሲ ሜቶቲዳ ማርካቢያ ዎንጊሪያን ናጊ ኣሻናው ዳንዳዶድ። 17 ኡንቱንቱ ዎንጊሪያ ፑዳ ኬሴዳዋፔ ጉዩያን፡ ጋዲያን ማርካቢያ ፃዒዳ፡ ሚኒሲ ቃቲዲና፤ ሲርፃሳ ጊያ ሻፊ ኩሚዳ ሳን ባሬንታ ኩንዲሳኔንቶኔ ጊዳ ሂርጊዳ፡ ማርካቢያ ኣፊያ ሻራ ዎሊዳ፡ ጫርኩዋን ማርካቢያ ጮ ዬዲ ኣጌዲና።

18 ጎቱ ዎልቃሚዳ ኑ ቦላን ዎልቃሚዳ ዲራው፡ ዎንቲሳ ጋላሲ ጫናፔ ኣባን ኦሉዋ ደሜዲና። 19 ሄዜንሊያ ጋላሲካ ማርካቢያን ደዒያ ሚሻ ኡንቱንቱ ባሬንቱ ኩሺያን ኦሉዲና። 20 ኑኒ ዳር ዎዲያ ኣዋኔ ያለንቲያ ቤዔናን፡ ዎልቃማ ኡሹ ኑ ቦላ ቡኪሺን፡ ሲንሳፔ ጳያናን ኣቶኮ ጊዳ ቆፔድ።

21 ኡንቱንቱ ዳር ዎዲያ ቁማ ሚናን ጋሚዳዋፔ ጉዩያን፡ ጳውሎሲ ሄ ዎዳ ኡንቱንቱ ጊደን ዳንዲ ኤቂዳ፡ ሃዋዳን ያጌዳ፤ «ኣሳው፡ ሂንቲንቱ ታ ዘሪያ ኣኬዳንቶኔ ቃርፃሳፔ ዳንዳናን ኣቴዳንቶ፡ ሃዋ ማላ ባዬሳይኔ ቆሁ ኑና ጋኪና። 22 ሺን ሃዒካ ታኒ ሂንቲንታ ያዮፒቴ ጋዳ ዘራይ፤ ኣዪሲ ሳፔ፡ ሃ ማርካቢ ባያናፔ

* 27:14 «ኣዉራቂስ» ጌቴቴያ ዎልቃማ ጎቱ ኪሊ ፑዳሃፔ ዉላ ባጋ ጫርኪያዎ ጊዲያዎ ቤሴ።

አቲን፣ ሂንቴንቱ፤ ኢቲ ኡራ ሸምፑካ ባዩና። 23 አዪሲ ጎፔ፣ ያሳ ኪታንቻይ፣ ታና ሞዴዳ ታኒ ጎዪኒያ ያሳዋ፣ ዚኖ ቃማ ታ ማታን ኤቂዳ፣ 24 ጳውሎሳ፣ ያዮፓ፤ ኔኒ ሮሜ ጋዲያ ካቲያ ቄሳራ ሲንሳን ኤቃናው ቤሴ፤ ቤዓ፣ ያሳይ ባሬ ኬካቴላን ኔናና ቢያ አሳ ኡባ ሸምፑዋ አሻና) ያጌዳ። 25 ሄዋ ዲራው አሳው፣ ያዮፒቱ። አዪሲ ጎፔ፣ ሄ ኪታንቻይ ታው ኦዴዳዋዳን ሃናናዋ ታኒ ያሳ አማናይ፤ 26 ሺን ጫርኩ ኑና ኢቲ ሃላን ዶዴቲዳ ሳዓን አባ ደናን ዶምዲሳና» ያጌዳ።

27 ታማኔ አይዳንሉ ጋላሲ ሜዲቴራኒያ አባን ኑና ጫርኩ ያኔ ሃኔ ሱጊሺን፣ ማርካቢያን ኦሊያዋንቱሲ ቃማ ቢላሂ ቢታኮ ማቲዳዋ ማላቴዳ። 28 ኡንቱንቱ ሊኪያ ጋዲያ ዪራን ዴዲያባ ቃቺዳ፣ ሃላን ዩጊና፣ ሃላይ አይታሙ ሚቲሪያ ጨማቲዳዋ ኤሬዲኖ። ጉላ ጋሚዲዳ፣ ላዔሉዋ ዩጊዳ፣ ሃታሙ ሚቲሪያ ጨማቲዳዋ ኤሬዲኖ። 29 ኡንቱንቱ ሹቻቲያሳን ኩንዳና ማላ ያዩዳ፣ ማርካቢ ቤና ማላ ኦይቂያ ኦይዲ ቢራታ ማርካቢያ፤ ጉዬና አባን ዩጊዳ፣ ሳዓይ ዋንታና ማላ፣ ባሬንቱ ያሳቱዋ ዋሲኖ። 30 ማርካቢያን ኦሊያዋንቱ ማርካቢያ፤ ኪቻናው ኮዩዳ፣ ማርካቢ ቤና ማላ ኦይቂያ አማራዳ ቢራታቱዋ ማርካቢያ፤ ሲንሳ ባጋና አባን ዩጊያዋ ማላቴዳ፣ ዋንጊሪያ አባን ዋሌዳ ዋዳ፣ 31 ጳውሎሲ ዪታቱዋ ካፑዋኔ ዋታዳራቱዋ፣ «ሃዋንቱ ማርካቢያ ጊዶን ዴዓና ጳዮፔ፣ ሂንቴንቱ አታናው ዳንዲይኪታ» ያጌዳ። 32 ሄዋፔ ጉዩያን፣ ዋታዳራቱ ዋንጊሪ ቃሹቴዳ ጋዲያ ቃንዲዳ፣ ዩዲ አጌዲኖ።

33 ሳዓይ ዋንታና ሃኒሺን፣ ጳውሎሲ ኡባይ ቁማ ማና ማላ፣ ሃዋዳን ያጊዳ ዋሴዳ፤ «ሂንቴንቱ ሃቺና ታማኔ ኦይዲ ጋላሳ ናጌዲታ፤ ቃሲ ሄ ኡባንካ ቁማ ሚቤይኪታ። 34 ሄዋ ዲራው፣ ጉላ ቁማ ሂንቴንቱ ማና ማላ፣ ታኒ ሂንቴንታ ዋሳይ፤ አዪሲ ጎፔ፣ ሂንቴንቱ ፓዓ ዴዓናው ጉላ ቁማ ማና ኮሺ፤ ሃራይ አቶ ሂንቴንቱ ሁጺያ ቢናና፤ ኢቲካ ባዩና» ያጌዳ። 35 ጳውሎሲ ሃዋ ጊዳ፣ ኡኪላ አኪዳ፣ ኡባ ሲንሳን ያሳ ጋላቴዳ፤ ሜንሊ ሙሳ ደሜዳ። 36 ሄዋፔ ጉዩያን ኡባይ ሎይላ፣ ባሬንቶ ቃሲ ቁማ ሜዲኖ። 37 ኑኒ ማርካቢያን ዴዲያዋንቱ ላዑ ዪታኔ ላፑን ታማኔ ኡሱፑና። 38 ኡንቱንቱ ሚዳ ካሌዳ ዋዳ፣ ጫና ዘርጋ አባን ኦሊዳ ማርካቢያ ዴዎዋ ካወሺሴዲኖ።

ማርካቢያ ሜዑሳ

39 ሳዓይ ዋንቱዳ ዋዳ፣ ማርካቢያን ኦሊያዋንቱ ጋዲያ ኤሪቤይኪኖ፤ ሺን ሃላይ ጎጊዳ አባን ጌሌዳሳ ሚዩያን ዴዲያ

ሻፊያ አኩካን ፃሌዲኖ። ባሬንቱሲ ዲንዳዬቲንቶ፣ ማርካቢያ ሄ ሻፊያኮ ለጋናው ባሬንቱ ቆፋ ቃቹዲኖ። 40 ያቲዳ ማርካቢ ቤና ማላ ኦይቂያ ቢራታቱዋ ቢሊዳ፣ አባ ጊደ ዩጌዲኖ፤ ሄ ዎዴ፣ ማርካቢያ ኮዬዳሳ ዛሬዳ ላጊያ ሚላ ቃቹዳ ጋዲያ ቢሌዲኖ፤ ሄዋፔ ጉዪያን፣ ጫርኩ ማርካቢያ ሲንጎው ሱጋና ማላ፣ ማርካቢያ አፊያ ሻራ ሲንጎ ባጋና ዶቁ ኡዲዳ፣ ቡሳ ደሚዲኖ። 41 ሺን ማርካቢ ጨሙ ዳዲያሳፔ አዲዳ ሃላን ደዴቲዳ ሳዓ ማታን ዳዲያ ዳላሳን ደምዔቲ ኤቄዳ፤ ማርካቢያሲ ጉዬ ባጋይ ቤታ ሱጌላን ማዔሬቲሺን፣ ሲንጎ ባጋይ ዱጌ ጺሽቲዳ፣ ቃዳናን ኢዲ አጌዳ።

42 ዎታዳራቱ ቃሽቲዳ አሳፔ አቲኔ ሃላ ዋዲዳ ኬሲ አኪ ቤና ማላ፣ ኡንቱንታ ዎዳናው ዘሬቲዲኖ። 43 ሺን ፃታቱዋ ካፑ ጳውሎሳ አሻናው ኮዪዳ፣ ዎታዳራቱዋ ማቁዋ ኢዲዳ፤ ሃላ ዋዳ ኤሪያ ኡባይ ማርካቢያፔ ሃላን ጉፒ ጉፒዳ ካሴቲዳ ጋፃ ኬሳና ማላ አዛዜዳ። 44 አቴዳዋንቱፔ አማሬዳዋንቱ ሳንቃን፣ አማሬዳዋንቱ ቃይ ማርካቢያ ማዕዋን ኬሳና ማላ አዛዜዳ፤ ሄዋዳን ኡባቲካ ጋፃ ሳርቲላን ኬሴዲኖ።

28

ጳውሎሲ ማልታ ጊያ ሃላን ደዴቲዳ ሳዓ ቤዳ

1 ኩሲ ጋፃ ሳርቲላን ኬሴዳ ዎዴ፣ ሄ ሃላን ደዴቲዳ ሳዓይ ማልታ ጌቲቲያዋ ኤሬዳ። 2 ሃላን ደዴቲዳ ሳዓን ዳዲያ አሳቱ ኑሲ ዳር ኬካቲላ ኬኬዲኖ፤ ኢራይ ቡካናው ደሚዳ ዲራወኔ ማጉዋ ዲራው፣ ታማ ኤሲዳ፣ ኑና ኡባ ሞኬዲኖ።

3 ጳውሎሲ ዳር ቃይፃሪያ ሚላ ሚዲዳ ታማን ዩጊሺን፣ ማርካማ ሾሻይ ሴላ ዲራው ኬሴዳ፣ አ ኩሺያን ፃፃቲዳ፣ አ ዱኬዳ።

4 ሃላን ደዴቲዳ ሳዓን ዳዲያ አሳቱ ቂርጫንቲያ ሾሻይ ጳውሎሳ ኩሺያን ፃፃቲዳዋ ቤዔዳ ዎዴ አቱ አቲዋሲ፣ «ቱሙ ሃ ቢታኒ ሽምቸዋ ዎዲያ አሳ፤ ሃራይ አቶ አባፔ ኢ አቲናካ ኑ ያሳ ፒርዳይ አ ፓፃ ዴፖ ጊቤና» ያጌዲኖ።

5 ሺን ጳውሎሲ ባሬ ኩሺያፔ ቂርጫንቲያ ሾሻ ወፃኪዳ፣ ታማን ኦሌዳ፤ አ ኦይኔ ኦሊቤና። 6 ኡንቱንቱ፣ «አ ቦላይ ጋሬ፤ ዎይ አኬኬናን ኩንዲዳ ሃይቄ» ያጊዳ አ ናጊኖ፤ ሺን ጮራ ዎዲያ ናጊዳ፣ አ ቦላን አይኔ ደማቲዳባይ ጳዪና፣ «ሃዎ ያሳ» ያጊዳ ባሬንቱ ቆፋ ባሺ አጌዲኖ።

7 ሄዋ ሄራን ሃላን ደዴቲ ኡቲዳ ሳዓ ካፑዋ ፑፒሊያሳ ጊያዋሲ ጋዲ ዳዔ፤ ኢ ኑና ኢማላቲላ፣ ሄዙ ጋላሳ ሲቁዋን ሞኪ ሞዪዜዳ።

8 ፑፐሊያሳ ላቡ ቆፀዋ፡ ሴላኔ ኡሉዋ ካቶ ሳኬቴ ጊሲዴ ዴዴ፤ ጳውሎሲ ኣ ሶይ ጌሊዴ፡ ኣው ያሳ ዋሴዳ፤ ባሬ ኩሺያ ኣ ቦላ ዋሊዴ፡ ኣ ፓሌዳ። 9 ሄዋፔ ጉዩያን፡ ሄ ሃላን ደዴቴዳ ሳዓን ሃርጊያ ሃራ ኡባ ኣሳይካ ቃሲ ዩዴ ፓዳዳ። 10 ሄዋፔ ሲሚና ኑና ደር ቦንቹዋ ቦንቹዲኖ፤ ኮኒ ማርካቢያን ባናው ዴንዴዳ ዋዴ፡ ኦጌው ኑና ኮሺያባ ኑሲ ኢሜዲኖ።

ጳውሎሲ ማልታፔ ሮሜ ቤዳ

11 ሄዙ ኣጌናፔ ጉዩያን፡ ሃላን ደዴቴዳ ሳዓን ባልጉዋ ኣሊዴ፡ «ማንቴ ያሳ» * ጊያ ኢስኪንዲሪያ ማርካቢያን ባናው ዴንዴዳ። 12 ኮኒ ሲራኩሴ ጊያ ካታማ ጌሊዴ፡ ያኒ ሄዙ ጋላሳ ኡቴዳ። 13 ሄዋፔ ዩዩዴ፡ ሬጊዩሚ ጊያ ካታማ ጋኬዳ። ኢቲ ጋላሳፔ ጉዩያን፡ ኣዋይ ኬሲያሳ ያሊያ ዋዴ ኡሺቻ ዲጌሃ ባጋ ጫርኩ ጫርኪና፡ ዋንቲሳ ጋላሲ ፑቲያሉሳ ጊያ ካታማ ዩዳ። 14 ሄዋን ኮኒ ኢቲ ኢቲ ኣማኒያዋንታ ዴሚና፡ ባሬንቱና ላፑ ጋላሳ ኡታና ማላ፡ ኑና ዋሴዲኖ፤ ሄዋፔ ቃሲ ሮሜ ዩዳ።

15 ሮሜን ዴዲያ ኣማኒያዋንቱ ኑባ ሲሲዴ፡ ኣፊያሳ ጌያኔ «ሄዙ ኣቋያሳ ጌቴቲያሳ» ጋካናሲ ኑና ሞካናው ዩዲኖ፤ ጳውሎሲ ኡንቱንታ ቤዴዳ ዋዴ ያሳ ጋላቲዴ፡ ዋዛናን ሚኒሴዳ።

ጳውሎሲ ሮሜን ታማሪሴዳ

16 ኮኒ ሮሜ ጌሌዳ ዋዴ፡ ጳውሎሲ ባሬና ናጊያ ዋታዳራና ባሬካ ዴዳናዳን ኡዴቴዳ።

17 ሄዙ ጋላሳፔ ጉዩያን፡ ጳውሎሲ ኣዩሁዳቱዋ ካፓቱዋ ባሬኮ ያሴዳ፤ ኡንቱንቱ ሺቄዳ ዋዴ፡ ኡንቱንታ ሃዋዳን ያጌዳ፤ «ታናዳን ኣማኒያዋንቶ፡ ታኒ ኑ ኣሳ ዋይ ኑ ኣዋቱዋ ዋጋ ኢታባ ኣይኔ ኦሌናን፡ ታና ዩራሳላሚን ቃቲዴ፡ ሮሜ ኣሳሲ ኣሊዴ ኢሜዲኖ።

18 ኡንቱንቱ ታና ቢዴዳዋፔ ጉዩ፡ ሃይቃናው ቤሲያባይ ታ ቦላ ኣይኔ ባዩና ዲራው፡ ታና ቢላናው ኮዩዲኖ። 19 ሺን ሄዋ ኣዩሁዳቱ ኤኖ ጌናን ኢዳዳ ዋዴ፡ ሳታባ ቄሳሬ ፐርዶ፡ ጋናዌ ታና ኮሺዳፔ ኣቲን፡ ታኒ ታ ዛሬያ ሞቲያባይ ታው ዴዲና ጊዴና።

20 ታኒ ሂንቱንቱና ጋኬታናው ሃሳያናው ሂንቱንታ ያሴዳዌ ሄዋሳ፤ ኣዩሲ ሳፔ፡ ኢስራዴሊያ ኣሳይ ናሺቻን ናጊያዋ ዲራው ታኒ ሃ ሳንላላታን ቃሺታዲ» ያጌዳ።

* 28:11 ማንቴ ያሳ፡ ሃዋንቱ ላዑ ኣቱማ ናናቱ፡ ካስቶሪኔ ፓሎኪሳ ጌቴቲያዋንቱ ዜወሴ ናናቱዋ ጊዲዴ፡ ማርካቢያን ዴዲያ ኣሳቱዋ ናጊያ ያሳቱዋ ጌቴቲዴ ያሴቲኖ።

21 አዪሁዳ ጨማቱ ጳውሎሳ፡ «ኑኒ ዪሁዳፕ ኔባው ዳቢዳቢያ አኪቤይኩ፡፡ ኑ ኢሻቱዋፕካ ሃራይ አቶ፡ ኢቱካ ዪዳ፡ ኔባ ኑዲቤና፤ ዋይ ኔ ሱንላ ባዪዚዳ፡ ኑሲ ኑዲቤና፡፡ 22 ሺን ሄ አሳ ሱንላ ኡባሳን አሳይ ባዪዚዳ ሃሳዪያዋ ኑኒ ኤሪያ ዲራው፡ ኔ ቆፋ ሲሳናው ኮዬቶ» ያጌዲኖ፡፡

23 ኡንቱንቱ ባሬንቱ ያና ጋላሳ ጳውሎሳው ከሪዳ፡ ሄ ጋላሲ ጮሪዳ ኢ ዳዒያሳ ዪዲኖ፤ ኢካ ኡንቱንቶ ያሳ ካዉቱላባ ማርካቱዳ፡፡ ቃሲ ኡንቱንቱ ዬሱሳባ አማናና ማላ፡ ሙሴ ሂጊያፕኔ ናባቱ ያፌዳዋፕ አኪዳ ኡንቱንታ ታማሪሲዳ፡ ዋንታፕ ኦማርሲ ጋካናው ሎይሊ ኦዳዳ፡፡ 24 ባጋቱ ጳውሎሲ ጌዳዋ አማኔዲኖ፤ ሺን ባጋቱ አማኒቤይኪኖ፡፡ 25 ኡንቱንቱ ባሬንቱ ጊደን ዬወዋ ኤኖ ጌናን ኢዳዳ ዋዳ፡ ጳውሎሲ አቲባ ጌዳዋፕ ጉዪያን ቤዲኖ፤ ኢ ሃዋዳን ያጌዳ፤ «ጌሻ አያናይ ኑ አዋቱዋሲ ናቢያ ኢሲያሳ ማፃፋን፡፡ 26 «ኔኒ ሄ አሳኮ ባዴ ሃዋዳን ጋ፤

«ሂንቱንቱ ሲሳ ሲሳና፡

ሺን ሂንቱንቶ ጌሌና፤

ሂንቱንቱ ያላ ያላና፡

ሺን ቤዒኪታ፡፡

27 አዪሲ ጎፔ፡ ሃ አሳ ዋዛናይ ጉዙሜዳ፤

ባሬንቱ ሃይላ ቱሊሴዲኖ፤

ባሬንቱ አዪፊያካ ጨሉሜዲኖ፡፡

ሄዌ ባዌንቶ፡ ባሬንቱ አይፊያን ቤዒና፤

ኡንቱንቱ ሃይላይካ ሲሳና፤

ኡንቱንቱ ዋዛናይካ አኬካና፤

ኡንቱንቱ ታኮ ያሳኮ ሲማና፡፡

ቃሲ ታኒካ ኡንቱንታ ፓላና»

ያጋ) ያጌዳ፡፡

28 «ሲሚ ሃዌ ያሳ አቶቱላይ፡ አዪሁዳ ጊዳናዋንቶ ኪቴቱዳዌ ሂንቱንቶ ኤሬቶ፡፡ ቃሲ ኡንቱንቱካ ሲሳና» ያጌዳ፡፡

29 [ጳውሎሲ ሄዋ ጌዳዋፕ ጉዪያን፡ አዪሁዳቱ ባሬንቱ ጊደን ዳሮ ፓሉሜቲዳ ቤዲኖ፡፡] †

30 ጳውሎሲ ኪራ ገሊያን ላዑ ላይላ ኩሜንላ ዳዒዳ፡ ባሬኮ ዪያ ኡባ ሞኬ፡፡ 31 ባሬና ኦኒኔ ዲጌናን ያሳ ካዉቱላባኔ ጎዳ ዬሱሲ ኪሪሰቶሳባ ኑዲዳ፡ ያዬናን ዳሪ ቆንጨሲዳ ታማርሴዳ፡፡

28:27 እሳ 6:9-10 † 28:29 ዲማ ዲማ ማፃፋቱ ሃዋ ጉጂያዌ፡ ጳውሎሲ ሃዋ ጌዳዋፕ ጉዪያን ጊያዋና፡፡

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source
files dated 29 Jan 2022
585b63ca-b8e6-55c8-bfef-10bdc95ad69c